



## ATA ta aclara impuesto pa bishitantenan Venezolano

Lesa A8



## Bus di Salud a inicia e siman di Presion

Lesa A14



## Supuesto pelea grandi na EPB Hato

Lesa A9

# BON DIA *Aruba*

Diasabra 23 di Mei 2015 [www.bondia.com](http://www.bondia.com) Email: [noticia@bondia.com](mailto:noticia@bondia.com) Tel: 582-7800 Fax: 582-7044 1,50 Florin



*Sr. Ramon Todd Dandaré*

## Generacion nobo ta hereda un mal Papiamento

**ORANJESTAD** – Segun e linguista y promotor di Papiamento Sr. Ramon Todd Dandaré, durante e ultimo 12 añanan cu nos lenga materno ta idioma oficial, por ripara cu tin aspecto positivo riba promocion di Papiamento; pero, banda di esey, tambe tin aspecto negativo, entre otro pa motibo cu Papiamento no ta existi na tur scol como lenga di instruccion.

Lesa A3

## Training educacion sexual na scol a drenta fase final



**“E muchanan por sa hopi pero nan no tin informacion corecto”** Sra. Monique Giel di Wit Gele Kruis

Lesa A3



*Departamento di Salubridad:*

## Conscientisando restaurantnan riba necesidad di tanki pa vet

Lesa A7



*Keyla Reeder:*  
**“Cyber bullying ta un problema grandi rond di mundo y nos comunidad”**

Lesa A12/13






(1) 7882 | (2) 9321 | (3) 4955



Bo cadena di numbernan di suerte ta duna e number di awe

Sorteo di 21 Mei 2015



7099  
GEMINI



7822



7433  
0813  
1998



02-06-20-24-29



06-08-09-25  
MEGABALL  
01



9354  
2798  
9323

DIARIO

0921  
3722  
4732

SUPER  
4

5443

*Pronostico di tempo:*

## Parcialmente nubia

**ORANJESTAD** – Pronostico di tempo ta indica cu tempo ta parcialmente nubia.

Temperatura maximo ta 32° grado y temperatura minimo ta 27°.

Tempo pa mainta: Parcialmente nubia. Maximo: 33. Heatindex te 36°. Indice ultravioleta: 12. Biento di oost alrededor di 20 nudo cu rafaga di 35 nudo. Stof di Sahara.

Tempo pa anochi: Parcialmente nubia. Leve posibilidad di awa despues di madrugada. Biento di oost alrededor di 18 nudo cu rafaga di 33 nudo. Posibilidad di awa menos di 20%. Stof di Sahara. □



*Metrosystem*

## Aruba falta hopi pa logra nivel internacional di metrologia

**ORANJESTAD** – Un pais su sistema di metrologia ta eleva e cultura y hisa e calidad di bida, pa motibo cu e ta forma parti di e funcion primordial den economia di e pais. “

Thaira Vargas cu ta di e compania Metro-system NV di Venezuela a bisa: “Metrologia ta importante pasobra e tin di haber cu tur cos. Y tambe nos di Metro System kier mira unda Aruba ta para cu esaki.” A puntra Sra. Vargas si tin un diferencia entre Aruba y Venezuela den e sistema di metrologia. El a splica cu actualmente Venezuela ta conta cu un laboratorio nacional di metrologia y di cual algun organisacion internacional tambe ta forma parti di dje. Aruba ta tin un departamento so, sinembargo ta ocupa cu actualisacion di normanan cu bista pa forma parti di instancianan internacional cu tin bista riba metrologia. “Ainda tin hopi trabou cu mester wordo haci na Aruba pa eleva e nivel cu ta directamente relaciona cu comercio y ciudadano.” El a sigui bisa cu Aruba mester un laboratorio completo di metrologia. Metro-system tin autorisacion pa forma parti di DTI y yuda cu esaki.

### Midi constantemente

Como ciencia tin filosofia cu comprobacion científico, nos no por biba sin midi y nos ta haci esey sin cu nos ripara, desde ora cu nos lanta for di cama. “Nos midi cuanto rato e ta bay tuma nos pa prepara pa no yega trabou laat y cuanto gasolin nos ta uza, tur ta ehempel di metrologia.

### E midi, di tur cos

E ciencia di aplicacion di midimento ta algo necesario pa avance humanitario

ya pa miles di aña. E sistema di midi cu ta na e base di tur sistema metrico a wordo aplica mas di miles di aña prome cu Cristo. E sistema

Por compronde cu e conteo di stap aki a trece hopi reto cun’e mirando e reto ora cu biahenan tabata encera crusa teritorio di enemigo. Tambe

industrial tabata depende di e adoptacion di unidad exacto di midimento, pa produccion den gran cantidad y ekipo entre otro, cual lo tabata imposibel sin uno.

E sistema di midi Britanico a wordo adopta na 1824 y a wordo re tene te cu UK uni na e comunidad Europeo na 1970. Algun di e forma di midi Britanico ainda ta wordo uza dia di awe, manera ‘pint’ cual ta un uzo comun pa midi volumen na diferente bar.

### Unidad di SI

Na 1960, Système International d’Unités (SI) a wordo adopta pa sigura un sistema

di midimento a bira necesario cu desaroyo di agricultura ya desde 6000 B.C. como el a bira crucial pa calcula e distribucion di cosecha y cantidad di cuminda cu cada famia ta consumi.

Ta na aña 1875 na e Metre Convention, unda cu cientificonan a reconoce e necesidad pa establece un sistema internacional cu standard di midimento. Prome cu esaki, varios sistema a existi rond mundo cual a wordo hinca den otro y transforma door di intercambio y cultura.

### The Egyptian Cubit

Por mira e diferente dibuho y creacionnan di Egipto cual ta haci hopi exacto, cual ta dificil pa determina con nan a traha e cosnan asina exacto. “Egyptian cubit” ta e prome unidad reconoci como un standard di midi.

Aunke cu e standarisacion di ‘miya’ cu ta 1.609 kilometer no a wordo estableci te despues di un acuerdo internacional na 1959, locual tabata wordo yama Roman Mile tabata consisti cu cada dos stap ta conta pa 1, te cu mil.

e conteo tabata wordo influencia pa diferente otro factor manera e condicion di tempo y condicion fisico.

### Dificultad standarisacion

E inconsistencia den diferencia di sistema di midimento pa motibo regional y cultural a preveni un aplicacion universal di un standard di metrologia. Sin un manera efectivo pa haci intercambio y distribui conocimiento den e tempo antiguo e tabata imposibel pa cientificonan, kimico, fisico of matematico pa coopera hunto.

Hasta den siglo 18, sistemanan unifica di midi no tabata existi. Francia su centro di ciencia a conta na 1795 cu tabatin 700 diferente unidad di midimento den e ciudad. Na 1791 un comision a wordo instala pa dicidi entre tres posibel referencia di midi: E distancia di Noord Pool pa “evenaar” como e manera di mas simpel pa midi y calcula. E mesun aña ey e ‘meter’.

### Revolucion Industrial

E aparicion di e revolucion

practico pa midi. El a establece e uzo di shete unidad basico di SI: meter(m) –pa midi largura, kilogram (kg) pa midi masa, seconde (s) pa midi tempo, ampère (A) pa midi coriente electrico, kelvins (K) pa midi temperatura termodinamico, moles (mol) pa midi cantidad di substancia, candelas (cd) pa midi intensidad di luz.

Desaroyonan asina a surgi debi na e necesidad grandi den siglo 20 y 21 pa sigura un sistema habri, transparente y comprensivo di metrologia, cu lo provee e base tecnico pa acuerdo mas amplio den ciencia, comercio y asuntonan cu mester regula. Inicialmente, metrologia a surgi como un sistema científico di calculacion di un base natural pa calculacion di crecemento di poblacion. Desde tempo antiguo, el a progresa y a converti den un lenguaje universal cu ciencia industria y comercio, cu ta permiti avance continuo den humanidad. Tambe distribucion di conocimiento y recurso na nivel internacional. □





*Sr. Ramon Todd Dandaré Mag. Ling.*

## Generacion nobo ta hereda un mal Papiamento



**ORANJESTAD – Segun e linguista y promotor di Papiamento Sr. Ramon Todd Dandaré, durante e ultimo 12 añanan cu nos lenga materno ta idioma oficial, por ripara cu tin aspecto posi-**

**tivo riba promocion di Papiamento; pero, banda di esey, tambe tin aspecto negativo, entre otro pa motibo cu Papiamento no ta existi na tur scol como lenga di instruccion.**

Como linguista di nos idioma Papiamento, Sr. Todd Dandaré ta ripara cu, pa motibo cu te ainda Papiamento no a bira un lenga di instruccion den enseñansa pa tur scol, mayoria di nos poblacion ta haci mal uzo di nos idioma crioyo. E ta observa cu esaki ta riparabel den gran parti di nos hobennan, caminda nan mes ta admiti cu nan uzo di Papiamento no ta bon. Pero tambe nan ta admiti cu nunca nan no a haya Papiamento na scol.

“Esaki ta haci cu realmente nos ta bibando den un circulo vicioso, pasobra segun tempo ta pasa, ora cu ta pasa Papiamento di un generacion pa otro, ta pasa

esey cada bes mas malo, lamentablemente”, el a declara na Bon Dia Aruba.

E ta mira cu Ingles tin hopi influencia no solamente riba nos hubentud, sino riba nos hende grandinan tambe. Encuanto influencia di Spaño den nos Papiamento, actualmente e ta haya un tiki menos.

Hasta den e parti aki, el a bisa cu Spaño, cu ta nos di dos idioma na Aruba, ta esun mas discrimina riba nos isla. “Unda cu bo bay, bo ta haya anuncio na Hulandes, Ingles... pero bo no ta mira nada na Spaño”, el a indica. E ta agrega cu te hasta nos Papiamento “ta un yiu perdi den e aspecto aki, aki na Aruba”.

E linguista ta haya cu nos mes como Arubiano y sigur te hasta nos propio gobierno ta trata e idioma Papiamento, e idioma di e mayoria di Aruba (70% di nos poblacion), na un forma comosi-

fuera cu e no ta e prome idioma di nos pais. Y esaki ta un aspecto negativo y tristo cu e linguista Todd Dandaré ta señala.

Importancia di oficialisacion Pero no tur cos ta negativo durante e ultimo 12 añanan di Papiamento como idioma oficial, conmemora diahuebs ultimo. Sr. Todd Dandaré a bisa cu no mester lubida cu un 21 di mei 2003 a oficialisa Papiamento hunto cu Hulandes. Te e momento ey, Aruba no tabatin lenga oficial, ni Hulandes tampoco no tabata oficial.

E hecho di oficialisacion di ambos idioma a nifica cu hende na Aruba cu kier dirigi nan mes na gobierno, por haci esaki sea na Papiamento of na Hulandes. “Y nan por exige di gobierno tambe pa contesta nan na Papiamento, mescos tambe na Hulandes”, asina e linguista a laga sa.

Pero no solamente oficialisacion, sino henter e promo-

cion cu diferente grupo a y ta haci pa yuda fortalece y promove nos Papiamento. El a menciona entre nan Fundacion Lanta Papiamento y antes e Plataforma pa Promocion di Papiamento di Departamento di Enseñansa.

“E berdad ta cu den curso di tempo Papiamento a haya diferente publicacion hopi importante”, el a bisa na Bon Dia Aruba. El a menciona, entre otro, cu na aña 2009 a sali un publicacion tocante ortografia, esta e buki “Vocabulario Ortografico di Papiamento”. Tambe na aña 2010 a publica e prome parti di e Manual di Gramatica di Papiamento, esta e parti di Morfologia, cu ta trata palabra.

El a anuncia cu na final di e aña aki ta bay sali publica e di dos parti di e Manual di Gramatica di Papiamento, cu ta trata Sintaxis, esta e parti cu ta indica con ta hinca frase den otro den Papiamento. □

## Training educacion sexual na scol a drenta fase final

**Training pa educacion sexual na scolnan di Aruba a drenta su fase final. Durante un conferencia, Sra. Monique Giel a splica e rol di Wit Gele Kruis den e proceso aki.**

Den e fase final aki tur e docentenan lo wordo capacita pa guia nos hobennan riba educacion sexual. “E muchanan por sa hopi pero nan no tin informacion corecto” asina Giel a declara.

Wit Gele Kruis lo duna tur su apoyo educativo cerca scolnan cu ta bay cuminsa cu e proyecto aki. Segun Sra. Giel, cada aña Wit Gele Kruis lo duna un rapport cu tur e informacion cu nan por a colecta durante e proceso educativo completo cu e objetivo di guia docentenan pa traha mas duro riba cierto temanan cu merece mayor atencion.

“Nos mester cuminsa for di trempa pasobra muchanan di scol basico por tin un trauma cu no a wordo resolve ainda, of nan tin pregunta, of nan ta riba un situacion cu nan mester di ayudo” asina Sra. Giel a comenta. E obhetivo ta pa yuda muchanan pa scoge e decision corecto y saludabel pa nan lo tin un bon



futuro. “E muchanan por sa hopi pero nan no tin informacion corecto” Sra. Giel a bisa.

Tocante tema di embarazo hubenil Sra. Giel a señala cu e tin un par di casonan di muchanan cu tin malesanan cu ta afecta embarazo. Den e situacion aki no ta importa si ta mucha homber of mucha muhe pasobra e ta conta pa tur dos ora un di nan por

contagia otro. Segun Sra. Giel hopi hobennan no ta conoce e diversidad di malesa di transmision sexual y esaki ta un tema importante pa pone muchanan bira mas consciente y siña nan riba e diferente tipo di consecuencianan cu por afecta nan salud ora di tin relacionnan sexual sin proteccion.

**Proyecto “Biba Amor”**

Desde aña 2009, proyecto “Biba Amor” a cuminsa na Corsou dunando un bon resultado pa lo cual ta trata educacion sexual na scolnan. Sra. Pharetza Bertad a comenta cu e exito di e proyecto aki ta danki e metodo “crioyo” cu nan a implementa pa yega di un manera mas directo na e hoben. Nan a traha cu materialnan traha pa nan mes incluyendo e mayornan lo cual

a yuda mehora e relacion y comunicacion entre mayor y yiu pa lo cual ta trata sexualidad. “Sexualidad ta algo cu mester cuminsa na cas pero nos ta consciente cu no ta tur mayor ta sinti nan mes fuerte pa por pasa e informacion y ta ora e profesional mester haci esaki” asina Sra. Bertad a señala agregando cu e ta hopi contento di cu Aruba tambe a cuminsa cu e proyecto aki pa motibo cu e hobennan di awendia cu ta den desaroyo pa bira un adulto responsabel ta pasa den hopi cambio y mester di un guia pa tuma decisionnan corecto pa lora ta trata relacion sexual.

Proyecto “Bida Amor” ta bin Aruba pa duna tur su apoyo durante e proceso aki cuminsando cu e conocimiento di culpa cual ta trece e enfoke pa balora bo mes. Esaki ta algo hopi importante pasobra si bo ta conoce bo culpa bo sa kico bo ta permiti y kico bo no ta permiti

, asina Sra. Bertad a splica. Tambe nan ta trata tema di riesgo cu nan ta core ora nan tin relacion sexual sin proteccion, tema di sexualidad, entre otro. “Tema di relacion sexual ta un parti di bida y si bo no ta deal cun’e e si ta deal cu bo” Sra. Bertad a bisa. □

BON DIA Aruba	
<b>Editor</b>	Caribbean Speed Printers N.V. Aruba Bank N.V. Acc. #332668 Caribbean Mercantile Bank N.V. Acc. #23951903 RBC Royal Bank Acc. #1330772
<b>Hefe di Redaccion</b>	Jaime A. Mata
<b>Redactor Ehecutivo</b>	Zulaica Maduro
<b>Redaccion</b>	Benjamin Romero Nathalie Winterdaal Yakari Gabriel Nadien Philip Margarita Els Nicola Gonzalez
<b>Coreccion</b>	Jaime A. Mata
<b>Colaboracion</b>	Ariën Rasmijn Oscar Vidal Masnoticia NoticiaCla Associated Press New York Times Ret Karibense
<b>Ehecutivo di Benta</b>	Brigitte Wauben (Hefe) Marijke Croes-Luidens Mark Gomes
<b>Diseño Grafico</b>	Michael Arends
<b>Aviso y Arte</b>	Sandra Loefstop Lando Rafael Gladis Palomino-Silva Robert Cortez
<b>Administracion</b>	Xiomara Arends (Hefe) Mariette Engelhart (Hefe di Personal) Martha Arteta de Ariza
<b>Distribucion</b>	Jenny Kelly
<b>Coleccion</b>	Evelinda de Cuba - Tromp
<b>Pre Press</b>	Luis Fernando Arenas (Hefe) Pablo Libre
<b>Press</b>	Roland Schenker (Hefe) Omar Ramirez Martin Boekhoudt Yair Gambin Francis Dirks
<b>Afiliacion</b>	Sociedad Interamerica di Prensa (SIP)
<b>DIRECCION</b>	Weststraat #22 Tel: 582-7800 / Fax: 582-7044 email: noticia@bondia.com aviso@bondia.com BON DIA ARUBA Ta un Corant redacta y imprimi na Aruba y ta obtenibel di Dialuna te cu Diasabra. Ningun contenido por wordo reproduci sin permiso di Editor. www.bondia.com

## Rainbow Warriors:

Diversidad biologico pa desaroyo sostenibel  
cu notanan adicional pa Aruba

**Na nivel local na Aruba e instrumentonan principal pa reduci perdida di diversidad biologico ta nos Ordenanza Nacional pa Proteccion di Naturaleza, y e Ordenanza Nacional pa Desaroyo Teritorial y su instrumentonan entre otro Plan di Desaroyo Teritorial.**

Na nivel internacional ta valido pa Aruba e Tratado di Cartagena cu su tres Protocol, esta Oil Spills Protocol, Specially Protected Areas and Wildlife (SPAW) Protocol y e Land-based Sources of Marine Pollution (LBS) Protocol. Lamentablemente na Aruba den e maneho di Green Aruba y planificacion pa desaroyo di sector turistico no ta uza e Plan di Desaroyo Teritorial y tampoco estudionan pa impacto ambiental cu

ta cumpli cu nos ordenanza pa proteccion di naturaleza y ningun di e tres protocol di e Tratado di Cartagena. Esaki ta bisto entre otro den e forma con Gobierno di Aruba ta procede den e proyectonan di Bahia Principe cu lo destrui e Islanan di Bubi, un IBA, esta un Important Bird and Biodiversity Area.

E compania ACE FIRM Engineering te dia di awe no kier ni suministra e concepto di e estudio di impacto ambiental na esunnan cu a participa den e proceso pa yega na e concepto y ta parce cu e desaroyador di e proyecto Grupo Pinero lo sigui cu e Bahia Principe Resort sin tene cuenta cu ningun aspecto ambiental y di proteccion di naturaleza stipula pa nos leynan local, plan pa desaroyo teritorial y e Tratado di Cartagena.

Mescos ta e caso cu e desaroyador di e proyecto Zoetry Isla di Oro, esta Dell Real Estate cu tampoco no kier duna acceso na e estudio di impacto ambiental.

Y contrario na e proyecto di molina di biento na Urirama ningun di e dos proyecto hotelero tin “hoorzitting”, esta sesion publico programa pa debate riba e estudionan di impacto ambiental. Y si nos haci mencion breve di e manera con WEB Aruba a atende cu e derame di petroleo algun luna pasa y con diariamente na e dump di Parkietenbos e lama ta wordo contamina. Nos por mira cu e situacion di proteccion di diversidad biologico na Aruba ta sumamente tristo. Mas ainda si nos tuma den consideracion cu ai-

nda despues di cinco aña di promesa di Minister Presidente Mike Eman no tin ni un Ordenanza Nacional General pa Medio Ambiente, cu por cierto mester regla pa ley “once and for all” kico ta un estudio di impacto ambiental na Aruba y ni un Parke Marino, cual tur otro cinco isla di Reino Hulandes den Caribe si tin regla.

E unico noticia alentador cu nos a mira den cuadro di diversidad biologico den e dianan aki ta cu lo tin un caso penal den corte pa violacion di e prohibicion pa uza harpun pa pisca na Aruba. Awor si solamente e poder legislativo y poder ehecutivo na Aruba recapita y sigui e bon ehempel di nos poder hudicial pa salvaguardia nos diversidad biologico na Aruba. □

## Venezolanonan sin fondo financiero den exterior

**CARACAS/ORANJESTAD –(NoticiaCla) Mientras cu na Aruba, e problema di Venezolanonan ‘sino fondo’ pa aworaki ta practicamente soluciona, mundialmente e storia ta otro.** Y no ta descarta cu dentro di poco, Aruba por haya su mes cu e problema un biha mas. Por lo menos segun informacion for di Venezuela. E ta parce di ta un problema structural, cu no tin solucion ainda.

## Anauco

“E carchi no ta pasa” ta e comentario mas scucha ultimo simannan. Segun presidente di Alianza Nacional de Usuarios y Consumidores (Anauco), Roberto León Parilli desde cu su organisacion a ricibi numeroso denuncia di Venezolano cu ta den exterior y cu no tin acceso na tarheta, e number aki a aumenta drasticamente. “Nos tin miles di denuncia registra, nada mas di hendenan cu ta biahando. E banco a ricibi instruccion di e Centro Nacional de Comercio Exterior (Cencoex) pa no autorisa e pagonan. Problema ta cu a pone leynan nobo, pero sin periodo di transicion pa hende por adapta nan mes.

## Problema logistico

Relaciona na e entradanan nobo di usuario na e banco publico, e sucursalnan no ta

den condicion di habri cuenta y traha carchi di credito cu e facilidad cu e lo mester por. Entre e problemanan cu tin, ta cu no tin e plastic pa print e carchinan y tampoco tin capacidad pa mancha tanto usuario, sin conta e parti di inversion logistico, y placa cu un tarheta di credito ta demanda.

Situacion cu a surgi na Aruba Aunke cu for di punto di salida logistico y financieramente no ta haci nada pa e grupo di Venezolano ‘pega’ na Aruba, autoridad competente di Aruba tin atencion pa e problema. Asina minister di turismo Otmar Oduber y CEO di Aruba Tourism Authority, Ronella Tjin-Asjoe a sigura NoticiaCla.com recientemente.

Un grupo di mas of menos 50 turista (for di un grupo inicialmente mas grandi) no tabatin modo di move financieramente na Aruba, debi na un problema cu nan tin cu nan banco na nan pais. Nan a acudi na nan consulado (Venezolano) y despues na parlamento di Aruba, pero ambos a muestra nan cu mucho no por wordo haci pa nan. Oduber y Tjin Asjoe a muestra cu nan ta monitor e situacion, pero cu ta consulado di e pais concerni, tin cu remedia e situacion.

## Problema cu banco

E grupo completo mes tabata mas di 100 Venezolano cu a bin Aruba pa pasa nan vacacion, y a bin haya nan mes pega pasobra nan credit card bancario no ta activa. Mientrastanto, segun Oduber, algun di nan pa medio di famia y amigonan a logra haya cierto ayudo, y e banco mes a logra saca poco placa. Tabatin un grupo di 50 ainda cu tabata ‘desampara’.

“E grupo (total) ta atende cu un banco priva (na Venezuela), mientras cu mayoria di banconan ta di gobierno di Venezuela. Segun splicacion di Oduber, e banco priva lo tin un diferencia di opinion pa condicionnan cu nan no a cumpli cun’e (cu gobierno di e pais), pa cual a imposibilita e hendenan cu a biaha, pa nan extrae y haya nan placa via nan credit card”, Oduber a splica.

## Consulado responsabel

Na su turno, Oduber a tuma contacto cu e consulado pa mira kico a sosode y si e asunto aki lo bay ripiti. Den e caso aki a muestra e grupo, caminda cu nan tin cu atende, ta na embahada (consulado) Venezolano pasobra e ta e responsabilidad di e pais en cuestion. Consulado lo a priminti cu nan lo purba haci loke nan por pa resolve e problema. Problema continuo

No tabata conoci pa Oduber, si ta trata di un solo avion di turista cu tin e problema actual of si tin mas turista cu ta na caminda pa Aruba y cu lo por tin e problema aki. Direccion di relacionnan exterior di Aruba tabata den contacto cu consulado pa haya un indicacion si e problema lo bay continua of si a soluciona e problema cu e banco aki.

## ATA no por haci nada

Tjin-Asjoe den calidad di CEO di ATA a bisa cu el a ricibi e grupo aki y a dirigi su mes na consul di Venezuela y e grupo aki tambe. “Mi a splica e grupo cu basicamente ATA of Aruba no por haci mucho mas cu trece e suceso na atencion di consul y trata pa influencia pa un decision y solucion por wordo brinda pa nan pa e situacion cu nan ta pasando aden” Tjin Asjoe a bisa.

“No ta nos deseo pa tipo di situacionnan asina escala na algo cu ta bira mas preocupacion humanitario, unda cu hende no tin luga di come of drumi. Pa aworaki e responsabilidad no ta den man di ATA, sigur considerando e naturalesa di e caso actual”. Mas concreto, Tjin Asjoe a bisa cu esey ta nifica cu ATA no ta pagando hotel ni otro ayudo financiero” e CEO a finalisa bisando. Solamente ta monitor e situacion. □



# Caso penal pa piscamento ilegal di calco a caba na aros con coco

**ORANJESTAD –** Manera Bon Dia Aruba a publica, Corte den Prome Instancia mester a trata e caso penal cu Ministerio Publico a cuminsa contra un trio, kendenan ta wordo sospecha di a pisca bestianan di lama cu ta protegi pa ley.

Acusacionnan  
E acusacionnan cu Fiscal ta presenta awe mainta contra e personanan D.L., K.W. y A.B. ta:

- Riba 13 di juni 2013, nan tabata haci uzo di arma prohibi bou di lama (harpun).

- Tambe nan ta wordo acusa di a uza e arma prohibi



pa coy bestianan di lama cu ta protegi y tabatin un cargamento di e bestianan aki.

Caso a caba na nada  
E sospechosonan a presenta

den Corte pero tratamiento di e caso a caba na aros con coco. Motibo di esaki ta cu durante tratamento di e caso a bin ripara cu e tres sospechosonan aki, no a haya e chens

di haci transaccion. Manera ta conoci, Ministerio Publico den casonan asina mester ofrece e sospechosonan e chens pa paga un suma (multa) y si haci esey, e caso lo no bay Corte.

Den Corte a bin ripara cu ningun momento nan a haya e proposicion aki. Ta bisto cu aki tabatin un fayto di e procedura y esey ta sali Ministerio Publico caro. Hues a declara Ministerio Publico no admisibel den e caso penal contra D.L. y A.B. mientras cu Hues a declara K.W. liber.

Mester informa cu e hecho cu Hues a declara Ministerio Publico no admisibel, no kiermen cu Ministerio Publico no por persigui nan mas. E

por cuminsa un procedura nobo. Sinembargo si mira e periodo cu a transcuri, e chens ta minimo cu Ministerio Publico lo bay haci esaki. Ta asina cu ta prome biaha cu Warda Costa a gara e trio aki ta pisca calco, cu ta un bestia di lama protegi pa ley. Nan tabatin un cantidad di 17 kilo. Si Ministerio Publico a ofrece nan e chens di paga e transaccion esaki lo tabata entre 300 y 400 florin pa cada un.

Por a compronde cu Warda Costa a confisca nan cosnan di sambuya tambe. Hues a ordena pa debilbe esakinan tambe.

Esey ta nifica cu e caso a caba na aros con coco. □

*Nan no ta di acuerdo cu e suma cu Corte a stipula*

## Rumannan Kalpoe cu demanda di daño den apelacion



a compronde for di mr. Illes cu e apelacion ta relaciona cu e hecho cu nan no ta di acuerdo cu e suma stipula.

A puntra mr. Illes ta dicon awor numa e caso aki ta bin dilanti, siendo cu e caso di desaparicion di Natalee Holloway ta data di 30 di mei 2005. Mr. Illes a splica cu a base di ley, te ora cu haya confirmacion di Ministerio Publico cu no ta persigui un sospechoso, e ora ey e sospechoso por cuminsa un caso di daño perhuicio pa tur e tempo cu

e tabata inhumamente cera y tambe pa cubri e gastonan di asistencia di abogado.

Ta asina cu dia 18 di december 2007, Ministerio Publico a informa e rumannan Kalpoe cu e decision a keda tuma cu door cu no tin suficiente prueba legal, no ta persigui nan mas como sospechoso di tabata involvi di e desaparicion di Natalee Holloway.

E rumannan Kalpoe tabata deteni entre 9 di juni 2005 y 4 di juli 2005. Despues nan a bolbe wordo deteni entre 26

di augustus 2005 y 3 di september 2005. Despues atrobe a detene nan entre 21 di november 2007 y 1 di december 2007.

**Decision di Raadkamer**  
Raadkamer den su evaluacion ta muestra cu e hecho cu e rumannan Kalpoe tabata cera e periodonan ariba menciona, esaki tin di haci cu nan mes y no por demanda Gobierno pa e periodonan aki. Raadkamer tambe ta muestra cu no ta husto cu tur e gastonan di abogado ta cay pa cuenta di

Gobierno. Raadkamer a reduci e demanda di mas cu 76 mil florin te na 13.250 florin.

### Apelacion

Mr. Illes a muestra cu e motibo cu a apela e sentencia ta pasobra nan no ta comparti e punto di bista di Raadkamer. Nan ta haya cu e hecho cu e rumannan Kalpoe tabata cera henter e periodo ey inhumamente, mester paga pa esaki. E tratamento di e apelacion a tuma luga caba y otro siman por spera sentencia. □

**ORANJESTAD –** E rumannan Kalpoe for di aña pasa a cuminsa un caso di daño perhuicio contra Gobierno, relaciona cu e caso Natalee Holloway.

Na februari 2015 Corte di Raadkamer a tuma un decision riba e demanda caminda di e mas cu 76 mil florin cu e rumannan ta demanda pa tur e gastonan di asistencia di abogado, Hof di Raadkamer a reduci esaki te na 13.250 florin. Nan no ta di acuerdo cu e sentencia y a apela esaki. Recientemente tratamiento di e apelacion a tuma luga den Corte Superior.

**Demanda daño perhuicio**  
Bon Dia Aruba a combersa cu abogado mr. Illes di oficina mr. D. Kock, kende a confirma cu e tratamiento a tuma luga. Lamentablemente Bon Dia Aruba no por a cubri e caso aki ya cu casonan Raadkamer ta wordo trata cu portanan cera.

Sinembargo Bon Dia Aruba

## SEAPORT CASINO

**MONDAY**

- SPIN & WIN WITH UP TO \$300 IN CASH PRIZES
- TRIPLE THE POINTS 4 PM - 9 PM

**TUESDAY**

- CASH BACK
- \$675 IN CASH PRIZES
- DOUBLE THE POINTS 10 AM - 1 PM

**WEDNESDAY**

- BLACK JACK TOURNAMENT \$500 IN CASH PRIZES
- \$5 BUY IN / RE-BUY \$5 OR 25 POINTS MADE ON SAME DAY. REGISTRATION AT 5 PM TOURNAMENT STARTS 7 PM
- RECEIVE DOUBLE TICKETS 4 PM - 6 PM

**THURSDAY**

- SLOT TOURNAMENT MORE THEN \$625 IN CASH PRIZES + BUY IN & RE-BUY MONEY
- \$5 BUY IN / \$3 RE-BUY OR 15 POINTS MADE ON SAME DAY. REGISTRATION AT 6 PM TOURNAMENT STARTS 8 PM

**FRIDAY**

- \$700 IN CASH PRIZES

**SATURDAY**

- \$900 IN CASH PRIZES

**SUNDAY**

- FOUR TIMES THE POINTS 10 AM - 1 PM & 6 PM - 8 PM

Must accumulate 25 points during the week to be eligible to participate \* every 25 points is one ticket\*  
Management reserves the right to change or cancel any promotion  
For more information please contact our Playerscenter at 5836000 ext 6437

**MAKE YOUR WISH COME TRUE  
AT SEAPORT CASINO**



*Sindicalista di FTA, sr. Rudy Geerman*

## Gremio sindical ta fuerte pero no uni



**ORANJESTAD –** Despues di 18 aña como presidente di FTA, unda el a pasa momentonan agradabel y otronan menos agradabel, sr. Rudy Geerman ta mira cu gremio sindical na Aruba ta fuerte, pero solamente “kisas no tin unidad manera tabatin den pasado”.

E sindicalista veterano, kende e siman aki a baha como presidente di FTA, a bisa cu a yega momento pa e union bin bek. E ta papia di un central di sindicatonan cu no ta nada otro cu tur sindicato bin hunto y forma un solo unidad, manera ta existi den otro paisnan. E no sa dicon na Aruba e sindicatonan no por

lanta un central sindical. “Eynan mi ta kere cu nos mester bin bek”, el a bisa.

### Tempo di SUA

El a recorda cu a yega un tempo cu SUA (Sindicatonan Uni di Aruba) tabatin 12 sindicato miembro di nan. E ta haya cu a yega tempo sindicato mester cera cabes, a pesar cu nan por tin diferencia di opinion, pero den linea grandi nan mester haya otro.

Di e forma aki pafo nan ta muestra fuerte. El a bisa cu paden cada sindicato ta trahando bon, pero pafo dilanti di wowonan di pueblo, nan no ta muestra cu nan ta un unidad.

E no ta kere cu influencia

politico lo por hunga un rol pa e sindicatonan lo ta mas uni den un unidad. “Ami no ta kere esey!”, el a bisa. E ta haya cu mayoria di sindicato ora cu nan ta sinta hunto ta expresa nan deseo pa uni bek. Sinembargo tin diferente factor cu nan mester “papia y soluciona e problema aki”.

Na final di su declaracion e ta conclui cu mester fria cabes bek, lagando e diferencia di opinion un banda, pa asina crea un unidad sindical berdaderamente uni.

“Nos diferencia no ta bay cambia. Ban wak kico nos por traha hunto, anto esey nos ta scoge pa bay dilanti”, sindicalista Geerman a declara. □

*Den cuadro di 5 aña di existencia*

## “Sason Cubano” lo expresa diversidad cultural y integracion na Cas di Cultura

**ORANJESTAD –** Mañan “Sason Cubano” lo celebra su prome lustro di existencia na Cas di Cultura. Pa 3’or atardi e porta lo ta habri pa publico.

Sr. Mirto Lacle kende ta organisa e actividad cultural aki a declara na Bon Dia Aruba cu esaki ta un manifestacion di gradicimento di Aruba pa Cuba, ya cu den siglo pasa den decada di añanan 1920,

Cuba a ricibi porta habri hopi Arubiano, pero tambe Boneriano y Curasoleño pa traha den e plantacion y industria di sucu.

**Diversidad cultural y in-**

### tegracion

Ademas sr. Lacle a laga sa cu e actividad aki tambe ta wordo organisa den cuadro di Dia Internacional di Diversidad Cultural, Dialogo, Desaroyo y Integracion. Adicionalmente tambe ta e di 10 aña cu hunto cu Instituto Pedagogico Arubano (IPA), Departamento di Cultura y Biblioteca Nacional Aruba, sr. Mirto Lacle como organiso di actividad cultural y literatura ta trata di realisa actividad multi-cultural pa fomenta hermandad, fraternidad, igualdad, paz y harmonia”, el a bisa. Tambe el a laga sa cu esaki ta un forma pa evita xenofobia, etc.

Sason Cubano ta expresa e ambiente di e Cuba di antaño. “E ta un forma pa Aruba saluda Cuba y muestra su fraternidad”, el a bisa. Sr. Lacle a sigui bisa cu e Cubanonan cu lo ta presente den Cas di Cultura mañan lo sinti nan mes na nan isla natal. Entre nan, sr. Placido Garcia kende ta Cubano, un biaha mas lo duna su aportacion na Sason Cubano, y e lo deleita cu su Son Cubano e publico presente. “E ta un bon interprete di Son, tambe e ta Bolerista del alma, pero e biaha aki e ta bay canta Bolerito-Ranchero”, Lacle a bisa. Ademas den cuadro di e actividad aki lo wordo expresa un gesto na nos baluartenan pa muestra nos aprecio. E ta un grupo di persona icono di nos cultura manera sra. Digna Lacle Herrera, Maybeline Arends-Croes, Tica Gil y Carmen Herrera. Esaki lo wordo haci pa medio di un documental traha pa Ryan



Oduber y asisti pa Alex Koolman y tambe sr. Tico Boekhoudt di Biblioteca Nacional. “Asina nos ta duna nan un homenahe mereci”, asina sr. Lacle a declara na Bon Dia Aruba ayera.

Te ultimo ora sr. Joseph Winklaar hunto cu Chris Matani a brinda su conocemento y experiencia riba e parti tecnico pa hinca e programacion aki den computer y pone varios documental y video riba screen.

Pa 3’or y mey screen grandi ta bay cuminsa di pafo cu autonnan clasico y paden cu un ambiente totalmente Cubano. Sr. Lacle a haci un peticion pa e publico presenta cu e paña tipico di nan pais di origen, por ehemplo na Cuba ta e Wayabero. Tambe nan por bin cu siga, pero no mester lubida cu ta prohibi huma na Cas di Cultura. □



**Relojes  
Pulseras  
Cadenas  
Dijes**

Nos ta graba tur sorto di articulo di metal yama of bishita nos

Tanki  
Leendert 178-A  
Tel: 587 3940  
Fax: 587 2478  
Cell 592 9055  
email: adalbertovilla@live.com

**“COMPRA Y VENTA”**

**Abo!**

**No tin tempo pa Laba y Seca bo Pañanan!**

Pasa y Laganan na:

**AQUA LAUNDRY**

Habri di Dialuna pa Diasabra  
7:30am non stop 7:30pm  
Diadomingo de 9:00am - 1:00pm  
**Tel: 587 0772**





*RHD a reuni cu minister Dowers*

## Firma pa derechonan di RHD



**ORANJESTAD – Pa loke ta trata e reunion entre RHD Community Aruba y minister encarga cu husticia, a discuti gobierno su perspectiva di siguridad unda cu a mostra nan cu e ponencianan no ta cuadra y cu tin mas cu un cos cu mester tene na cuenta prome cu implementa algo asina, segun Cristian Soto representante di e comunidad RHD.**

Como cu e reunion a bira lar-

go, a planifica pa reuni dialuna pa papia extensivamente riba e situacion completo pues e pro y contra di tur cos cual RHD a propone.

### **Accion di firma**

Sr. Soto ta enfatisa cu e accion di firma ta sigui y lo kier colecta mas tanto firma posibel pa por hiba na minister, pa nan mira cuanto sosten nan tin y pone mas peso. “Sea ta persona cu ta core RHD of persona cu ta core LHD.” Tambe tin hende cu kier reg-

istra nan auto, nan por manda un mensahe riba Facebook pa haci esaki cu tur informacion di contacto y informacion di auto. Mientrastanto e pagina di Facebook tin riba 3400 like.

### **Dowers**

Minister Dowers a splica cu no ta usual cu un mandatario ta papia tocante di un topico asina prome cu e decision final tuma luga. Un ley nobo of un decision nobo usualmente ta pasa henter e pro-

ceso cu e mester cana y ora e bay parlamento y/of wordo publica comunidad ta haya sa. Sinembargo, e ta satisfecho cu e discusion amplio como consecuencia di su decision pa publica e intencion di bin cu un decision pa un cambio den ley. Minister Dowers ta satisfecho cu e forma cu e grupo di interes di doñonan di autonan RHD ta organisa y ta vocifera nan preocupacion pa cu un cambio den ley cu lo afecta nan, cu nan voluntad pa contribui na yega na

un manera cu e introduccion di e cambio lo no perhudica nan y cu e dialogo habri cu nan ta hibando cun’e.

Sinembargo Sr. Soto a indica riba e pagina di RHD Community Aruba, cu lo bin cambio drastico den su pasonan den e situacion di autonan RHD y cu e lo no permiti manipulacion of trocemento di palabra. El a confirma tambe cu lo no tin niun dialogo mas cu Sr. Dowers y lo lucha pa stop cu e polemica aki. □

## *Departamento di Salubridad:*

## Conscientisando restaurantnan riba necesidad di tanki pa vet

**ORANJESTAD – Den e sistema nobo di duna permiso pa restaurantnan y Fast Food / Take Away, mester bin cu e tanki pa vet pa asina tur e azeta tira afo bay den dje y no den e sistema di riool.**

Eventualmente lo bin un ley pa sostene esaki y evita cu azeta ta bay den riool. Segun Ivette Geerman di e Departamento di Salubridad ta splica, Restaurantnan cu permiso A cual ta esunnan cu ta bende cuminda completo tin tanki pa vet como requisito pa añanan caba y cual acuerdo tin cu DOW tambe.

### **Di requisito pa exigencia**

Aworaki ta poniendo e mesun requisito pa e restaurantnan cu permiso B manera fast food of take away, a base di e proyecto aki lo haci inventarisacion hunto cu DOW pa wak e localidadnan cu tin y cua no tin ainda. Segun Sra. Geerman ta haci esaki como cu den futuro e lo wordo poni den ley. “Pues pa un restaurant bin na remarca pa permiso, e lo mester tin esaki como un exigencia. Atrobe, ta e restaurantnan cu permiso B ta haci cu e ley ta

colgando ainda. Sinembargo e departamento di permiso ta consehando y conscientisa e restaurantnan riba esaki, unda cu ta splica nan tur locual ta encera e motibo cu e departamento cu ta bin cu e exigencia. Tambe e uzo corecto di un tanki pa vet, sra. Geerman a agrega.

Kier a pone bon cla cu esunnan cu ta operando cu permiso A actualmente e ta un requisito caba, ya desde algun aña atras. Aworaki a pone permiso B tambe acerca pa por concretisa tur cos pa por bin cu un ley, sra. Geerman a enfatisa.

Uzo incorreto di tanki pa vet “Tin diferente compania cu ta bende e tanki pa vet aki na Aruba y tin diferente restaurant cu tin uno instala caba. Den diferente caso e no ta wordo uza corectamente, pues nos ta mira e necesidad pa duna instruccion di con esaki ta funciona corectamente.”

### **Keho na DOW**

E uzo ta manera e palabra mes ta bisa, pa wanta vet. E sistema ora ta funciona corecto ta wanta e vet den e baki y ta manda e awa limpi den sistema di riool. Finalizando

Sra. Geerman a bisa cu actualmente diferente keho ta dreठा cerca DOW cu azeta

ta bay den riool, pues ta spera cu pronto tin un ley hancra na e uzo di tanki pa vet. □



## Un total di 2 trahado a keda suspendi na Lings & Sons



**ORANJESTAD – (NoticiaCla) Despues cu trahado di Lings & Sons a dicidi expresa su mal contenido tocante su situacion laboral durante e siman aki, un total di 2 trahado a wordo suspendi.**

Mediado di gobierno Anselmo Pontilius a confirma cu sindicato FTA a pidi un investigacion riba e caso aki mientras cu negociacionnan di CAO lo continua otro si-

man diahuebs. E motibo cu e reunion ta continua te otro siman diahuebs, ta pasobra cu mas hefe halto di e compania ta yega Aruba dialuna y kier mira e luga y papia e dos dianan ey, pa despues continua cu e reunion. Sinembargo, probablemente e reunion por wordo reanuda pa diaranson caba. Segun sindicato mientras cu e reunion lo tuma luga otro siman, nan lo para cualkier tipo di accion. □

# ATA ta aclara impuesto pa bishitantenan Venezolano

**ORANJESTAD - Ayera Aserca Airlines a saca un comunicado cu referencia na pago di US\$10.- cu cada pasajero di Venezuela mester paga.**

Un pago cu Aruba Tourism Authority a introduci, esta Travel Promotion Levy. Mirando cu esaki a y ta crea confusion, Aruba Tourism Authority (ATA) a dicidi di aclarar esaki di biaha.

## ATA su comunicado

Den e mercado di Venezuela como tal a saca lo siguiente pa nos socionan eyan:

Adhunto le envio la nota que enviaremos hoy a las agencias de viajes, operadores y aerolineas. Hemos recibido muchas llamadas de las agencias ya que hay unos circulares que han recibido sobre el tema.

“Aruba Tourism Authority aclara que el impuesto de TPL (impuesto di promo-

cion) se introdujo en Septiembre de 2012. El Aruba Tourism Authority no cobra directamente en Venezuela a cada pasajero que viaje por Aruba.

El TPL es un gravamen a las aerolineas que vuelan a Aruba de 10 dolares por pasajero transportado a la isla. Asi mismo, el valor de la tasa aeroportuaria es de USD 34.25 pagadera al momento de salida de la isla y en algunos casos esta incluida dentro

del boleto de viaje.” Por favor distribuya en su compañía.

**Pago y acceso na dollar**  
Esaki A.T.A. a saca despues di a tuma nota di lo siguiente. Pues aerolinea ta responsable pa un pago di US\$10.-pa cada pasajero cu ta bishita cu avion, desde september 2012.

Retonan cu aerolinea cu operacion na Venezuela a y ta confronta cu referencia na acceso na dollar na/for di e mercado di Venezuela a crea

problema cu nan habilidad di cumpli cu e pago.

Recientemente A.T.A. cu cooperacion di socionan local a intensifica esfuersonan pa colecta locual diferente aerolinea nan den e caso aki mester paga ainda. Esaki a resulta den diferente acuerdo di pago y ta asumi cu esaki a conduci na e comunicado di parti di Aserca.

A.T.A. ta spera di a clarifica un ke otro pa medio di e comunicado aki. □



**DPL**  
Departamento di  
Progreso Laboral

Departamento di Progreso Laboral seccion Arbeidsbemiddeling en Re-integratie Vacature melding ta anuncia e siguiente vacaturanan:

18 mei /m 21 mei 2015

Si bo persona ta interesa pa solicita, pasa libremente na Departamento di Progreso Laboral cu ta situa na Seroe Blanco # 4 of Bushalte San Nicolas of yama na telefoon: 521 5555. Mester presenta cu bo Cedula of Uittreksel di Bevolkingsregister (Afl. 5,00) compaña pa un identificacion cu potret, CV, diploma, certificadonan y carta di recomendacion di Doño di trabou. Interesadonan por pasa registra 07:30 di mainta.

Momento di presenta na DPL zorg pa un vestuario adecuado, si acaso bo persona ricibi un cita di biaha pa un entrevista.

NR.	COMPANIA	FUNCION	NR.	COMPANIA	FUNCION
264	Shiribana Cafe	Kok	249	Sean Jewelers	Diamontbewerker/Diamond specialist
265	Botica Oduber NV	Apotheker	250	La Aruba I	Merchandiser, buyer/Merchandiser
266	Botica San Lucas NV	Apotheker			
267	Agency Bright Cleaning & Construction Services	Schoonmaker/ster (schoonmaakster)	227	Different International Cuisine Bar & Cocktail Lounge	Kok
268	Tandoor Palace	Manager, Restaurant (Manager)	228	Hong Fa Restaurant	Kok
269	Tierra del Sol Golf Course NV	Chef de partie	229	Ling's Restaurant	Kok
270	Tierra del Sol Golf Course NV	Cleaner/Kitchen Cleaner	230	Aruba Airlines	Manger, IT/Information Technology Manger
271	Tierra del Sol Golf Course NV	Golf Course Superintendent	231	Aruba Airlines	Assistant Manager Maintenance/Maintenance Technical Assistant
272	Flying Fishbone NV	General Manager, Restaurant	232	Tires 4 Less	Tire repairman/Autobanden reparateur
273	Papillon Restaurant	Chef Cook	233	The Ritz-Carlton Aruba	Cook 2nd/Cook II
274	ANAROB NV	Concierge/Appartementen beheerder	234	Amelia Beauty Salon	Kapster
275	Supercar Rentals NV	Diesel monteur	235	El Fuerte Barbershop	Barber
276	Vrolijk Contractor and Multi Services	Scaffolder/Scaffold buider	236	Macro Supermarket	Bookkeeper/Boekkeeper-boekhouder
252	Insel Air Aruba	Pilot/First Officer MD-80	237	Hung Paradise	Kok
253	High Performance Sound	Technician electronica/Technicus (electronica)	238	Feng Da Supermarket	Slager
254	High Performance Sound	Technician, electrical/engineering (Audio Technicus)	209	Lucky Electronics	Manager, Retail Trade/Store (Retail Manager)
255	High Performance Sound	Light Installateur/Technicus	210	PMEC NV	Engineer, Civil/Building Construction (Senior Structural Engineer)
256	King David Suites	Hostess	211	Aruba Resort & Stellaris Casino	Food & Beverage Director Assistant/Assistant Director
257	E&M Watersports NV	Hostess	212	Aruba Resort & Stellaris Casino	Food & Beverage F&B Supervisor
258	Quisqueyanos Trading	Regional Strategisch Manager	213	Hyatt Regency Aruba	Executive Chef
259	Funky Monkey Gifts	Sales & Marketing Manager	214	DO Employment Agency Services	Cleaner
260	Prof. Sign & Metals	Grafisch Ontwerper	215	Alex Barbershop	Kapper/ster
261	Aruba Marriott & Stellaris Casino	Maintenance man/Engineer II Shift	216	Bo Wah Restaurant	Barbedienster
262	Geveltechniek Mexim Aruba NV	Installateur	217	DO Employment Agency Services	Metselaar
239	Pizza Bob's	Dishwasher	218	Youth Contractor Manpower Cleaning Services	Cleaner
240	Pizza Bob's	Cleaner, night/Night Cleaner	219	Inter Total Services NV	Houseman
241	Dilalah Beauty Supply	Kapper/ster (Peluquera)	220	Inter Total Services NV	Cleaner, night (mannelijk)
242	R.J.Q. Construction & Cleaning	Metselaar	221	Inter Total Services NV	Cleaner, night (vrouwelijk)
243	CAT Compania Arubians Technique	Loodgieter	222	Inter Total Services NV	Room attendant
244	Sketcher	Verkoopster/Shoe Clerk-Verkoper	223	Star Enterprises NV	Automonteur diesel
245	Envy By Clyde	Kapper/ster	224	Double Happy Home Center	Electricien
246	Aluminium Aruba (ALUMAR)	Aluminium fabricator	225	Insel Air Aruba	Licensed Aircraft Maintenance Technician
247	Albo Aruba NV	Verkoorbereider	226	Beauty Team	Kapper/ster
248	Privé	Uitwonend dienstbode	O-81	Clo City Lounge	Supervisor Restaurant
			O-84	Noord Lab NV	Bode (flemingo)

## IMPORTANTE:

Entrante 1 di Januari 2014 lo haci uzo solamente di formularionan nobo pa "Vacaturemelding". Por haya esaki riba website: [www.dpl.aw/documenten/formulieren/vacaturemelding](http://www.dpl.aw/documenten/formulieren/vacaturemelding) of na DPL Seroe Blanco

### Requisito(nan) ora di solicita na DPL

\* Bo persona mester presenta cu un cedula of papel di Censo di Afl.5.-

\* Ora di solicita na DPL mester bin representabel/desente bisi.

\* Por acudi entrante 7:30 di mainta na e balie di DPL.

\* Presenta cu tar bo documento (copia) di estudio manera diploma, certificado y cu carta(nan) di recomendacion.

\* DPL ta manda bo persona bay solicita cu un formulario (3 pagina, color blanco esaki mester wordo entrega bek na DPL dor di dunador di trabou, roos ta pa e dunador di trabou y e geel ta pa e solicitante). E prome pagina mester wordo yena completamente y firma dor di ambos partido y na final di e entrevista e dunador di trabou mester entrega esaki na DPL.

\* No presenta cu mucha(nan)/persona na momento cu bo persona ta wordo atendi/registra dor di un Consulente di DPL.

Pa cualkier informacion adicional of relaciona cu DPL su servicjonan pasa libremente na balie of yama 5215555. Corda bishita nos website: [www.dpl.aw](http://www.dpl.aw)



## Apertura di Kiwanis International Convention



**ORANJESTAD-** Diahuebs cu a pasa a tuma lugu apertura di Kiwanis International Convention EC&C (East Caribbean & Canada) den Radisson Hotel.

Tabata tin presencia di dignatarionan di Aruba y tambe

di participantenan di varios pais den region, di Merca y Canada. E aña aki Aruba ta anfitrión di e Convencion aki cu ta dura tres dia. Prome cu a habri e Convencion un grupo di padvinder a trece aden banderanan di e paisnan participante, sigui pa himno di Merca, canta pa Analicia Os-

una, di Canada canta pa Allysha Goito y di Aruba canta pa Kelsey Westerburger. Tur tres ta miembro di "Builders Club" di Juliana School.

Prome Minister Mike Eman den su discurso di apertura a bisa di ta orguyoso di por asina tanto hende cu ta parti



di e organisacion prestigioso aki cu ta dedica su mes na yuda comunidatnan. "Aruba ta sinti su mes honra di por huesped e Kiwanis International Convention.

Prome Minister a papia di e hopi retonan cu tin den bida y con organisacion, instituto y servicicion publico y priva ta duna un man den surpasa e retonan aki. E amor y atencion entre hendenan ta keda esencial. Un organisacion

asina prestigioso manera Kiwanis ta recorda nos cada dia di nobo cu e kier contribui na un miho sociedad dunando tur loke e por na energia, tempo y dedicacion. Pa di e forma aki crea avenidanan pa nos hubentud por resalta, pa yuda nos grandinan y nos scolnan.

Den nos siguiente edicion nos lo enfoca riba e contenido di e anochi tan importante aki. □

### *Celebracion Dia Internacional di Museo*

## Expedicion Arkeologico cu Scol Kudawecha



**Relaciona cu e celebracion di Dia Internacional di Museo ,a haci un expedicion Arkeologico cu tercer klas di Scol Kudawecha.**

Esaki tabata parti di e premio cu e alumno Isabela Quijote a gana cu e competencia di Museo Arkeologico riba Dia di Himno y Bandera. E

muchanan a gosa di e trip dushi cu a inclui dos sitio arkeologico y a clausura cu un bishita na Museo mes.

Assistentnan di Arkeologo Hiram Angela y Fransisco Coes a splica e muchanan cu ta importante pa no haci daño na e sitio arkeologico di e Shell Midden na Arashi cu ta contene informacion valioso di nos antepasadonan.

E tour a continua pa e sitio arkeologico na Ayo unda e muchanan a admira e pinturanan riba baranca. Akinan nan a haya un splicacion di e importancia di e sitio spiritual pa Indjan aki.

A clausura e expedicion cu un dushi wega educativo den salanan di exposicion di Museo Arkeologico mes y a bay bek scol cu un bunita 'cadena di Indjan' cu nan mes a traha di corki decora cu cralchi y pluma. E muchanan bou guia di trahadonan di Museo a pasa un dushi dia explorando nos herencia cultural. Asina Museo Arkeologico ta educa nos futuro generacion pa yuda conserva y promove esaki, un aspecto importante di e tema di Dia Internacional di Museo 2015 "Museonan pa un Sociedad Sostenibel". □



## Supuesto pelea grandi na EPB Hato



**HATO-** Diabierna pa mas o menos 2'or y 15 di merdia, na momento cu scol tabata cabando, ta drenta un informacion na central di polis cu tin un pelea basta grandi na EPB Hato.

Mesora a cuminsa manda diferente unidad di polis na e sitio, mirando cu den pasado hopi biaha pelea a bay for di man, te hasta auto a wordo manda riba hende cu menos bon intencion y pelea hopi biaha a caba cu varios detencion.

Na yegada polisnan realmente ta topa cu un cantidad di mucha ariba caya, pero tabata e momento cu

mayornan tabata busca nan yiunan for di scol, polis a bin compronde cu lo tabata tin dos grupo cu kier a bringa cu otro, pero e hobennan a bati boca so y



esaki a caba na momento cu nan lo a mira cu polis a yega. Probablemente e problema lo sigui na un otro sitio of riba un otro dia.

Na e sitio polis a wordo manda banda pazuid di e scol, pa algun mucha cu lo a core drenta mon-di, pero ora nan a bay banda pazuid nan no a topa cu ningun grupo, solamente cu un hobencito cu lo tabata net na e momento ey den bisindario, pa tur seguridad polis a tuma su datonan personal y e por a sigui cana. Mucho informacion polis no a logra haya, mirando cu niun mucha no kier papia nada. □

## Truck a ranca palo di luz

**ORANJESTAD -** Diabierna mainta riba caminda di Schotlandstraat un truck cu tabata lastrando

un trailer basta largo a ranca un palo di luz. Esaki tabata pa motibo cu e kabel posiblemente lo tabata poco abou.



E trafico a keda pega pa un rato pa motibo cu e palo di luz tabata riba e container y tabatin waya di coriente colgando riba caminda. Polis di trafico y Elmar a acudi na e sitio. Personal di Elmar a cuminsa cu nan trabou di biaha pa kita e palo di luz di riba e container, y tambe traha riba un otro palo di luz cu a kraak pariba di caminda.



No por a duna di conoce si e container tabata mucho halto cu e consecuencia cu esaki a ranca un kabel y esaki a ranca

e palo di luz y kraak un otro. Y di otro banda tampoco si ta e kabel tabata colga mucho abou. □

## Labamento di auto y benta di sopi na Universidad di Aruba!



**University of Aruba**

**Diadomingo awor 24 di mei, lo tin un labamento di auto y benta di sopi na Universidad di Aruba (dilanti Postkantoor). E meta di e evento aki ta pa recauda fondo pa un grupo di hoben estudiante cubri gasto pa atende un convencion internacional na Indianapolis na juni 2015.**

E evento aki lo tuma luga for di 9or di mainta pa 3or di atardi. Pa solamente 15 florin lo laba auto solamente parti pafo.

Riba e mesun dia aki lo tuma luga e benta di sopi. Lo bende dos diferente sopi di carni; sopi di carni (crioyo) y sopi di carni estilo sancocho (sopi di Colombia) den copi di 16 ons pa solamente 10 florin.

Pasa libremente diadomingo awor na Universidad di Aruba (dilanti Postkantoor). Henter pueblo di Aruba ta mas cu bon bini. Pa mas informacion por fabor tuma contacto via number di celular 749- 6191. □

**BROWN**  
advocaten

zoekt een full-time  
administratief medewerk(st)er / balie medewerk(st)er

De werkzaamheden bestaan onder meer uit het afhandelen van telefonische boodschappen, het ontvangen van cliënten en incassodebiteuren aan de balie, het treffen van betalingsregelingen met incassodebiteuren en de verwerking daarvan, alsmede diverse administratieve en andere ondersteunende werkzaamheden.

**Wij vragen:**

- een dynamische, actieve en nauwkeurige werkhouding;
- correcte beheersing van het Papiamentu, Nederlands en Engels (beheersing van het Spaans strekt tot aanbeveling)
- goede contactuele eigenschappen
- ervaring met MS Word en MS Excel
- opleiding: HAVO of EPL

Gaarne ontvangen wij uw sollicitatie met curriculum vitae uiterlijk op 1 juni 2015. U kunt uw reactie sturen aan:

Brown Advocaten  
T.a.v. mw. Carina Croes  
Caya Dr. J.E.M. Arends 12  
Aruba  
Tel.: 523-4226  
Fax: 523-4220

U kunt ook via e-mail reageren: carina@brownlawyers.com



## Con Raspberry Pi a causa un revolucion

Tres aña pasa, Eben Upton tabatin mester di un artefacto cu lo atrae studiantenan na su programa si ciencia di computer, na Universidad di Cambridge. Pues el a inventa Raspberry Pi. Desde e tempo ey, el a bira e computer di mas barata na mundo.

El a bende 5 miyon (pa entre \$20 cu \$35 cada un), saca un version mas lihe na februari ultimo, y a bira e icono di cultura DIY (hacie bo mes). Awo cu Microsoft ta prepara pa lansa un version di Windows cu ta Pi "friendly", Upton ta preparando pa un ola di usuario nobo.

**Kico ta pone cu mundo**



### mester Raspberry Pi?

Eben a bisa: "Nos kier a construi algo cu ta na e budget di tur hende, y ta programabel y dibertido cu muchanan lo kier tin den nan bida. Como

mucha, bo no tin niun poder. Basicamente bo ta haci loke otro hende bisa bo pa 18 aña. E parti bon di un programacion di computer ta, bo tin e medio aki, riba cua bo tin



poder. Bo tin e habilidad pa tuma iniciativa, ta den control, y construi un cos cu bo kier. Muchanan gusta cu podise nan mayornan no ta comprond'e.

### Kico ta hacie bon pa mucha?

E apelacion tin di haber cu hardware hacking y ta capaz di construi robotnan y otro cos. Por uza Raspberry Pi pa subi Facebook. Uz'e pa mira video y hunga wega. E ta dibertido suficiente cu ta drenta e bida di e mucha, pero e ta educacional suficiente pa siña nan habilidadnan.

### Dicon e no tabata existi 10 aña pasa?

Dies aña pasa, bo por a construi un computer pa \$20, pero e lo no tabata interesante pa muchanan. Awo bo por construi un computer pa \$20 y hunga Minecraft. Bo por construi un computer di

\$20 cu lo toca videonan Blu-ray. Plus o por haya software gratis.

### Ki sorto di cosnan hende por traha cu nan Raspberry Pi?

Tin un homber na Gran Britania cu ta manda nan 25 miya halto den blaas y ta saca potretnan panoramico grandi di mundo. Hende ta pone nan na telescop y saca potret, por mira potretnan increibel di luna. Un hende a construi un base di stacion pa celular cu un Raspberry Pi. Probablemente e ta ilegal pa opera pafo di un camber di metal seya, pasobra mayoria pais ta regula ken ta permiti pa ta un operado di celular.

Upton a bisa cu e computer aki ta pa hendenan cu no por hustifica gasta algun cien dollar riba un computer di cual nan no mester e nivel di prestacion ey mes.

## Un cambio genetico chikito lo por haci tur sangura masculino

**Bo no mester tin rabia riba tur sangura, solamente esunnan femenino. Nan ta esunnan cu ta chupanos sanger y ta transmiti pathogens den e proceso.**

Sanguranan femenino *Aedes aegypti*, en particular, ta responsabel pa plamamento di virusnan cu ta causa malesanan doloroso cu tin biaha por ta mortal. Awo investigadonan lo por a identifica un gene cu ta yuda determina e sexo den e especie ey.

Nan ta yam'e Nix. Si e funciona, esaki kiemen cu strategianan pa controla sanguranan den futuro, lo draai rond di converti sanguranan femenino den masculino, cualnan no ta presenta peliger, of lo por elimina e sanguranan femenino mas mortal.

Segun World Health Organization, varios cien miyon di hende na mundo ta na riesgo di infeccionnan causa pa pica di sangura, manera dengue, keintura geel y chikungunya. Pa mala suerte, ta masha dificil pa identifica genenan singular den e parti di genome di e insecto, caminda nan version di nos cromosom Y ta situa. P'esey investigadonan no tabata capaz di saca afo cua ta e gene determinante masculino, cu yama M factor, te awo.

Despues di analisa e *Aedes aegypti* masculino su DNA genomico, e team bou di guia di Zach Adelman di Virginia Tech, y Zhijian Tu, a identi-



cu investigadonan no por a completa e conversion di sexo cu un switch di Nix, e sanguranan aki tabata infertil y no por a pasa nan gene pa e siguiente generacion. E ta un comienso, y un dia lo por descubri mas factornan M cu lo por yuda combati e plamamento di malesa.

fica un gene candidato cu ta presenta tanto den sanguranan masculino adulto, como den embryonan cu ainda ta den desaroyo. Nan a uza un herment pa edita gene pa controla e expresion di e gene aki, M factor Nix, y a descubri cu e ta necesario pa cuminsa desaroyo masculino. No solamente e ta rekeri, e ta suficiente. "E secuencia exacto di evento cu ta conduci na desaroyo di sangura masculino, no ta cla", Adelman a bisa. "pero nos sa cu Nix ta na top y esey ta loke ta conta."

### Nix

Cambionan na Nix a resulta den desformacion si organonan sexual, ora cu nan silencia e gene completamente, e masculinonan mutante a perde cierto característica riba nan genitalnan, y ora cu nan gene a wordo expresa na cierto parti di e genome, e femenino mutante ta resulta cu genitalnan masculinisa.

"Nix ta provee nos cu oportunidadnan existente pa controla sexo di sangura, den e lucha contra malesanan contagioso", Tu a bisa. Mientras

**EURO DEALS**

**Take full advantage of the low Euro!**

A large part of Flora's assortment is shipped from Europe. The Euro exchange rate is very lucrative these days. You can benefit from it now! Keep an eye on Flora's Euro Deals the coming months!

**www.flora.aw**

**ECO FRIENDLY**

**Aluminum sport bottle**  
750 ml, various colors  
From Afl. ~~8.95~~

**Afl. 7,50**

**Manila Palm**  
3 gallon  
From Afl. ~~39.95~~

**Afl. 29,95**

125cm

**SUNDAYS OPEN**  
10am - 2pm

AVENIDA MILIO CROES 101  
TEL: (+297) 583 6468



Keyla Reeder: *dicon nos ta scoge pa ignora*

# “Cyber bullying ta un problema grandi rond di mundo y nos comunidad”


**ORANJESTAD – Recientemente, Keyla Reeder a cuminsa funciona como un activista contra “Cyber bullying”. Pues termento online. El a cuminsa duna diferente presentacion over di e tema aki.**

E fenomeno di cyber bullying ta uno cu hopi biaha nos no ta tende di dje, specialmente den nos comunidad. Cyber bullying ta un forma di ter cu ta tuma lug ariba red social y door di e uzo di smartphones. Pa hopi tempo caba, cyber bullying ta andando den varios red social, incluyendo Facebook, Twitter, Instagram, y Whatsapp pa menciona algun. Actualmente un di e rednan mas grandi caminda cyber bullying ta tuma lug a ask.fm. Ask.fm ta un pagina social caminda cu unaves cu bo traha bo account, bo por haci otro persona cu tin un account di ask.fm un pregunta of duna un comentario, cu e opcion di keda anonimo. Awendia cu e uzo di smartphones y internet, tur cos ta un “click away” y e acceso na tur cos rond di mundo riba internet ta bira mas facil.

**Motibo di presentacion**  
Reeder ta conta “Mi ta un estudiante di Colegio E.P.I., Hospitality and Tourism Unit, den mi aña final, y mi ta un presidente pasado di Kiwanis Circle K di Colegio E.P.I. Recientemente mi a cuminsa duna varios presentacion na hoben y adulto tocante e fenomeno di cyber bullying sin cu esaki tin algun conexon cu mi estudio y organisacion. E motibo pakico mi a scoge pa papia tocante cyber bullying ta paso mi mes a pasa den e situacion cynan. Algo cu mi a remarca ta cu cyber bullying ta y por pasa cu tur hende. E no ta importa bo edad, sexo, color, religion, educacion, clase social, ni tampoco bo nacionalidad. Cyber bullying ta tumando lug tur dia, 24 ora pa dia, 7 dia pa siman rond di henter mundo, incluyendo Aruba. Desde cu mi a experencia cyber bullying ariba e website conoci cu yama ask.fm mi a publica un storia tocante e mensahenan y insulto cu mi tawata ricibi ariba Facebook. E idea tras di esaki tawata cu mi kier a

conscientisa y informa no solamente hoben pero tambe adulto y mayor tocante di e problema aki. Tur dia ariba diferente red social, nos ta mira varios forma di cyber bullying, y hopi biaha nos ta scoge pa ignora esaki simplemente pasobra nunca nos a pasa aden, of pasobra e no ta pasando cu nos. E parti di mas pisa tocante di e problema aki, ta cu e ta pasa cu mucha desde e edad di 9 aña caba. Awendia mayoria mucha tin na un edad hopi jong tin un smartphone, computer of tablet y hopi biaha nan tin hasta red social manera Facebook. Cyber bullying ta hopi dificil pa stop y tin ora hasta dificil pa detecta si esaki ta pasando cu bo yiu, ruman of familiar.”

**Tin un diferencia**  
Segun Reeder, Bullying ta un forma di ter y tentamento cu ta tuma lug den persona, den forma verbal y tin ora tambe fisico. Cyber bullying ta un forma di tenta cu ta tuma lug durante uzo di telefon, computer y red social, y mayoria biaha e tentado ta dificil pa detecta como cu e acceso na internet ta haci’e dificil pa por sa ken ta sinta tras di e computer. Den e mundo moderno cu nos ta biba aden, e rol di tentado tambe a cambia y esaki ta haci cu e problematico aki ta bira mas dificil pa stop. Antes ora bullying tawata tuma lug, esaki tawata pasa mayoria biaha na scol caminda bo por a mira ken e bully ta y e ta mas facil pa e docente of mayor busca un solucion na e problema aki, y pone consecuencia pa e bully. Awendia e mucha cu ta “get bullied” no solamente ta victima di bully pa 5 of 6 ora pa dia na scol, pero cu e uzo di internet y red social e bullying ta sigui tuma lug na cas tambe. Esaki ta haci cu e victima di bully ta wordo bullied pa mas ora pa dia, incluyendo fin di siman, vakantie, dia liber, cualkier ora pa dia, y cualkier dia di siman. Locual ta sucede Cyber bullying generalmente ta tuma lug door di post potret of comentario di otro persona. Cu varios biha sa ta rumor of comentario negativo ariba red social, potret intimo of potret cu ta humilia un otro per-



sona, menasa contra otro online, video(incluyendo video di pelea na scol) y hopi biaha menasa pa e victima tuma su propio bida.

“Pa hopi hende esaki ta algo cu kisas nan no ta tende masha di dje pero si bo ta un persona cu frecuentemente ta haci uzo di red social specialmente ask.fm bo lo por mira con hopi hoben ta bira victima di cyber bullying aki na Aruba” Reeder ta argumenta. E no algo facil pa stop





online, esaki no por wordo kita completamente mas. Nos tur sa cu loke bo pone ariba internet no ta keda algo priva mas, y unaves cu bo publica esaki, ya varios hende lo a mira y download esaki. Pues e daño ya caba lo ta haci. “Den varios presentacion cu mi a duna, specialmente hoben, mayoria di nan a admiti y a conta cu nan ta of a yega di experencia cyber bullying of bullying na scol of na cas. “ Reeder ta bisa.



## Meta principal

Como cu tur hende cu ta cuminsa cu algo, Reeder tambe tin un meta cu su presentacionnan. E ta bisa “ Mi meta cu e presentacionnan di cyber bullying ta pa conscientisa hoben, mayor, maestro, y nos comunidad henter tocante e problema aki. Misa cu e no ta un problema cu ta facil pa stop di un dia pa otro. Como un comunidad ariba red social anos tambe ta “bystandards” ora nos ta mira actividad di bully ta tuma lug a y

Cyberbullying – vs – Bullying	
Bullying	Cyberbullying
Face – to – face	24 hours a day, 7 days a week, 365 days/yr
Can find a safe space or escape	No safe space – hard to escape
Limited to onlookers	Shared by a wide audience – can go viral in a mater of seconds
Bully can be identified	Bully can be anonymous
Can see facial and body reaction of target and onlookers	Harder to empathize with the target
	No geographical limitations
	The target can easily become the bully



ignora esaki. Si cada biaha nos por reporta of hala atencion di e persona of bully cu ta insulta of ter un otro ariba red social, nos por reduci e problema aki pa cual cu e ta.

Un otro cos cu mi sa menciona den mi presentacion ta cu como mayor y maestro e no ta e idea tampoco cu nos ta bay “stalk” nos yiu of estudiante riba red social, pero simplemente monitor nan frecuentemente y educa nos yiu y studentenan tocante bullying y cyber bullying. Hopi biaha nos por papia di cualkier topico den nos comunidad, pero nunca nos ta toca e tema aki. E ta importante pa nos por siña especialmente e chikittinan y hobennan pa no ta bully den e bida di un otro estudiante of mucha. Djis pasobra na Aruba nos no ta conoci cu hoben ta comete suicidio pa motibo di cyber bullying, no ta nifica cu e problema aki no ta existi of cu nos mester ignor’e. Mi ta spera cu nos no mester warda te ora nos haya un porcentahe di suicidio na Aruba, pa nos por cuminsa haci algo tocante (cyber) bullying y cu un dia por bira accion legal ariba e fenomeno aki. “

Uza internet positivamente. Ban haci uzo di internet y red social pa celebra y comparti momento bunita, nos diferencia den un manera positivo, comparti nos cultura y duna otro comentario positivo. Nos por ta e cambio cu nos ta desea di mira door di bira un chempel pa e resto di nos comunidad. E bunita di internet ta cu nos ta e comunidad social riba internet. Hunto nos por duna un bos na e victimanan di cyber bullying cu tawata victima den silencio pa hopi tempo. Control + ALT + Delete cyber bullying, Reeder ta bisa.

## Telefon pa hubentud

Den pasado, Bon Dia Aruba a entrevista e fundacion di Telefon pa Hubentud tocante cual ta e casonan di bullying cu mas ta bin dilanti. Segun, Shurman Miller trahado social, di e fundacion. El a bisa cu termento ta un di e problemanan principal cu ta wordo declara na e fundacion. Sr. Miller a splica cu no tin un cifra specifico pa esaki, pero cu hopi problemanan entre hoben, en special esunnan mas grandi (muchanan di scolnan manera entre otro EPI y EPB) ta cuminsa riba internet y despues ta scala bira algo mas grandi. Segun Miller tin cierto termento cu muchanan no ta haya straf pa via di dje. Por chempel un mucha cu ta ter un otro mucha emocionalmente (laga e mucha afo di tur cos, no papia cun’e) un juffrouw no por duna un mucha straf paso e ta scoge pa no papia cu un otro mucha. Mas muchanan crece nan ta cuminsa busca otro tactica pa ter y esaki hopi biaha ta inclui termento riba internet. □



## Aire seco of rayonan UV ta un causa di wowonan seco

**Nos wowonan ta mescos cu tur e otro organonan di curpa. Nos mester cuida nan tur dia pasobra wowonan tambe por bay atras, y un persona su bista ta algo masha valioso mes. Ayera Bon Dia Aruba su seccion di Salud a publica un articulo tocante e problema di wowonan seco cu ta uno frecuente.**

No mester lubida cu e problemanan di vision di un persona tocante refraccion di luz, ta loke ta hiba e persona su bista bay atras. Un problema relaciona cu wowo cual ta hopi frecuente ta wowonan seco. Awe nos lo publica mas riba wowonan seco su causanan y tratamiento.

### Causanan di wowo seco:

- E syndroom aki ta resultado di poco produccion di lagrima of di un perdemento di balans den e composicion

kimico di e lagrima. E produccion di lagrima por bira menos ora e hende su edad ta subi.

- Exposicion frecuente na aire seco of rayonan UV di e solo cu por fungi manera un factor hopi importante pa salud di wowo

- Condicion medico manera artritis reumatoideo of Sjogren's syndroom

- Uzo no apropiado di contact lens of uzo prolonga di medicina manera anti histaminico pa alergias of medicina pa depresion por ta un factor cu ta yuda desaroya wowo seco.

### Tratamiento

Wowonan ta organo nan masha delicado mes, pa e motibo ey mester tin bon cuidao cu nan. Si un persona ta experimenta sensacion di kimam-

ento, grawatamento y wowo cora frecuentemente bishita especialista di wowo.

Despues cu e diagnostica a wordo haci e tratamiento ta basa mas tanto riba gotanan pa yuda mantene e wowo humedo.

Tin medicina pa inflamacion, lagrima artificial cu ta trece alivio temporal na e condicion aki. Lagrima artificial cu bicarbonato, cu gel, cu base di zeta, cu base di serum etc. Semper bao supervision di un dokter.

- Operacion di wowo ta un opcion unda ta haci un buraco chikito den skina di wowo pa haci miho e sistema di drenahe di e wowo aunke ta un opcion poco frecuente pa e problema nan extra cu procece cun'e.

- Camara di humedad: Esaki ta manera un tapa di plastic cu ta wordo uza pa hen-




de cu ta sufri di e problema aki, anochi tanten cu nan ta drumi pa preveni vaporacion di e lagrima y asina mantene e wowonan humedo.

- Cuidao propio: Uza un humidifier na cas cu ta yuda pa e ambiente bira mas humedo, mas tanto ora airco ta wordo uza, ya cu nos tur sa cu esaki ta haci e aire masha seco mes. Tuma brake chikito frecuentemente ora bo ta

mira television of tanten cu ta traha den computer. Ta importante pa es nan cu ta uza contact lens pa uza tambe lagrima lubricante artificial. Como cu e wowo seco ta aumenta e sensibilidad na aire y luz, ta importante pa bisti bril protector tan ten cu ta pafo. Si nos ta mira e clima cu tin na Aruba, eigenlijk ningun hende mester sali pafo den dia sin uza lens protector di solo. □

## Bus di Salud a inicia e siman di Presion Halto



**Mundialmente a conmemora e fecha di 17 di mei como e dia di Presion Halto. E tema cu a scoge e aña aki pa conscientisa riba e riesgo di presion halto ta: Percura pa bo sa cuanto bo presion ta.**

Si bo sa cu bo presion ta halto, bo por actua y tuma medida pa asina yuda baha bo presion. Presion halto tin consecuencia pa nos estado di salud. Algun ehempel ta: malesa di curason y ader, ataca di curason, problema cu riñon y otro problema di salud.

Na Aruba 50% di e hende homber adulto (25-64 aña) tin un presion halto. Di e hende muhe e cifra aki ta 33% esta un di cada 3 hende muhe tin presion halto. Di e personanan aki mas of menos mita no sa cu nan tin presion halto. Pa e motibo



aki ta asina importante pa bo controla bo presion y pa "bo sa bo numbernan di presion".

Plataforma di Promocion di Salud, cu ta consisti di Ibisa, Departamento di Salud Publico, AZV, SVB, WGK y ImSan conhuntamente cu Kidneys297 y Fundacion CVA a cuminsa cu e siman di

presion halto como un siman di conscientisacion tocante di presion halto, specialmente e uzo di menos salo.

Dialuna dia 18 di mei a inicia cu e prome actividad, cu a encera salida di Bus di Salud pa duna servicio na publico. Bus di Salud tabata para na e compleho di Power



FM, Healthy Living Club, Bright Bakery na Piedra Plat. Diferente empresa/negoshi a participa tambe cu actividad di conscientisacion den forma di laga cliente purba pan sin salo, haci chequeo di presion, duna charla pa nan clientenan tocante di alimentacion saludabel. Mientras cu Plataforma di Promocion di

Salud a haya oportunidad pa comparti cu publico algun informacion importante pa motibo di programa radial.

Di e forma aki a habri e siman di presion halto cu diferente actividad cu a comparti cu comunidad, entre otro informacionnan na radio, TV y prensa skirbi tocante di e peligernan di presion halto.

Ta bon pa comunidad ta informa kico presion halto ta, kico ta e peligernan, ken ta esunnan cu tin mas riesgo pa haya e condicion aki, tipnan con pa uza menos salo y con pa haci escogencia mas saludabel. Comunidad mester ta consciente cu mester cuminsa cambia e estilo di bida pa uno cu ta mas saludabel.

Pa mas informacion por tuma contacto cu Ibisa na 5824987 of via nos facebook of website. □



Ivana Jansen:

## “Mi a kies studia na Merca, pasobra mi a cansa di e sistema Hulandes cu bo ta perde un aña completo pa un vak”



computer centers ta habri tur ora. E profesor nan semper ta atento y ta segura cu e estudiante sa cu si e tin pregunta of tin mester di extra splicacion, e ta eynan, semper un e-mail of un yamada ta suficiente. Tambe akinan na Merca nos ta traha cu semester, esaki kieren Fall semester ta september pa december. Spring semester ta januari pa mei y semester di berano (opcional) ta mei pa augustus. Cada semester ta entre 3-4 luna y cada semester e estudiante ta rekeri pa tuma 4 vak minimo.

### Dean's Honor List

Awo mi ta studiando Business Administration na Valencia Community College na Orlando, Florida. Esaki ta mi di 3 semester y mi a caba di yega den e Dean's Honor List pa e Spring 2015 term. Mi GPA ta 3.6 di 4.0 total y mi a haal tur mi vaknan cu un bon cifra.

Loke ta haci mi super feliz ta cu mi por bisa cu mi a siña asina hopi durante e 1 aña aki na Merca, mi a tuma 12 diferente materia cual tur tin diferente impacto positivo ariba mi. Mi nunca a fada di bay scol pasobra tur profesor, materia y klas ta diferente riba nan mesun manera. Y como estudiante bo tin e lib-



ertad pa kies bo profesor nan, bo lesnan, bo oranan, y e ta working out super great. Akinan mita wak miho posibilidad nan den networking y crece. Bo conocimiento di e avance tecnologico di e mundo aki ta expande masha hopi mes y mi ta sigur hopi Arubiano gradua na Merca lo ta di acuerdo.

### Poco informacion di parti Aruba

Na Aruba nan no ta promove studia na Merca, semper e presentacion y e sesionnan informativo nan tabata concentra ariba estudio na

Hulanda y tin ora nan tabata menciona Costa Rica of Merca ta wordo menciona manera un opcion pa esun cu no kier bay Hulanda y mi ta kere esey a haci cu hopi estudiante no tabata consciente di cuanto posibilidad nan tin na Merca. Mi semper tabatin e soño pa studia na Merca, pues loke a pasa ta cu ami como estudiante di 17 aña mester a bay busca riba mi mes ki scol nan mi lo por wordo acepta na dje na Merca y ki ta mi rekisitonan, cuanto e tuition ta, cuanto placa di prestamo mi por haya pa U.S.A y kico ta e diferencianan entre e sistema di scol Americano y esun di Hulanda.

### Mavo y Havo dilema

Pesar di esey, mi ta haya cu Mavo y Havo hunto a haci mi mas fuerte no solamente como estudiante pero tambe como persona. Imagina bo e cambianan cu mi a pasa aden, bayendo un scol chikito di 20 klas pa un scol cu tin como 100. E cambianan tabata drastico pero el la bal la pena. mi a bishita Juliana School Mavo y mi a gradua na aña 2011 cu 16 aña di edad. Mi cifranan tabata En 7, Ned 7, Wis 8, Eco/M&O 8, AK 8, Bio 7. Despues di caba

Mavo mi a sigui mi estudio na Colegio Arubano unda cu mi a gradua na aña 2013 cu 18 aña di edad. Mi cifranan tabata En 7, Ned 6, Wisk 7, Ak 7, Ec 6, M&O 7. Havo tabata e unico opcion den mi wowonan, pasobra cu mi lo por caba den 2 aña y tin un miho posibilidad pa sigui mi estudio afo. Mi por bisa cu mi tabata tin un bentaha riba mayoria di e estudiante nan cu a bin for di Havo 3. HAVO 4 y HAVO 5 a bay bastante trankil pa mi, sin problema i sin tin mester di tuma bibles. Mi tabatin un bon base y conocimiento di mi vaknan cu mi por compronde e materianan miho door cu mi tabata sa bastante di e mesun stof nan na Mavo. Un cos si mi por bisa definitivamente ta cu mi a sinti cu mi no tabata wordo trata mesun semper ora bin na e punto pa puntra un pregunta, mayoria di e docentenan ta conecta esey cu ta door cu bo a bin di Mavo mi ta puntra cosnan asina. Of pa e motibo ey bo no sa tal cos. Pero mi a sa di ta consistente cu mi vaknan, haci huiswerk y haal bon puntonan. Un otro punto cu mi mester agrega ta cu durante HAVO 4 y HAVO 5, e guia cu mi a haya di e decaan nan tabata masha limita. □

**ORANJESTAD – Mi a kies studia na Merca, pasobra mi a cansa di e sistema Hulandes cu bo ta perde un full aña pa un vak.**

**Mi a analisa y nota e diferencianan entre e sistema di scol Americano y esun Hulandes.**

Un cos cu siguramente a pone ami sinti hopi mas na cas akinan ta cu bo por haya guia y ayudo cualkier momento cu bo mester. Scol su biblioteca, tutor centers y

*Pueblo kier sa:*

## Aumento di BAZV lo kita contribucion propio for di mesa?

**Manera ta conoci fraccion di AVP y Gabinete Eman a aumenta BAZV cu 1% haciendo esaki 3.5%. E amienda presenta tawata inclui reduccion di e prima di AZV cu 1%. Realidad ta cu esaki ta nada ora bo trece tur cos den balansa.**

Enfasis mester wordo poni si riba e echo cu BAZV pa di dos biaha ta conoce un aumento den un periodo di menos cu un aña. Banda di e hecho cu nan a kibra nan propio principio kedando cu e mesun estructura (di no elimina) ta interesante pa pone atencion riba e desaroyo di otro medidanan riba tereno di AZV.

### Contribucion propio

Cu bendicion di e prome dialogo social cu a tuma luga na 2010 y tambe di parlamento e prima di AZV a conoce aumento entrante 1 januari 2011. E aumento

tawata di 2% parti igual pa trahado y doño di trabou. Pa e pensionadonan esaki tawata mas pisa pasobra nan mester a carga e aumento completo debi cu nan no tin trabou. Tambe a papia abiertamente di introduccion di un contribucion propio pa AZV. Esaki kieren cu pueblo lo mester bay haci pagonan adicional (extra) apart riba locual ta wordo paga na primanan cu

nan ta paga tur fin di luna.

### Medidanan adicional

Minister di Salubridad no a duna contesta concreto riba kico lo bay sosode cu e medidanan relaciona cu contribucion propio. E minister en cuestion a laga sa cu el a haya un documento di medidanan pa reduci gasto cu AZV lo bay tuma y cu e ta di acuerdo cu nan pero cu no ta cla cu e dis-

cusionnan. El a hasta anticipa cu aki poco tempo sigur lo tin remarca cu atrobe lo tin medida pero a tene corto bisando cu na su debido tempo e lo trece esaki padilanti. Tambe el a indica cu no mester sigui baha e contribucion financiero di pais Aruba na AZV. E minister kieren cu bo por haci e contribucion propio pero na un forma responsabel. Pero pregunta ta

con leu bo kier yega cu asina hopi medida?

### Maneho deficiente

Ta obvio si cu e maneho financiero di gobierno ta uno deficiente cu ta afectando e contribucion di pais Aruba na AZV nificando cu lo rekeri mas y ta p'esey algun dia despues manera ladron den anochi a aproba pa aumenta BAZV entrante 1 juli 2015 cu 1% mas, despues cu esaki ya caba a conoce un aumento entrante 1 december 2014 ultimo.

### Pregunta cardinal

E compensacion minimo di 1% ta den balansa cu tur e otro medidanan menciona? Aumento di BAZV lo hala contribucion propio for di mesa? Un cos ta sigur, no por sigui sconde y pueblo merece di por haya contestanan cla relaciona cu e medidanan adicional cu lo tin planea riba tereno di AZV. □





## EXECUTORIALE VERKOOP

Krachtens artikel 1203 lid 2 (oud) respectievelijk 3:268 (nieuw), van het Burgerlijk Wetboek van Aruba zullen de volgende onroerende zaken in het openbaar worden verkocht.  
De verkoop vindt plaats eerst bij opbod en vervolgens bij afmijning.

1. een perceel eigendomsgrond, groot zevenhonderd vijftig vierkante meter (750 m<sup>2</sup>), gelegen aan de Isaac Wagemakerstraat te San Nicolas in het Vierde district van Aruba, omschreven in meetbrief nummer 139 van vijftientwintig september negentienhonderd vierenzeventig, met het daarop gebouwde appartementencomplex, plaatselijk bekend als: **Isaac Wagemakerstraat 75-B**;

Inzetprijs: Afl. 67.500,00;

2. het recht van erfpacht tot zestien november tweeduizend zevenentwintig op een perceel domeingrond, groot zeshonderd vijftien negentig vierkante meter (695 m<sup>2</sup>), gelegen aan de Isaac Wagemakerstraat te San Nicolas in het Vierde district van Aruba, omschreven in meetbrief nummer 20 van tien februari negentienhonderd vijftig, met het daarop gebouwde, plaatselijk bekend als: **Isaac Wagemakerstraat 81**;

Inzetprijs: Afl. 63.750,00;

3. het recht van erfpacht tot zevenentwintig november tweeduizend tweeënzeventig op:
  - a. een perceel domeingrond, groot éénhonderd één vierkante meter (101 m<sup>2</sup>), gelegen aan de Helfrichstraat/Jan Steenstraat te San Nicolaas in Aruba, kadastraal bekend als vierde afdeling sectie A nummer 119, met het daarop gebouwde, plaatselijk bekend als: **Helfrichstraat 34**; en
  - b. een perceel domeingrond, groot éénhonderd vierkante meter (100 m<sup>2</sup>), gelegen aan de Helfrichstraat/Jan Steenstraat te San Nicolaas in Aruba, kadastraal bekend als vierde afdeling sectie A nummer 120, met het daarop gebouwde, plaatselijk bekend als: **Helfrichstraat 36**,  
hierna tezamen ook te noemen: het registergoed (tezamen vormende de bar/restaurant bekend als: Las Vegas Bar);

Inzetprijs: Afl. 175.000,00; en

4. een perceel eigendomsgrond, groot zesduizend vierhonderd zestig vierkante meter (6.460 m<sup>2</sup>), gelegen te Weg Fontein in het vierde district van Aruba, zijnde het restant van de gronden omschreven in meetbrief nummer 242 van eenentwintig oktober negentienhonderd vijftien (oorspronkelijk groot zesduizend achthonderd vijftienzeventig vierkante meter (6.875 m<sup>2</sup>), met het daarop gebouwde, plaatselijk bekend als: **Weg Fontein 154-A, -B en -C**;

Inzetprijs: Afl. 225.000,00.

----- Op verzoek van een van de gerechtigden -----

5. een perceel eigendomsgrond, groot achthonderd drieënveertig vierkante meter (843 m<sup>2</sup>), gelegen te Nuña in Aruba, kadastraal bekend als eerste afdeling sectie L nummer 4966, met het daarop gebouwde, plaatselijk bekend als: **Nuñe 50, 50-A en 50-B**, en al hetgeen daartoe door aard, natrekking en bestemming behoort of zal behoren.

Inzetprijs: nader te bepalen.

Onderhandse schriftelijke biedingen kunnen tot en met 9 juni 2015 tot 16:00 uur worden aangenomen; ieder bieder is verplicht te tonen dat hij zijn bod kan nakomen, zulks ter beoordeling van de executant.

In geval van veiling krachtens beslagrecht bestaat geen mogelijkheid tot onderhandse biedingen.

De verkoop zal plaatsvinden ten overstaan van mr H.M. Rodriguez-Taekema, notaris in Aruba, op **25 juni 2015 om 9:00 uur** in de vergaderzaal van **RENAISSANCE CONFERENCE CENTER** aan de L.G. Smith Boulevard 82.

De veilingvoorwaarden zijn beschikbaar op het kantoor van de genoemde notaris bij:

Notariskantoor Rodriguez-Taekema N.V.  
SUCU / De la Sallestraat 60  
(rotonde Seroe Blanco)

Tel: (297) 588-2400 ? Fax: (297) 588-2500 ? Email: j.decuba@notarisrodriguez.com

*Dangui Oduber(MEP)*

## Firmando protocol cu Hulanda, Minister Eman a entrega nos autonomia financiero



**ORANJESTAD – Nos pais ta den un problema financiero hopi serio. Segun prome minister Eman awor ta e momento apropiado pa castiga pueblo cu medida despues di un recuperacion di nos economia.**

Tin biaha bo ta puntra bo mes si prome minister ta sinti e dolornan di pueblo. E ta cana tur siman den pueblo y e mester por reconoce cu Aruba ta pasando den momentonan dificil. Aruba ta conociendo un costo di bida haltísimo, un criminalidad creciente y un deterioro social hamas antes bisto. Pa haci e problemanan mas serio ainda nos pais ta bancarota y esaki ta danki na e mancho irresponsabel y descabeya di gabinete Mike Eman 1 y 2. Den apenas 5 aña a redobla debe di nos pais y actualmente e debe di nos pais ta 4 biyon florin.

Loke a sosode aña pasa no a pasa dies asina. Ora un pais ta wordo goberna irresponsabel y malgastamento di placa ta tuma luga e consecuencia ta pa nos tur. Henter e comunidad por e premira loke a pasa aña pasa cu e Decreto di Gobierno di Reino y e welga di hamber cu gobernador a keda sin firma e presupuesto. A pesar di esaki e gobierno no a siña su les. Nan a sigui gasta placa y no a muestra voluntad pa reduci nan propio gastonan. Nos a menciona na varios ocasion a gastonan desproporcional di personal di prome minister su oficina. Gastonan innecesario na informacion y promocion. Un sin di gastamento di placa di pueblo sin hustificacion. E impasse entre Aruba y go-

bierno Hulandes a dura pa mas cu un aña caminda finalmente gobierno Hulandes a bisa Mike Eman cu e ta acepta CFT (control financiero di Curso) na bon of na malo.

Ora bo ta manda bo pais bancarota, bo ta pone bo pais den un posicion vulnerabel. Si e gobierno aki no a gasta placa di pueblo y a goberna e pais aki na un manera responsabel hamas y nunca gobierno Hulandes lo por a impone un CFT manera cu a sosode. Mike Eman a scoge di acepta CFT firmando un protocol cu gobierno Hulandes. Firmando e protocol aki e gobierno di Mike Eman a entrega no solamente nos autonomia financiero cu tanto nos a lucha pa si notabel e la entrega e autoridad legal di parlamento di Aruba. Parlamento di Aruba ta e organo mas halto di nos pais y ta e organo cu ta aproba leyman y bin cu amienda nan riba leyman si ta necesario. Firmando e protocol gabinete Mike Eman 2 a entrega e derecho di amenda di nos parlamento di Aruba. Un derecho constitucional cu a wordo viola door di e protocol. Ta algo hopi serio y hopi lamentabel via di un maneho financiero destrosa awe parlamento di Aruba ta perde su autoridad. Awe ta gobierno Hulandes lo bay traha e Decreto Nacional pa instala CFT legalmente y parlamento di Aruba no por haci ningun cambio na loke wordo presenta nan nos.

Un gobierno cu haci esaki cu su pais mester saca su conclusion. Moralmente e mester por sa cu loke e la haci ta mina autoridad di parlamento di Aruba y entrega nos autonomia financiero! □



*Fraccion MEP*

## Delegacion di MEP a sali pa Hulanda

**ORANJESTAD -- E delegacion di MEP encabesa pa Evelyn Wever-Croes tambe a sali pa Hulanda caminda lo atende den dos serie di reunion importante.**

**Tripartiet**

Dialuna y diamars tin reunionnan tripartiet cu delegacionnan di Curaçao y Sint Maarten. Lo toca varios tema di cooperacion mutuo entre otro desaroyo economico, energia, enseñanza, integridad, salubridad, problema cu hobennan, discriminacion.

Pero lo trata temanan delicado tambe manera e intervencion recien di Gobernador na Aruba y na Sint Maarten y tambe screenmento di can-

didato pa minister. E meta di e reunionnan aki ta pa caminda cu paisnan por traha hunto den bienestar di nan ciudadanonan, pa logra mas bienestar posibel

**IPKO**

Diaranson te cu diabierna tin e reunionnan interparlamentario entre parlamentonan di Aruba, Hulanda, Curaçao y Sint Maarten. Riba agenda tin practicamente e mesun topiconan cu e reunion tripartiet cu excepcion di esun di intervencion di Gobernador, Adicional tin riba agenda di IPKO e tema di areglo di despota entre paisnan den Reino a base di Statuut. Tambe lo trata iniciativa di Parlamentario Hulandes van

Oven pa cambia art 14 y 38 di Statuut. E dos temanan aki y e tema di 'integridad' y 'screenmento di candidato ministernan' ta e temanan mas delicado y ta wordo spera bastante discusion riba e temanan. E reunionnan lo tuma luga den salanan di Eerste Kamer y Tweede Kamer y mayoria por wordo sigui via website di Tweede Kamer.

**Varios otro reunion**

Aparte di e reunionnan menciona e delegacion tin otro reunionnan planea cu varios otro politico, gobernante y organisacionnan.

"Nos a prepara bastante pa e reunionnan aki y awor ta asina leu. Nos a bin cu un

mision y esey ta pa logra mas bienestar pa nos pueblo y pa haya mas claridad den e situacion relaciona cu supervision di Aruba. Nos lo splica na Hulanda cu nos no ta di acuerdo cu e supervision impone riba Aruba ni e caminda cu a wordo cana. Sinembargo nos ta consciente cu algo mester a wordo haci pa para e mal gobernacion di Mike Eman y p'esey e supervision mester a bin. Loke nos kier pa tur hende compronde ta cu no ta husto cu den e proceso ey nos pueblo ta wordo suta cu medida mientras cu gobierno mes no ta corta den su gastonan manera manda dos minister cas. Tambe nos kier pa tur hende compronde cu asina cu Aruba haya

un gobierno drechi bek, no tin necesidad di supervision door di Hulanda. Un gobierno drechi manera MEP tin den preparacion mes por controla su mes pa motibo di su propio institutonan. MEP a demostra di por a goberna e pais aki drechi, prueba entre otro cu a laga tanto e debe nacional como e deficit den margen nan internacionalmente aceptabel. Si e maneho di MEP a wordo continua despues di 2009 y e margen nan impone e tempo ey no a wordo bandona pa AVP awe nos no ta den e problemanan cu nos ta. Aruba merece miho. Esey lo ta nos mensahe na Hulanda" asina lider di MEP Evelyn Wever-Croes a duna di conoce. □

*Rene Herde(AVP)*

## Reunionnan na Hulanda a cuminsa caba

**ORANJESTAD - Otro siman e reunionnan bi-anual entre parlamentonan di e cuatro paisnan di Reino - Aruba, Corsou, Sint Maarten y Hulanda- ta tuma luga na Den Haag, Hulanda. Diaranson cu a pasa e lider di fraccion di AVP, Rene Herde', a biaha pa Hulanda den cuadro di preparacion pa e reunionnan importante aki.**

Diahuebs mainta y merdia caba el a reuni cu miembronan di Tweede Kamer di Parlamento Hulandes. Tambe el a atende e reunion di e Comision permanente pa asuntonan di Reino den Tweede Kamer, caminda tambe a topa cu dr. Ronald Plasterk, minister di Asuntonan di Reino. Na Den Haag Rene Herde' a reuni cu sr. Jeroen



Recourt, presidente di e Comision di Asuntonan di Reino di Tweede Kamer. Tambe a combersa cu sr. Roelof van Laar (partido PvdA), sra. Wasila Hachchi (partido D66) y e minister di Asun-

tonan di Reino sr. Ronald Plasterk (di partido PvdA). Den sala di Tweede Kamer tambe a topa cortu cu sr. Andre Bosman. Den oranan di mainta Rene Herde' a reuni cu contactonan di e diferente partidonan den parlamento di Hulanda. Tur den preparacion pa e reunionnan di otro siman.

**IPKO**

E reunionnan di otro siman ta encera reunionnan cu miembronan di Parlamentonan di Corsou y Sint Maarten prome. Despues lo sigui e reunionnan cu miembronan di Eerste y Tweede Kamer di Hulanda. E reunionnan ta wordo transmiti directamente via television di Parlamento di Hulanda. Otro siman lo tin hopi informacion riba e reunionnan aki pa Aruba. □

*Union Patriotico Progresista*

## Despues di 12 aña di oficialisacion di papiamento, falta hopi pa duna papiamento e luga mereci.

**Partido Union Patriotico Progresista na ocasion di e di 12 aña di oficialisacion di nos idioma Papiamento, kier a felicita nos comunidad pa e hecho aki, pero na e mes momento muestra cu apenas esey ta e comienso di un trayectoria largo pa duna Papiamento e luga cu e merece den nos comunidad y den nos bida diario.**

UPP den su Programa Electoral di 2013, como un partido cu a profila su pensamiento nan como un partido cu ta pro Arubianisacion y pro Integracion di esunnan cu ta haci di Aruba nan patria nobo, a muestra claramente e rol cu nos ta kere cu Papiamento mester tin den henter e proceso aki. Lastimamente nos tin di bisa, cu keto bay, Papiamento no ta haya e atencion cu e merece, particularmente ni for di gobierno, ni for di Parlamento.

Den e cuadro di Arubianisacion aki ta necesario pa reconoce e rol di Papiamento den nos sistema educacional. Den cuadro di e desaroyo intelectual di nos muchanan, ta necesario pa nan siña pensa y comunica den nos idioma como punto di salida, pa despues sigui desaroya nan mes den otro ma-


terianan y otro idiomanan. Di e manera aki nos ta crea tambe e Arubiano critico, y cu por expresa su opinion, sin tin nodo di laga otronan haci esaki pe, loke cu lastimamente tur dia nos ta mira ta tuman- do luga.

UPP ta na fabor pa no unicamente Papiamento forma parti di nos sistema educacional como idioma di instruccion, pero mester amplia esaki na nivel universitario, pa asina no solamente haci mas investigacion riba nos idioma, sino tambe pa nos por tin e herment necesario pa asina nos por traha na profesionalisacion di nos maestronan riba tanto e materia di Papiamento mes, pero tambe pa e maestronan por haci uzo di Papiamento como idioma di instruccion general den nos enseñanza. Papiamento mester bay hunga un rol hopi mas importante y prominente den nos enseñanza, birando asina e idioma di instruccion na scolnan basico, mientras Hulandes, Ingles y Spaño lo mester wordo duna como idiomanan di materia obligatorio. Den concepto di UPP Hulandes ta birando poco poco mas bien stroba bo den educacion di nos yiunan. Hulandes como idioma di instruccion ta basa riba un sistema colonial cu no ta funciona

mas pa nos generacion actual. Hulandes ta un idioma di scol, pero cu no ta biba den comunidad. Rond di 6% di nos comunidad tin idioma Hulandes como idioma na cas. Te cu awor ta trata e idioma aki na scol comosifuera e ta idioma materno di nos muchanan cu tur e consecuencianan cu esaki ta trece cu ne. Lo mester enfoca mas riba e luga di e idiomanan den nos enseñanza. Pa hopi tempo caba nos por mira cu e rol di Hulandes den nos bida diario y cotidiano ta reapareciendo, mientras cu Ingles y Spaño ta bira mas importante. Y UPP ta kere cu Papiamento, den tur esaki mester ta instrumental, pa ta e forsa catalisado entre e idiomanan stranhero aki, y hustamente lo mester contribui na e integracion cu tanto Aruba tin mester. E rol di Hulandes ta keda refleha tambe, na momento cu nos mandatarionan ta firma acuerdonan cu Hulanda, den idioma Hulandes, y cu despues ta resulta cu interpretacionnan ta varia y pueblo ta sinti di ta wordo duna un 6 pa un 9. Ya cu idioma Papiamento ta oficial, mester bira un exigencia cu documentonan cu ta wordo redacta na Hulandes ora di yega na acuerdonan importante asina, tin tambe su ekivalente den nos idioma Papiamento. Pues, tin un caminda largo ainda pa bay! □



# Clasificado



**MAX 20 PALABRA - TA ACEPTA AVISO FOR DI 9:00AM - 5:00PM**

## TA HUUR

Apartment na Stanta Cruz, camber, sala cushina, awa, coeriente exclui. Afl. 750 + borg. Pa mas informacion

**TEL: 568-7926 - 742-6263**

### TA BENDE

BBQ Grill "made In Aruba" duradero, Tipo "bari" Afl. 275,- / cilindro cu tapa pa Afl. 250,- Tel: 593-8182

### TA DUNA LES

Les di hulandes y papiamento pa mucha di kleuter, Basic school. Yama despues di 2'or. Tel: 592-5090 / 583-7381

### SERVICIO PUBLICO

Special Acrylic full set Afl. 50,- Manicure Afl. 35,- cu diseño fabuloso, Pedicure Afl. 35,- Tel: 736-9393

### TA BENDE

Instruments musical pa forma banda musical Prijsnan ta discutibel. Tel: 594-5025

### SERVICIO PUBLICO

Nos ta yuda cu huiswerk guia den ambiente familiar Tel: 745-2305

### SERVICIO PUBLICO

Ta corta mata chikito y grandi y ta tira sushi afo. Tambe ta bende santo graniet etc. bon prijs. Pa mas informacion Tel: 562-2532

### TA BENDE

Un tur tipo di santo, piedra y graniet ta corta mata chiquito y grandi y ta tira sushi afo. Pa mas informacion Tel: 562-2532

### TA BENDE

Un Hyundai Sta Fe 2003, Std, Bon condicion pa solamente Afl. 5.500,- Pa mas informacion yama Tel: 731-8695 / 600-8714

### HASI CURA LIMPI

Nos ta chapi piki sushi y verf, bon servicio na prijs barata. Tel: 561-4297 / 561-5179

### SERVICIO PUBLICO

Ta ofrese tur tipo di trabao di electricient. Ta hasi instalacion, reparacion, kortsluiting, breaker. Tel: 566-5026

### SERVICIO PUBLICO

Ta duna servicio pa baña y cuida hende grandi nas cas y tambe laba herida. Tel: 748-3306

### TA BENDE

Un Nissan Centra 1995 Prijs ta Afl. 800,- Pa mas informacion Tel: 567-7936 / 564-6126

### SERVICIO PUBLICO

Nos ta yuda cu huiswerk guia den ambiente familiar Tel: 745-2305

### SERVICIO PUBLICO

Ta ofrese Masage Profesional. Pa mas informacion. Tel: 566-8783 / 567-0479

### TA BENDE

Un cas na Socotorolan 25 central, 3 camber, 2 baño, comedor, cushina, sala, porch prijs taxatierapport Afl. 278.000,- Tel: 593-0077 / 593-0909

### TA BENDE

Un Mazda CX-7 año 2007 Automatic bon condicion ful equipped, automatic. Prijs special Afl. 20.000,- Tel: 594-2263

### SERVICIO PUBLICO

Nos ta fura tur tipo di muebles y nos lo laga nan manera nobo back. Tel: 5621199 / 5921252.

### SERVICIO PUBLICO

Ta duna credit di 10 luna. Ta fura y spuit tur tipo di muebles. Palm Beach #5, dilanti Subway. Tel: 593-2655 / 742-5853

### TA BUSCA

Dama mester trabao pa hasi cas limpi y wak pa hende grandi pa dia. Tel: 567-9668 / 746-0101

### TA BENDE

Instruments musical pa forma banda musical Prijsnan ta discutibel. Tel: 594-5025

### TA BENDE

Mata di Guyaba, Mispel, Papaya enono, casha y otro mata. St. Martha #12 Tel: 564-4456

### TA BENDE

Gordura, ora bo cumpra 9 saco di 50lb di Afl 9,- pa ta haya 12 saco y nos ta entrege tambe. St. Martha #12 Tel: 564-4456

### TA BENDE

Un Camaro Chevrolet Geel año 2010 cu 63.000km cori pa Afl. 35.000 Bin cu un bon contra oferta. Pa mas informacion Tel: 593-1184

### TA BUSCA

Pa huur, cas pabou di brug 3 kamber. Te cu 1.500 florin. Pa mas informacion Tel: 7306445

### TA BENDE

Ganga un Eton Vipper 70cc año 2000, bon condicion pa Afl. 2500,- discutibel. Pa mas informacion Tel: 732-0697

### TA BENDE

Un chevrolet Corsa shinishi silver 2003 std, gekeurd. Afl. 3.500,- Pa mas informacion Tel: 592-4664

### TA BENDE

Un Buggy geel completamente re-build pa Afl. 12.000,- o.b.o. Pa mas informacion Tel: 597-7803

### TA BENDE

Un cashi paña y un lessenaar, y golf sticks. Pa mas informacion Tel: 561-7112 / 567-6844

### TA BENDE

Matanan di fruta, sorsaka, mango, papaya, tambe motorcycle (scooter) 2007 bon condicion Corchon queen size. Tel: 594-9069

### SERVICIO PUBLICO

Señora Peruana ta ofrese pa hasi cas limpi of pa strika paña. Pa mas informacion Tel: 567-0479

**BO TA BENDE, HUUR OF BUSCA CUALKIER ARTICULO, NOS TA OFRESE UN SERVICIO UNICO Y RAPIDO.**



**Clasificado MAX 20 PALABRA**

## Hungado a gana 20 mil florin cu Wega di Number Corsou di Lotto

**ORANJESTAD:** Lotto, como e representante oficial di Wega di Number Corsou na Aruba riba dia 22 di mei a entrega un check di 20 mil florin na un feliz ganado. E persona a cumpra su numbernan na Indio Stewart Lottery San Nicolas.

Riba e dia aki el a cumpra dos biaha 20 florin na e mesun rebendado di Lotto, unda cu e la haci uzo di e opcion "Last 3" cu e combinacion di num-

ber 266.

Tur hungado di Wega di Number Corsou di Lotto ta aporta na deporte di Aruba. Wega di Number Corsou ta obtenibel na tur rebendado di e weganan di Lotto. Pidi pe pa bo tambe por hunga y gana!

Pa tur resultado di Wega di Number Corsou bo ta bishita nos website lottoaruba.com y riba Facebook LottoCambiandoBida of riba Twitter bou lottoaruba

Lotto, e loteria di Aruba tin 8 diferente wega; Catochi, Big 4, Zodiac, Wega di Number Corsou di Lotto, Lotto di Dia, Lotto 5, Mini Mega, y Raspa y Gana.

Cumprando Lotto bo ta contribui na deporte riba nos isla. Meta di e fundacion ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio. □





**Aurora**  
*Funeral Home*

Tel: 593-0857 / 588-6699 / 560-1403  
Fax: 588-6698

“Señor ta mi wardador, mi’n tin falta di nada  
Den cunucu di yerba berde e ta ponemi sosega.  
E ta hibami na awa trankil,  
Pa mi bolbe haña forsa”.  
Salmo: 23

Cu hopi tristeza pero conforme cu boluntad di Dios  
Nos ta participa fayecimento di:



**Nicolasina Jesus Bustten**

\*06-12-1968 †13-05-2015

Na number di su:

Yiunan: Johairo y Sharkenly y famia Alexander Fleur

Tata di su yiunan: Job de Reeper

Rumannan: Mercedes na Aruba  
Elvira na Aruba  
Eva na Aruba  
Santa na Aruba  
Rolando na Aruba  
Ciro na Aruba  
Freddy na Sto. Domingo  
Ina na Sto. Domingo

Sra. Nora y famia

Tanta: Fransisca na Aruba  
Y demas tantanan Sto. Domingo y Merca

Sobrino (a)nan, primo (a)nan, compernan, coleganan di trabow, amigonan, bisiñanan

Ta invita pa e acto di entierro cu lo tuma lugar diasabra 23 di mei 2015 na Aurora Funeral Home di 2’or pa 4’or di atardi, despues lo Sali pa Santana central na Sabana Basora.

Nochi di condolencia: Aurora Funeral Home, diabierna 22 di mei 2015 di 7’or pa 9’or di anochi.

**Aurora**  
*Funeral Home*

Tel: 593-0857 / 588-6699 / 560-1403  
Fax: 588-6698

“Dios ta amor ..... y amor ta Dios,  
maske mi no tan a e mundo aki, tur dia lo mi ta banda di boso Curazon, mi por stens di loke Señor ta hasi”  
Salmo 33

Cu profundo tristeza na nos curazon, nos ta anuncia fayecimento di:



**Rita Agatha Feliciano-Tromp**

Mihor conoci como “Mama Ita”  
\*17-07-1943 - †22-05-2015

Na number di:

Su Esposo: †Juan F. Feliciano  
Yuinan: Andy Feliciano  
†Ivan Feliciano  
Gregy & Shahaira Feliciano

Nieto y nietanan:

Andrew, Andric, Ashwin, Ashton, Angeline Richall, Jadon, Dustin

Ruman: Alicia Tromp  
Su ex suegra: Shelley Thiel  
Su Ayudante: Barbara  
Su ex-compañeronan di Funari  
Mihor amiga: Josefina Marin

Swa y cuñanan, sobrino y sobrinanan, ihanan, primo y primanan, comer y compernan, bisiñanan y demas conosirnan

Famia: Tromp, Feliciano, Petrochi, Trimon, Falconi, Thiel, Vrolijk, Maduro, Croes, Henriquez, Hart, Bislik, Jansen, de Cuba,  
Ta invita pa e acto di entierro cual lo tuma lugar diaranzon 27 mei 2015 di 2’or pa 4’or di atardi na Aurora Funeral Home, despues saliendo pa Santana Catolico Noord.  
For di 2’or di atardi e restonan mortal di nos difunto stima lo ta reposa na Aurora Funeral Home.

Adres pa condolencia: Aurora Funeral Home, diamars 26 mei 2015 for di 7’or pa 9’or di anochi

Lo bai tin un box disponible di donashon pa Funari.

Disculpa nos si den nos tristesa nos por a lubida un of otro famia, despues di entierro nos no por risibi bishita di condolencia na cas.

**Aurora**  
*Funeral Home*

Tel: 593-0857 / 588-6699 / 560-1403  
Fax: 588-6698

Mi a busca Señor y e la contesta,  
mi lo biba den cas di Señor pa semper.

Cu hopi tristeza pero conforme cu boluntad di Dios

Nos ta participa fayecimento di:



**Elvis E. Kock**

Mihor conoci como: “Iki”  
\*29-05-1970 - †13-05-2015

Na number di su:

Casa: Sully Martinez

Yiu: Kirck Anthony Kock

Yiu di criansa: Keytlyn Martinez

Katlyn Rivadeneira na Colombia

Mayornan: †Eulogio Enrique Kock

†Luisita Rodriguez

Rumannan: Francisco Kock, casa y famia

Manuel Kock

Ilogio Kock

Rosa Kock y compañero

Sobrinonan: Caryean y yiunan, Garry, Lusella y yiunan, Caryl, Shakira y yiunan, Glembert y Rushella

Tanta y omonan: Greta Rodriguez y famia

Mena R. Beslip, casa y yiunan

Juan Rodriguez, casa y famia

Rafhael Rodriguez

Manuel na Colombia

†Annet y yiunan

†Beto Rodriguez y yiunan

Florentino Rodriguez

Eliza Kock y yiu

Anonia Kock y yiunan na Corsow

Primo y primanan, comer y compernan, amigonan y conocirnan

Demas famia: Kock, Quandus, Beslip, Rodriguez, Kelly, Angela, Martinez, Rivadeneira, Nadal

Ta invita pa e acto di entierro cu lo tuma lugar di-aluna 25 di mei 2015 na misa Inamculada Concepcion na Sta. Cruz pa 4’or di atardi, despues lo Sali pa Santana catolico na Sta. Cruz. E restonan di nos defunto lo ta reposa for di 2’or di merdia den misa.

Nos disculpa si nos por a lubida un of otro persona.

Despues di entierro no ta ricibi bishita di condolencia na cas.



Rumannan, subrino y subrinanan di

**Aurora**  
*Funeral Home*  
Tel: 593-0857 / 588-6699 / 560-1403  
Fax: 588-6698

## Americo Croes

“Merco”

**Aurora**  
*Funeral Home*  
Tel: 593-0857 / 588-6699 / 560-1403  
Fax: 588-6698



ta gradici tur famia, bisña, amigo y conocirnan cu a compañía nan for di ora di fayecimento te na ora di entierio di nan difunto stima. “Boso presencia tawata hopi aprecia.”

Un gradicimento ta bay pa Domi Dekker pa su bunita predicashi, y na Aurora Funeral Home pa nan excelente servicio.



**Aurora**  
*Funeral Home*  
Tel: 593-0857 / 588-6699 / 560-1403  
Fax: 588-6698



“Dios ta amor ..... y amor ta Dios,  
maske mi no tan a e mundo aki, tur dia lo mi ta banda  
di boso Curazon, mi por stens di loke Señor ta hasi”  
Salmo 33

Cu profundo tristeza na nos curazon, nos ta  
anuncia fayecimento di:



## Sra. Petra Croes

\*10-04-1933 - †20-05-2015

Na number di:

Su yui: Felix Croes

Nieta: Jessica Croes

Bisanieto- y bisanietanan, subrino- y subrinanan, primo y primanan, comer y copernan,  
bisinanan, ex coleganan di Maristella y ex coleganan di Centro di Cuido

Demas familianan: Croes, Thiel, v/d Biezen, Tromp, Quandt, Schwengle, Rodriquez,  
Kelly, Maduro, Alberts, Ruiz, Harms, Koolman, De Cuba, Donata, Kwartz, Rafini, Navas,  
Lopez, Vrolijk, Geerman, Echavarria, Blanco, Larmonie, v/d Linden, Brete.  
Ta invita pa e acto di entierio cu lo tuma lugar diamars 26 di mei 2015 na misa Inamculada  
Concepcion na Sta. Cruz pa 4’or di atardi, despues lo sali pa Santana catolico na Sta.  
Cruz. E restonan di nos defunto lo ta reposa for di 2’or di merdia den misa.  
Si den momento di tristeza nos por a lubida un of otro famia nos desculpa.

**Aurora**  
*Funeral Home*

Tel: 593-0857 / 588-6699 / 560-1403  
Fax: 588-6698

Señor ta mi Wardador, mi n’tin falta di nada; Den cu-  
nuco di yerba berde E ta pone mi sosega . E ta hiba mi  
na awa trunkil, pa mi bolbe haña forsa.

Cu dolor y tristesa na nos curazon nos ta  
anuncia fayecimento di nos ruman stima, tanta y cuña.



## Sra. Cecily Juliana Canhigh

Na number di su rumannan:

†Alfreda Canhigh

Keith Canhigh y famia na Curacou

Betty Wolf Canhigh y famia na Hulanda

Mable y Jan Bollebakker y famia na Hulanda

Elaine y Ruben Giel y famia

Shirley y Demetrio de Cuba y famia

Mescos cu Ruman: Dennis Canhigh y Marcela y famia

Su subrino(a)nan:

Bibi Maderbocus y famia na Inglatera

Soraya y casa na Inglatera

Suzanne y famia na Hulanda

Jorina Wolf na Hulanda

Marcus Bollebakker y famia na Hulanda

Eduard Bollebakker y famia na Hulanda

Michel de Cuba y famia

Dhyani Giel

Clifford Giel

David

Valery

Liza

Sharon

Famia : Canhigh, Castillo, Maderbucus, Wolf, Ron-  
teltrap, Bollebaker, de Cuba, Giel, Bislip, Krozendijk,  
Maduro, Kelly, madhosingh, Kahn, niffikeer, Dickson,  
Beharry, Kewal, Lalsee, Ramlackhansingh, Saraffat,  
Bhola, Ferguson y demas famianan na, USA, Canada,  
Inglatera, Trinidad, y Greneda.

Acto di entierio lo tuma luga, diasabra 23 di mei 2015,  
for 9’or pa 11’or di mainta y despues saliendo pa Santana  
Central di Sabana Basora.

Adres pa condolencia, Aurora Funeral Home lo ta diabi-  
erna 22 di mei 2015 di 7’or pa 9’or di anochi.

Disculpa nos, si den nos tristesa nos por a lubida un o  
mas famia.

Nos ta lamenta cu despues di entierio nos no por ricibi  
bishita di condolencia na cas.



## Hoben di 22 aña asesina pa pleito riba un scoter



**WILLEMSTAD –** Un hoben di 22 aña a muri di impactonan di bala cu el a haya den oranan laat di nochi despues di un discusion riba un scoter. E prome informacionnan a indica, cu algun persona a bin reclama su persona, cu aparentemente e tabata den poder di e scoter cu no ta di dje.

E hendenan a bay, pero despues nan a bin bek. Ta ora nan a bin bek a tende tiro. Den e scuridad inmenso den e area aki a bin topa e curpa sin bida di e hoben. Polis a cuminsa un investigacion profundo cu a sigui te den oranan laat di marduga.

Polis a informa cu Central di Polis a haya informacion den careda di 11or di un tiramento cu a tuma luga den bisindario di un Hofi na Sero Grandi. Mesora central a dirigi un unidad policial na e sitio y nan a bin topa cu un señora cu despues a resulta mama di e victima pa indica caminda cu a scucha e tironan. Na momento cu polis tabata bay subi riba e tereno di e cas na Sero Grandi, nan a mira un homber drumi abou na suela. E homber victima Antonio Paulina, nace na Corsou, 4 di mei 1993, cu tabata drumi den un plas di sanger no tabata duna señal di bida. Dokter di polis a constata morto di e



victima y riba ordo di Fiscal di Ministerio Publico a confisca e curpa sin bida pa mas investigacion. E investigacion den e caso aki ta continua.

E caso a genera e conmocion custuma den sentido cu “asina aki no por sigui mas”, “otro hoben cu ta bay perdi” y tambe remarca cu ta pleito pa un coy logo. Remarcabel ta sinembargo e cantidad di critica cu tin riba armanan cu ta circulando tur cu tin den comunidad di Corsou. No obstante un campaña intensivo aña pasa, e cantidad di arma cu den circulacion ta amplio, considerando diferente caso cu tabatin den ultimo simannan. □

## Droga confisca a bordo boto di piscado



**WILLEMSTAD -** Nunca antes no a detecta un cargamento asina grandi cu e barco di Marina den Caribe. Durante di un control di rutina, a bordo dje boto di piscado Caribbean Soul, a descubri 6000 kilo di marihuana. Caribbean Soul tabatin 12 persona abordo y

tabata na caminda di Jamaica pa bay Guyana. Un avion di patrulla di wardacosta Mericano a descubri e boto di piscado.

A manda Zr. Ms. Zeeland pa inspeccion e boto. Algo prome cu solo sali, e boto di marina a detecta e boto di piscado. A manda e helicopter y tambe e



botonan rapido. Nan a controla Caribbean Soul y descubri e cantidad enorme di marihuana.

A confisca Caribbean Soul y a escolta e tripulacion pa Ponce na Puerto Rico, caminda cu a entrega nan na autoridadnan cu ta combati trafico di droga. □

## Investigacion riba cooperacion economico den reino

**WILLEMSTAD –** A realiza un investigacion riba e cooperacion economico den Reino. Aruba, Boneiro y Corsou ya pa algun tempo ta haciendo esfuerso pa asumi un funcion di ‘corridor’ of ‘hub’ of trampolin den e comercio entre Europa y Amerika Latino. For di Hulanda nos ta mira ultimo añanan intencionan mas intensivo pa haci mas negoshi cu entre otro economia nan creciente manera den Amerika Latino.

Pa haya un bista den experencia- y necesidadnan di sector empresarial riba tereno di promocion comercial, ministerio di BZK, den coordinacion cu e ministerionan di EZ y BZ, a duna oficina di investigacion SEO (Stichting Economisch Onderzoek) encargo pa investiga esaki.

E investigacion ta trata, for di e perspectiva di experencia- y necesidadnan di empresanan riba e



islanan y na Hulanda, na duna un contribucion na e discusion tocante e pasonan cu mester sigui y medidanen di maneho cu mester tuma, dirigi

riba sigui desaroya comercio di Reino cu Amerika Latino. Cu e proposito ey a haci un encuesta riba internet bou di e sector empresarial na Hulanda, Aruba, Corsou, Boneiro y Sint Maarten. E dianan cu a transcuri investigadonan, hunto cu representantes di BZK y EZ a bishita e Islanan Abou pa discuti resultadonan di e investigacion aki.

E resultadonan di e investigacion ta confirma cu e parti Caribense di Reino por hunga un papel den promocion di comercio cu Amerika Latino. Companianan Hulandes cu ta haci negoshi cu Amerika Latino, y cu kier expande e negoshi ey, ta haci uzo caba di facilidadnan y servicionan den e parti Caribense di Reino, of ta considerando pa haci esey. For di awe por baha (download) e rapport di e investigacion riba e website di SEO, [www.seo.nl](http://www.seo.nl). E siman venidero SEO lo duna un conseho na minister di BZK cu bista riba e conferencia di Reino di 16 di juni 2015. □



## Mandatarionan di Hulanda Caribense a topa otro na St. Maarten

**KRALNDIJK** – Recientemente tur mandatario (esta gezaghebbernan, debutantenan, secretarionan, griffiernan y miembronan di conseho insular) di Hulanda Caribense a bini hunto na St. Maarten. Nan a papia aki ampliamente cu otro, a intercambia di experiencia y a sigui Sesionnan di trabou den cuadro di desaroyo gubernamental. E encuentro unico aki na St. Maarten ta inicio di e trayecto conhunto di Boneiro, St. Eustatius, Saba y e Ministerio

**di BZK pa trata hunto riba bon gobernacion.**

A duna un splicacion kico ta e meta y contenido di e programa Fortificacion Gubernamental. Durante e sesionnan aki a reconoce entre otro e necesidad y boluntad pa inverti den reforsa gobernacion y pa traha conhuntamente cu e islanan BES. Un punto masha importante cu a bini dilanti ta con e relacion cu Hulanda ta actualmente, y na unda e entidadnan publico ta para y cua ta e miho

strategianan pa implementa pa mehora e comunicacion cu otro. Ta di como importancia pa tur e partidonan involvi pa formula un mensahe cla y confiabel, pa keda traha hunto, pa keda alcansabel disponibel y keda informa bo comunidad kico ta haciendo como gobierno. E intencion y meta ta pa keda busca interesnan mutuo, keda busca puntonan cu ta uni e entidadnan publico. Tabata tin diferente intercambionan di informacion encunto temanan pa atende durante di e siman di Caribe

Hulandes. Na e ocasion aki a probecha haci uzo di oportunidad pa papia riba topiconan di CN week. Di e manera aki lo trece dilanti e preocupacionnan di tur e tres islanan. Gobierno di Boneiro ta haya di suma importancia pa yega na un posesion comun entre e islanan BES prome cu biaha pa Hulanda pa CN week.

Diaranson e islanan a keda di papia cu otro especificamente y mas ampliamente riba e agenda cu lo bay atende na Hulanda. □

## Trabounan grandi di drechamento di riool den Centro di Punda



**WILLEMSTAD** – Hopi biaha mester haci trabounan grandi. E ultimo proyecto ta den

**Centro di Punda caminda a desvia trafico completamente.**

Den e caya principal di Punda ta cobando pa asina pone pipanan nobo pa e sistema di riool. Di loke a observa ta, cu mayoria hende ta acepta cu e tipo di trabounan aki ta tuma luga. Algun hende local ta reclamando, pero por lo general bishitantenan cu ta custuma cu e tipo di cosnan aki den nan pais, ta compronde e situacion. Un cos remarcabel tambe ta e holo stinki cu ta saliendo for di e trabounan aki. Esey no ta straño si considera cu tin un sistema amplio di riool ta core den e area aki. Di parti di lesnan involvi cu e trabounan no tabatin un participacion oficial riba e proyecto aki, cu mientras tanto ta canando rapida-



mente den un area fundamental di Ciudad. E trabounan, ,lo dura por lo menos 5 luna. □

## Corsou a aporta na resultadonan positivo di CIBC

**WILLEMSTAD** - Recientemente e Chief Finacial Officer (CFO) di CIBC First Caribbean

Brian Lee a bishita Corsou. Brian Lee recientemente a keda a punta como e presidente di e Hunta di Supervision di CIBC First Caribbean na Corsou y Aruba.

Durante di su bishita, Lee a subraya e contribucion valioso di e oficina na Corsou na e banco su resultadonan. Lee durante un encuentro cu e per-

sonal, a subraya e importancia pa keda fiha riba e cliente, algo cu e banco ta sumamente esencial. El a elogiar e ekipo di Corsou pa nan aportacion na e banco su resultadonan.

CIBC First Caribbean recientemente a anuncia su miho resultado den un kwartaal den e ultimo cuater añanan. E banco a registra un entrada netto di \$26.6 miyon, den e periodo di tres luna cu a caba januari 31, 2015. Esaki ta e miho resultado registra desde 2010. Segun Brian

Lee, esaki ta debi na un perdida mas abou gastonan di fiansanan dificil pa recobra y gastonan di operacion mas abou no obstante un reduccion den entrada total di \$7.3 miyon aña riba aña.

E banco a sigui beneficia di su iniciativanan pa otro gastonan y ganashi di su restructuracion di su operacionnan. E gastonan di operacion a baha cu \$ 4.0 miyon florin compara cu e mes un periodo aña pasa danki na e esfuersonan aki.

E CFO di CIBC First Caribbean a tuma e oportunidad pa enfatisa e importancia di no unicamente adkiri cliente, pero unabes nan ta cliente di e banco haci lo maximo pa tene e cliente satisfecho. Señor Lee a subraya e compromiso di tin un liña di comunicacion habri cu empleadonan, specialmente ora ta trata di iniciativanan pa ta mehora nan posibilidad pa aumenta e banco su prestacion y satisface cliente. El a conclui elogiando e team di Corsou pa nan contribucion valioso na e banco. □

## Pueblo Soberano ta pidi pa instala comision di energia di parlamento

**WILLEMSTAD** – Pueblo Soberano a pidi presidente di parlamento pa instala un comision di energia pa e temporada parlamentario 2012-2016. Segun Sherwin Leonora di fraccion di e partido, e topico di energia ta hopi importante den e desaroyo di energia di nos pais. Ta un topico cu mester sigui discuti, pa asina Corsou por mantene su mes na altura di loke ta pasando den e sector di energia localmente y mundialmente.

Na Corsou tin diferente desaroyo den e sector di energia, asina Leonora ta menciona. Pa di prome, nos Refineria ta

un pila economico hopi importante pa Corsou, caminda ta soru pa entrada di divisa, cupo di trabou y pa nos producto interno bruto. E Refineria actualmente ta rekeri renobacion pa asina por cumpli cu reduccion di polucion, calidad di producto y asina mantene un posicion competitivo riba e mercado petrolero internacional. Corsou ta den deliberacion cu partnernan strategico, hunto cu PDVSA, pa asina yega na un acuerdo pa cu e renobacion di e refineria. Ultimamente, e team disciplinario (MDPT) a biaha pa medio y lehano oriente pa asina por sondea interes pa cu nos refineria y ta importante pa Parlamento por dispone di tur informacion pendiente,

cu tin biaha no por ta publico. E di dos desaroyo importante pa Corsou ta e exploracion di gas y petroli den awanan teritorial di Corsou.

Mapanan a muestra den fase preliminar presencia di gas y petroli bou di tera. Pa asina explora e recurso natural aki y pa despues extrae esaki. Gobierno di Corsou recientemente a presenta un proyecto di ley di petroli, pa asina tin un base legal pa efectua e exploracion. Presencia di gas y petroli den awanan teritorial di Corsou lo representa un pila economico nobo pa Corsou cu lo trece desaroyo economico y cupo di trabou pa Corsou. Ta importante pa aki tambe

Parlamento vigila e desaroyonan riba e terenonan aki y obtene informacionnan relevante.

Considerando e dos desaroyonan ariba menciona, tambe e desaroyonan mundial den energia alternativa, ta deseabel pa e tema aki ricibi tension special di parti di Parlamento pa asina Parlamento por:

1. Obtene informacionnan tocante esey;
2. Haci su trabou di control y duna miho guia.

Pa medio di e carta aki fraccion di Pueblo Soberano ta pidi Parlamento via di presidente, pa establece un comision di energia pa e temporada parlamentario actual 2012-

2016, segun articulo 46 di nos reglamento di orden pa asina sigui e desaroyonan den e sector aki pa beneficio di Corsou. E tarea specifico di e comision mester ta pa: Obtene informacion di e instancia indica pa Gobierno tocante e desaroyonan rond di e renobacion di e Refineria; Obtene informacion di e instancia indica pa Gobierno tocante explotacion y exploracion di gas y petroli; Obtene informacion tocante desaroyo di energia alternativa; Vigila e procesonan ariba menciona pa e pueblo di Corsou saca beneficio di nan; Vigila desaroyo di tur loke ta trata e sector di energia en general. □



## Malaysia ta duna ordo pa un mision di buskeda y rescate di migrantenan

YANGON, Myanmar (AP) – Cuatro barco di marina di Malaysia a cuminsa busca den lama pa boto cu hende, diahuebs, den e prome operacion di buskeda, desde cu e migrantenan a cuminsa yega costanan di Zuidoost Asia, y Myanmar a bay di acuerdo pa atende e reunion regional cu ta dirigi pa alivia e crisis.

Ta kere cu miles di Moslim Rohingya y di Bangladesh ta pega riba botonan cu masha poco cuminda y awa, despues cu nan a wordo nenga na por lo menos 3 pais, y comunidad internacional a adverti cu tempo pa salba nan ta cabando.

E anuncio di diahuebs di prome minister Najib Razak tabata e ultimo den un serie di logronan, incluyendo un oferta di su pais y Indonesia pa provee asilo temporario na e homber, muhe y muchanan desespera, te ora cu tin un solucion mas permanente.

El a bisa cu el a duna ordo na marina y warda costa pa conduci esfuersonan di buskeda y rescate pa otro botonan.

“Nos tin cu preveni perdida di bida”, el a tweet.

Hefe di marina Abdul Aziz Jaafar a bisa cu 4 barco a wordo manda, y 3 helicopter y 3 otro barco ta wardando.

Myanmar, cu prome a duna indicacion cu nan lo no asisti na e reunion na Thailand otro siman, pa trece representantenan di mas cu un dozijn nacion, y diahuebs nan a cambia bisa, cu nan lo asisti.



Mas o menos mita di e migrantenan riba e botonan ta Moslim Rohingya cu ta huy di persecucion y violencia na Myanmar cu ta predominantemente Budista.

“Nos ta cla pa coopera cu otro gobiernonan pa resolve e problema, por medio di metodonan constructivo riba area humanitario”, Zaw Htay, director di oficina di president a bisa.

E decision a wordo tuma, despues cu e carta di invitacion a yega, el a bisa, añadiendo cu esaki no ta implica cu Myanmar ta e unico re-

sponsabel pa e crisis of uzo di e palabra Rohingya, cual ta un termino cu su gobierno no ta reconoce.

Oficialnan di Myanmar ta referi na e miembronan di e minoria religioso como “Bengalis”, insinuando cu nan ta migrante ilegal di Bangladesh, a pesar cu nan a biba na e pais pa generacionnan.

Nacionnan Uni a bisa cu e hendenan Rohingya ta e grupo di mas persigui na mundo. Ni Myanmar ni Bangladesh ta reconoce nan como ciudadano.

Den e ultimo añanan, Ro-

hingya a confronta discriminacion cu ta sanciona pa estado na Myanmar. Nan a tabatin violencia di extremistanan Budista dirigi riba nan y a wordo cera den campamentonan. Por lo menos 120 mil a huy via lama, y un cantidad desconoci a perde nan bida na caminda.

Desde cu a crisis a cuminsa 3 siman pasa, mas o menos 3 mil migrante a yega tera. E agencia di refugiado di NU a calcula cu lo tin 3 mil mas riba lama.

Despues di a nenga varios boto, Indonesia y Malaysia a anuncia diaranson, cu nan lo ofrece asilo temporario na e migrantenan, si comunidad internacional yuda nan haya

un pais pa biba dentro di un aña.

Nan a bisa cu esaki ta un problema global, no un regional.

Merca a responde lihe, bisando e ta prepara pa tin un rol di lider den cualkier esfuerso di varios pais, organisa pa NU su agencia di refugiado, pa yuda e refugiadonan vulnerabel.

E pais Africano chikito, Gambia, tambe a bisa cu e ta dispuesto pa tuma refugiadonan Rohingya. “Como ser humano, mas ainda colega-nan Moslim, ta nos deber sagrado pa yuda”, asina ministerio di president a bisa den un declaracion. □





## Despues di razzia militar

# Rebeldenan Colombiano ta cancela acuerdo unilateral pa stop bringamento

**BOGOTA, Colombia (AP)** – E grupo di rebelde di mas grandi di Colombia a pidi cancelacion di e acuerdo pa stop cu atakenan, como reaccion na e razzia cu militarnan a tene riba un campamento di guerrilla, caminda 26 di nan bringadonan a perde nan bida, esaki ta pone mas tension riba e negociacionnan pa yega na un fin di e pais su conflicto cu a dura mita siglo.

FARC a bisa den un declaracion diabierna cu nan no tabata kier a kita e acuerdo aki, cu ta dirigi pa facilita discusionnan pa paz, pero e persecucion militar continuo di nan miembronan, a hacie necesario.

E atake di diahuebs riba e campamento na e provincia Cauca, cual president Juan Manuel Santos a yama



un sla pisa contra FARC, ta parce di ta represaya pa e razzia di e rebeldenan, cu a tuma luga luna pasa, na Cauca tambe. Aki 10 soldaat a perde

nan bida den e atake, cual a conduci na Santos ta kita su mesun gesto di bon fe, un prohibicion di atake aereo riba campamento di guerrilla.

Diabierna Santos a bisa cu ehército a confisca un deposito yen di arma, incluyendo 37 arma grandi y un M60. Aparentemente e rebeldenan ta pertenece na FARC su unidad 29, e mesun unidad cu a tene un razzia riba un post di polis na Isla Gorgona, november pasa. Isla Gorgona ta un destinacion cu hopi turista Europeo ta frecuenta.

Mientras e no tabata musta niun lamento, Santos a haci un peticion na FARC, pa accelera e discusionnan di paz, cu ta tumando luga e ultimo 2 añanan na Cuba, den un esfuerso pa preveni mas perdida di bida.

FARC a bis cu pa provee mas oxigeno den e discusionnan, un acuerdo pa stop e bringamento bilateral ta imperativo, mas pronto cu ta posibel. Esey ta un opcion cu Santos a rechasa te awo. □

## Den caso di morto di Freddie Gray

# Gran Hurado ta acusa 6 agente policial oficialmente



**BALTIMORE (AP)** –Un gran hurado su decision pa acusa 6 agente policial oficialmente, den e caso di e morto di un homber Mericano color scur, a causa di e lesionnan cu el a ricibi mientras cu e tabata deteni pa polis, cu a causa protestanan na ful e pais, ta permiti e fiscal di estado pa sigui cu e acusacionnan di mas serio, a pesar di critica cu e tabata parti di oficina di fiscal cu tabata mucho ansha.

E acusacionnan oficial a wordo anuncia diahuebs, ta similar na e acusacionnan cu fiscal di estado Marilyn Mosby a anuncia 3 siman pasa.

Abogadonan pa e agentenan a bisa den documento di corte, cu nan ta victima di un oficina di fiscal cu tabata mucho ansha pa entrega acusacion, influencia pa interes personal politico. Nan a bisa cu por lo menos, Mosby mester wordo reemplasa

cu un fiscal independiente, pasobra e tabatin interes personal a calma e situacion na e ciudad, despues di e morto di Freddie Gray, pasobra su casa ta consehero na e ciudad, cu ta representa mayoria di a areanan afecta.

Gray a ricibi un lesion na su weso di lomba dia 12 di april ultimo, despues cu polis a boei e, na man y pia, y a pon'e cabes prome den e van, Mosby a bisa. El a roga

pa asistencia medico, pero a wordo ignora over y over. Su morto un siman despues, a causa protesta y na 2 ocasion el a bira violento.

### Agentenan policial

Dos agente, Edward Nero y Garrett Miller, a wordo acusa di asalto den segundo grado, pone su bida na peliger, mal conducta durante trabou y

tambe di aresto ilegal, Mosby a bisa.

Caesar Goodson, kende tabata chauffeur di e van, tin acusacionnan di homicidio y asesinato den segundo grado, como tambe mal conducta durante trabou. Sargento Alicia White, Brian Rice y William Porter, nan tur ta acusa di homicidio, asalto den segundo grado, y mal conducta na trabou.

Gray su morto a bisa un simbolo di loke e manifestantenan ta bisa ta un patronchi di brutalidad di polis contra hendenan color scur na Baltimore. Despues di Gray su morto, departamento di husticia a anuncia un investigacion di derecho civil di departamento di polis di Baltimore, pa busca pa practicanan discriminatorio y investiga acusacionnan cu hopi biaha agentenan ta uza demasiado bruto ora cu detencion y ta realisa deten-

cionnan ilegal.

### Detencion

Segun documentonan di corte, Gray a haci contacto di wowo cu un agente policial y a core bay. El a wordo gara algun caya mas ley, y a wordo aresta pa posesion di un cuchiu, cual Miller a skirbi cu tabata ilegal. Mosby a bisa cu e aresto no tabata legal, pasobra e cuchiu tabata legal bou di ley di estado.

Niun di e agentenan a sigura Gray cu un faha di seguridad den e van, cual ta un violacion di polisa di polis. Poco despues cu el a wordo poni den e van, Goodson a para un otro caminda, y ey a pone Gray su pianan den un bara di hero, pasobra e tabata actua rabia, polis a bisa.

Nan a para 2 otro caminda prome cu e van a yega na Western District su warda di polis. Pa e ora ey, Gray no tabata reacciona. □







## Despedida di Arsenio Gumbs di Digicel

Lesa B8

## Time trail di Velocity mountain bike

Lesa B4



Diasabra 23 di Mei 2015 [www.bondia.com](http://www.bondia.com) Email: [noticia@bondia.com](mailto:noticia@bondia.com) Tel: 582-7800 Fax: 582-704

# Atletanan special cla pa Aruba Bank Walk & Run 2015



E aña aki, mescos cu añanan anterior, lo tin participacion di 25 atleta di Special Olympics na e Aruba Bank Walk & Run. Como cu e atletanan aki ta participante fiel na e evento aki, organisacion kier a duna nan danki cu algun regalo cu nan a ricibi.

Lesa B2

## Reunion organisa pa SNBA

Lesa B12



## Muhe di 65 aña ta haya su prome yiu

Lesa B16







*Atletanan di Special Olympics:*

## Ta cla pe Aruba Bank Walk & Run 2015

**ORANJESTAD,** Aruba – 21 di Mei 2015: En conexion cu e Aruba Bank Walk & Run, a haci un entrega di un total di 25 participacion completo na atletanan di Special Olympics. E atletanan a keda sumamente contento cu nan bunita Dri-Fit T-shirt, arm-band y BIB pa asina nan por cana y core tur 4 dia di e Walk & Run. E atletanan di Special Olympics ta fiel participante di e

Aruba Bank Walk & Run, y cu e gesto aki kier yama e organisacion y tambe e atletanan danki. E participacion na e Aruba Bank Walk & Run alabes ta yuda e atletanan prepara pa nan competencianan den exterior.

Pa mas informacion tocante e Aruba Bank Walk & Run cual lo ta tumando luga diana 26, 27, 28 y 29 di mei, Like Aruba Bank ariba Facebook. □



## Deporte y movecion ta bon pa bo curason



**Centro Di Bario Savaneta** kier bisa tur hoben y grandinan, pa un mente y curpa sano, deporte y movecion ta algo sagrado.

**Ta p'esey ta invita tur esunnan**

cu no tin luga pa haci deporte y movecion cu Centro Di Bario Savaneta, ta disponibel pa tur actividad deportivo. Pa fiesta priva chikito y grandi pa move Bo yangando. Chikito y Grandi por bin siña hunga Tennis di 4'or di atardi cu un

instructor Certifica, Sr Fredy Geerman Tel 584-7003 of 560-7920 pa inscribi.

Pa Zaal Voetbal y Volley Bal cancha ta habri for di 7'pm. Prijs 25.00 florin pa ora pa Veld y Luz. Parti di mainta Prijs ta 15.00 florin pa veld pa

chikito y grandi.

Nos tin mesanan nobis, nobis pa Pingpong, Domino, y Mesa di Biyar.

Pa tur Reunionnan Deportivo tayer y lectura y encuentro di Iglesianan.

Nos tin un screen grandi pa

Bo por uza pa cualkier meta, cu Bo projector.

Pa Bingo e Club ta acomoda 1000 Persona. E prijs ta pa un pover por page.

E club tin su stoelnan y mesa. Pa informacion yama Tel 584-7280 of 593-4566. □



## Federacion Liga Mayor di Softbal Arubano

Diadomingo 24 di mei 2015 bou di auspicio di Federacion Liga Mayor di Softball Arubano riba e tereno di Aruba Juniors na Socotoro lo continua cu e di diesun campeonato di softball Liga Mayor auspacia pa cerbes Budweiser

di Playa Liquor.

E campeonato ta wordo dedica na Srs. Ben Coffie, Humphrey José y Ricardo Odor.

E programacion pa e diadomingo aki, esta 24 di mei 2015 ta lo siguiente:

24 di mei 2015:

09:30 – 11:00: Jani's Bulldozer v/s Budlight Braves Aruba Juniors

11:15 – 12:45: Bambino Florshheim v/s Kenro Jewelers

13:00 – 14:30: Kibaima Tot Serv v/s Boomerang Aua

Gard

14:45 – 16:15: Aruba Jrs GenSt/LG v/s Astros Powerade

16:30 – 18:00: San Nicolas Sluggers v/s Racketeers MNO Vervat (Surprise HSHRE/San Nico-

las Movers/Deco's Classics – liber)

★Flmsa

Un cordial invitacion ta bay pa bin mira cauteloso partidonan di softball y asina duna e apoyo na e club miembranan. □



# Awe tin wega di dama contra dama den futbol

**NOORD - Awe Ibisa y ABV lo tin nan evento special pa damanan, unda cu e damanan por hunga e deporte rey cu ta futbol. Directora di Ibisa sra. Monique van Embden indica cu awe 23 di mei lo tuma luga weganan di futbol femenino. E cantidad di dama cu lo ta hungando contra otro lo ta cinco contra cinco. E evento aki ta wordo organisa conhuntamente cu AVB, den cuadro di un actividad internacional di Concacaf.**

Concacaf a pidi tur 41 pais

aki lo tuma luga den Compleho Deportivo Franklyn Bareño na Noord.

Participantenan por cuminsa yega na stadion desde 8'or di mainta, pero e weganan mes lo cuminsa pa 11'or. Sra. van Embden ta calcula cu e weganan incluyendo premiacion lo termina pa mas o menos 7'or di anochi.

E ta sigui bisa cu e interes t'ey caba. Diferente hende a meld via e-mail, cu ta riba e poster, unda cu e participantenan por a registra di antemano. Ta papiando di mucha muhe for di scol basico, 6 aña te na scol avansa edad di 21 aña.



pa. Si ta practica futbol cama organisa cerca un Club, of kier purba y forma un team di cinco tambe por participa. No tin rekisito hopi estricto. Djis tin por lo menos 5 hende den e team, van Embden a comenta.

## Meta di e actividad

Pa Mildred Wever kende ta e coordinador di e evento e fin di siman aki a splica di unda e idea a sali y kico ta e meta di dje pa ABV y Ibisa.

Aña pasa el a atende un curso na Philadelphia di CONCACAF unda a bin e idea pa promove y stimula mas hende muhe den deporte, specialmente futbol cu na Aruba tambe ta creciendo. Asina a bin na e idea y tabata wardando e temporada cu nan ta bay bin cun'e. For di luna pasa Ibisa tabata ocupa cu tur e actividadnan pa inicia tur cos pa e actividad di futbol.



miembro pa organisa actividad pa stimula actividad futbol femenino. Como cu Ibisa ta haci deporte escolar y cu ta hiba palabracion di basta tempo caba cu AVB pa wak cu e conexion entre deporte escolar y deporte organisa ta mehora, caminda ta stimula y entusiasmo muchanan pa practica deporte, den e caso aki futbol, cu nan ta haya conexion cu clubnan concer- ni. Como tal a base di iniciativa di Concacaf, y di banda di Ibisa, esta sra. Mildred Wever, a bin cu e proyecto di cinco contra cinco. E evento

Esunnan cu kier participa awe, mester tin minimo un team di 5. Ideal ta pa tin mas pa tin reserva, cu un cay afo, ta cansa, por cambia e companeronan di team. Por yega awe mainta cu e team y registra na e momento eyan. Si ta uniforme perfecto, y si no tin un uniform esaki no ta problema, pasobra lo bay tin heshjes, tur por participa con cu ta. AVB lo percura cu tin balanan nobo nobo. Asina cu tin un team di minimo 5 of mas, bin registra.

## Futbol ta bibo



Futbol femenino ta bibo na Aruba y ta purba di wordo stimula den deporte escolar. A pasa e tempo caba cu futbol ta un deporte di hende homber. E mucha muhenan tambe tin hopi interes. No tin cifra exacto, pero ta ripara mas y mas mucha muhe tin e gana y ta practica e deporte

di futbol na un manera organisa. Nan ta bira miembro di un club. No tur club tin team femenino ainda, pero asina cu tin mas peticion cu mucha muhenan ta acerca e clubnan, di mes e clubnan lo habri man pa organisa team, yuda guia e team. Cualquier persona por partici-

Wever a papia tanto pa scol como club. Como di scol ta basta bon, si papia di deporte escolar scol basico, tin hopi participacion den esaki. Ta hungando 8 contra 8 y den scol avansa di tanto San Nicolas como playa, Di e 16 scolnan particular, tin 14 scol ta participa. Tin hopi interes di parti di scol y di parti di club tabata tin 11 club, di cual 2 a cay afo e aña aki. Ta di spera cu pa otro aña pa nan bin bek. Como coordinador di AVB pa bin cu categorianan manera cu tabata tin den pasado. Actualmente tin un categoria so cu ta habri, un mucha cu tin 6-7-8 aña, aunke nan mag di hunga den mucha homber, ta bon pa nan tin nan mesun liga, pa hunga tanto cu mucha homber, pa hunga den mucha muhe. □

## Weganan di awe di Division Honor ta hala pa mañan

**ORANJESTAD - Futbol Division Honor ta sigui continua cu diferente wega. Pero Arubaanse Voetbal Bond (AVB) tin informacion importante pa e hungado y fanaticonan.**

AVB ta informa cu e weganan di play-off di division Honor di awe 23 di mei 2015 ta hala bay pa diadomingo 24 di mei 2015, pero tambe tene cuenta cu e weganan lo ta na diferente orario y den diferente stadion.

Schedule di diadomingo 24 di mei 2015:

S.V. Britannia contra di S.V. RCA den CDGT pa 6:30 di atardi.

S.V. Bubali contra S.V. Estrella den CDFD pa 6:30 di atardi. □

## Aloha Bridge Club Aruba su resultadonan



**ORANJESTAD - Un total di diesdos (12) pareha a presenta na e sesion na Frank Conway Room na Casa del Mar Beach Re-**

**sort.**

Diahuebs dia 21 di mei un total di dies (10) pareha a presenta na e sesion. Mien-

trastanto Willie Burns y Tom Crutchfield a join e grupo como hungadonan bishitante. E resultado tabata 50% y mas halto ta como lo siguiente:

- 1) Stascha Hornix / Wim Pennings  
63.02 %
- 2) Elsa Lampe / Martha v.d Wal-Manley  
57.81 %
- 3) Maritza v. Romondt / Willy Flanegin  
56.77 %
- 4) Carmen Kruythoff / Carola Pinxter  
51.04 %



# Velocity mountain bike time trial



Muchanan entre 6 y 14 lo start pa 7:00'am mientras e categorianan di adulto lo start pa 8:00'am. Tur ta start na California Faro y lo bay direccion di Bushiribana, cua varios punto di regreso unda

**Inscripcion**  
Inscripcion pa e careda ya ta posibel na tur e Bike Shops local, pues, FX Sports Co., Runners, Radio Shack y Tri-Bike tanto na Boule-

**Diadomingo 31 di mei 2015 pa 7:00'am, Velocity Cycling Team (VCT) lo ta organisando su di 2 evento ciclismo pa 2015 cual lo ta tanto pa mucha como pa adulto. E biaha aki lo organisa un evento pa e disciplina di Mountain Bike y lo ta un formato di Time Trial, pues competencia contra e holoshi. Esaki lo tuma luga na California Lighthouse.**

Despues di VCT su exitoso evento di Road Bike na maart, VCT a sigui di biaha pa su siguiente evento cual ta forma parti di e calendario di competencia nacional di Aruba Wieler Bond. Esaki lo ta e prome evento di Time Trial pa Mountain Bike den varios aña y pues e expectativanan di participacion ta halto.

Un careda di Time Trial ta unda e ciclista no ta competi directamente contra e otro ciclistanan, pero mas bien contra e holoshi. E mester purba na cubri un cierto distancia den menos tempo posibel. Cada ciclista lo sali cu 1 minuut di diferencia y na final ta wak cua ciclista tin e miho tempo y esey lo resulta e ganado. Time Trial ta un formato di careda conoci mas bien pa e disciplina di Ruta, pero pa trece variacion den e caredanan di Mountain Bike, VCT a opta pa organisa un Time Trial pa Mountain Bike e aña aki.

## Ruta

E careda ta habri pa tur categoria di 6 aña bay ariba.



e ciclista mester bira bin bek pa cubri e distancia total di su categoria.

## Distancia nan

Den e categoria di mucha lo core e siguiente distancia nan: Kids 1+2: 3 km, Kids 3: 6 km y Kids 4 8.4 km. Den categoria adulto: Beginners: 14 km, Masters, Sportief y Experto Women: 20 KM, Experto Men: 24 km.

vard como na Sta Cruz, te cu diaranson 27 di mei 2015. Miembronan di AWB ta wordo pidi pa inscribi cu nan licencia pa haya e prijs special di miembro cual ta 15 florin pa adulto y 10 florin pa mucha. Esunnan cu no tin licencia ta paga 20 florin pa adulto y 12,50 florin pa kids. Lo tin un ultimo chens pa registra tambe riba e anochi di inscripcion cual ta



diabierna 29 di mei di 7:30 – 9:00'pm na Don Pincho's Sta Cruz.

## Mas informacion

Si ta desea mas informacion, por tuma contacto cu nos via e-mail [cyclingteamvelocity@gmail.com](mailto:cyclingteamvelocity@gmail.com). Tambe via nos evento page riba facebook Velocity CyclingTeam, tin e programa completo pa e

careda. Tur coredo mester lesa e reglanan den su totalidad pa asina preveni descualificacion innecesario.

## Invitacion

Nos ta termina cu un invitacion cordial na tur fanatico di ciclismo pa asisti na e evento aki, sea como coredo of pa apoya nos ciclistanan. Nos ta conta cu boso presencia. □



## Aruba lo ta anfitrión un biaha mas di un festival di cine



**ORANJESTAD:** Despues di lunanan di negociacion, Aruba Tourism Authority a logra cera un acuerdo cu un organisacion nobo cu lo organisa e “Aruba International Film Festival”. E festival di cine lo tuma lugha den e salanan di Caribbean Cinemas na Palm Beach Plaza for di 7 pa 11 di october. E organisacion nobo ta consisti di personahenan local conoci den e mundo di cine y turismo kende ta Aaron Hosé, Rebecca Roos y tambe Frits Israel.

Manera ta conoci, A.T.A. for di aña 2010 te cu 2012 tabata e patrocinado principal di e festival di cine cu a trece diferente celebradnan Aruba pa forma parti di e evento aki. Fundador di organisadonan Jonathan Vieira y Giuseppe Cioccarelli, A.I.F.F. a bin cu ideanan innovativo y a posiciona Aruba como un “trend setter” na momento di organisa eventonan pa promove e isla como destinacion turistico.

E cobertura obteni internacionalmente durante e festival aki na dado momento a surpasa 8 milyon dollar di e asina yama “PR Value” cual sigur ta un montante significativo y tabata mas halto cu e meta cu a wordo poni inicialmente durante tur e añanan di e festival.

Aaron Hosé, kende ta e Director di Programacion pa A.I.F.F., ta un productor, director, y editor Arubiano cu mas di 15 aña di experiencia den e mundo di film, television y produccion di video. Pa su documentarionan y serie di television na Merca el a wordo otorga cu tres premio y seis nominacion di Emmy Regional entre 2008 y 2014.

Rebecca Roos, kende ta e Directora di Industry Events pa

A.I.F.F., ta un productor, y director Arubiano premia cu mas di dos decada di experiencia den e mundo di cine. Durante su carera, Roos a percura pa varios documentario, videonan corporativo y propagandan internacional. Tambe e tin experiencia amplio den “cinema management”, distribuido di pelicula y organisacion di festival di cine.

Frits Israel, kende ta e Chief Financial Officer pa A.I.F.F., ta un persona cu hopi aña di experiencia den e mundo di turismo y sector comercial cual sigur ta un pilar fuerte pa cu un maneho eficaz pa por tin e resultadonan desea pa e edicion aki di Aruba International Film Festival.

E festival a contribui na posiciona Aruba den e mundo di cine y a logra pa Aruba sali den publicacionnan importante manera The Hollywood



Reporter, The Huffington Post, Empire Magazine, BBC Europe, y hasta a wordo nombra pa e Hollywood Foreign Press Association (HFPA, organisadonan di e prestigioso “Golden Globe Awards”) como e “must attend film event” den e region Caribense. Durante e ultimo añanan Aruba ta haciendo un bon trabou den relaciona su mes cu celebradnan pa medio di diferente esfuersonan manera entre otro e participacion na e Aruba Super Bar na e Superbowl na Merca na

2014 y januari ultimo cu Aruba su participacion na e tan aclama



Sundance Film Festival.

E festival di cine ta un adiccion na e esfuersonan aki cu ta enfoca riba entre otro celebradnan cu ta wordo considera como esunnan cu a influencia cu tin hopi siguido. Pero e evento ta muestra un Aruba tambe rico na atributonnan y talentonan artistico! E tremendo cobertura y aceptacion cu e festival aki tawatin den tur mercado -pero specialmente esun di Latino America- tawata impresionante, poniendo Aruba den un luz diferente.

Na final di aña 2012, A.T.A. despues di 3 aña a evalua e contract cu Aruba Interna-

peliculanen di Latino America, Merca, Caribe y Aruba. E aspecto aki a haya un reaccion hopi positivo di esunnan local y di prensa internacional. Pa cu e edicion di 2015, a keda acorda cu e organisacion nobo bao e maneho di Hosé, Roos y Israel lo enfoca solamente riba e mesun elementonan exitoso di aña 2013, pa asina duna A.I.F.F. e oportunidad pa luci den 2015 y sigui crece.

Otro parti interesante di e edicion di AIFF 2015 ta e introduccion di un “film market” nobo. E International Film Market Aruba (I.F.M.A.) lo ta un di e prome mercadonan di cine den e region Caribense, caminda lo tin varios distribuidor di pelicula internacional cu lo ta na Aruba.

Aki productornan di pelicula local y esunnan cu lo ta di bishita na Aruba lo por presenta nan pelicula pa asina mira si un di e distribuidornan internacional ta desea di representa y vende nan pelicula den mercadonan internacional. E aspecto nobo aki di A.I.F.F. tin e potencial pa trece un cantidad amplio di turista nobo pa Aruba tur aña.

E festival di cine aki ta representa un manera tambe pa yega na nos comunidad local y nos hobennan y duna nan e oportunidad pa medio di e tayer y sesionnan pa educa y inspira nan mes mas riba e creatividad y mundo di cinematografia cu sigur ta un profesion hopi bunita cu mester mas empuhe riba nos isla.

Combinacion di e elementonan aki cu ta bini hunto den un festival di cine, ta haci Aruba mas rico ainda for di angulonnan cu ta capta atencion di prensa internacional y ta yuda posiciona Aruba debidamente. □



*Rotaract Club of Aruba:*

## Seminario “You Inc. Excel Professionally and Beyond”

**Rotaract Club of Aruba ta organisando un seminario pa hobennan profesional y studiantenan cu ta haciendo un estudio avansa. “You Inc. Excel Professionally and Beyond” ta un seminario cu lo contribui ariba comunicacion y personal branding, unda cu bo lo tin informacion valioso pa fortalece bo carera profesional y bida personal.**

Durante You Inc. Excel Professionally and Beyond lo tin presente for di Aruba Sra. Joyce

Bartels-Daal cu lo presenta e topico papia den publico, Sr. Patrick Melchior lo elabora riba Personal Branding. Tambe lo tin un invitado special di Curaçao Sra. Vanessa Gomes, ken ta un coach comercial bon reconoci den nos region, y e lo presenta e tema Social Super poder.

You Inc. Excel Professionally and Beyond lo tuma luga dia 13 di juni 2015 na Alhambra Ballroom for di 8.30 di mainta te cu 2.30 di atardi. E ticketnan ta obtenibel cerca miembronan di Rotaract Club of Aruba, tambe na Universidad di Aruba y Na-



ture's Discount. E seminario di Rotaract tin un costo di 50 florin pa hoben nan profesional y 35 florin pa studiantenan di studio avansa.

Rotaract Club of Aruba ta gradici Divi Resorts Aruba, Caribbean Mercantile Bank, JDB Agency, Click Print pa nan contribucion y apoyo incondicional pa e seminario You Inc. Excel Professionally and Beyond. Bishita nos Facebook page [www.facebook.com/RotaractClubAruba](http://www.facebook.com/RotaractClubAruba) of contact nos na 594-7575 pa mas informacion y detaye tocante cada presentando y nan topico. □

## Na juni tur cos mester ta cla pa apertura di Joe Laveist Sport Park



**ORANJESTAD - Diahuebs mainta Minister Mike de Meza tabata presente na Joe Laveist Sport Park pa supervisa e trabou nan andando pa**



**modernisa e parke di bala. Un borch di score super moderno a yega Aruba, cu ta traha sin kabel y cu tin tur opcion necesario pa score weganan di baseball y futbol. E ta e tipo di borch pa score cu ta wordo uza den liga menor y grandi.”**

Actualmente nan ta trahando e base na unda cu e borch di score ta wordo monta.

Esaki ta bay ta cla dentro di un siman pa despues nan instala e borch mes y test tur e opcionnan pa wak si tur cos ta traha adecuadamente. Alabes nan ta acomodando e



tera cora pa e tereno y incorporando un plan di mantencion. Pa final di juni tur cos mester ta cla pa por haci e apertura y pa Joe Laveist Sport Park wordo uza pa diferente actividad oficialmente.

E lo bira un joya di localidad cu pa hopi aña tabata e centro pa hopi hende haci deporte pero a bay atras pa falta di mantencion. Despues di un inversion grandi den e luga por ta sigur cu e ta bira un di

e Sport Parknan mas bunita di Aruba. Ya caba tin hopi interes con lo bay reparti e tempo pa asina tur esunnan cu kier haci deporte principalmente nos hobennan tin e espacio necesario.

A warda basta pero e resultado ta bisto y cualquier hende cu tabata conoce Lago Sport Park y despues Joe Laveist lo keda sorprendi di e cambio asina grandi cu tin y con bunita el a keda. □





## Auto di rijles envolvi den accidente



**TANKI LEENDERT -** Diaranson anochi tabata tin un accidente den cual un auto cu ta wordo uza pa duna rijles tabata envolvi. E accidente a sosode riba e caminda di Tanki Leendert pa Solito.

E chauffeur di 'Klein maar dapper rijsschool' a dal un otro auto, pero esaki a sigui su caminda manera nada no a pasa. Algun automobilista riba e caminda menciona mester a baha caminda debi cu e chauffeur tabata coriendo basta malo.

Subiendo caminda di De La Sallestraat, e auto cu a wordo gedat a sigui e auto aki. Mientras tanto polis a wordo notifica. Na altura di e rotonde di Piet, Polis di K9 ta bin logra para e chauffeur. A constata cu tin un sla basta grandi dilanti na banda drechi. Na e momento ey Polis a wordo informa cu e chauffeur no tabata por a core e auto, debi na un problema cu bista. Esaki a haci cu un familiar a busca e persona y a hiba e chauffeur cas. □

## Homber ta reconoce su brommer horta

**SABANA BERDE**—Central a manda Polisnan na haltura di aeropuerto, na unda un homber a haya su brommer horta. Na e sitio, el ta bisa cu e brommer preto cu ta para nan dilanti ta di dje y el a duna keho di ladroncia. Tambe el a declara cu el a reconoce e brommer na e muffler y e baki di speed cu ta los. Polis a pidi presencia di Recherche y departamento di Joyriding. Un polis a bin na e sitio y a duna inicio na e investigacion.

## Polis ta confisca dos papel di dollar falso

**PALM BEACH**—Central a manda Polisnan na Marriot Casino, pa placa falso. Na e sitio, e resulta cu e homber R.H. a bay cambia 200 dollar cu a resulta di ta falso. El a bisa cu el a gana e dollarnan den Alhambra Casino. Polis a confisca e placa.

## Ladron a bay cu basta placa

**NOORD**—Central a manda Polis na Interpan N.V., mirando cu e personal di Safe Com, a yama pa haya ayudo, debi cu e alarma a activa. E persona cu ta encarga cu yabi tambe tabata presente. Na yegada, segun e patruya di Safe Com, a bisa polisnan cu el a haya e porta patras habri. Eynan Polisnan a papia cu e muhe N.C.Z.T.B. casa cu v.d. B, kende ta bisa cu e ta e persona encarga cu yabi di e negoshi. El a bisa cu dia 20 di mei, mas o menos 18:45, el a laga e luga na yabi y intacto. Mas o menos 00.53, el a wordo yama y bisa cu e alarma di e luga tabata zona y cu e trahado di siguridat a haya e porta habri. Polis a mira cu desconocinan a drenta den e oficina y a bay cu mas o menos 4000 florin y 2000 dollar. Polis a tuma e keho y a manda e personanan na Departamento di Recherche na Noord pa sigui cu e investigacion.

## Ladroncia di den un cas

**NOORD**—Central a manda Polis na Caya Safir, pa un ladroncia. E denunciante ta bisa cu dia 20 di mei, el a sali di cas y a laga tur cos bon cera na yabi. Mas o menos 03.45, el a bin cas y a mira cu ladron a kibra drenta den e cas. Nan a forsa e caha fuerte y a bay cu joyas na balor di 7000 dollar. Nan a habri un boter di cerbes y a laga esaki habri. Recherche a wordo pone na haltura. E denunciante lo traha un lista di locual cu a wordo horta.

## Bar habri despues di ora stipula pa ley

**NOORD**—Durante patruya, polisnan a bolbe topa cu Lekker Bar habri pa di tantisimo biaha. Polis ta na haltura cu e bar mester ta cera 03.00, segun su permit. Polis a controla y a mira un grupo grandi di persona ta bebe bibida alcoholico. E doño C.W. a bolbe haya boet y a cera e luga.

## Tereno no tabata wordo muha cu awa di beerput

**BUBALI**—Central a manda Polisnan na Bubali pa problema cu awa di beerput. Na e sitio, Polis a papia cu e homber H.S. kende ta bisa cu un truck blanco supuestamente ta basha awa di beerput riba e tereno pariba di su tereno y e holo ta molestia su persona. Polisnan a haya un holo desagradabel y a mira un truck blanco para riba e tereno. Polis a bay mesora na e luga y a papia cu e doño di e truck, E.L. E ta bisa cu riba peticion di e doño di e tereno M.W., el a bay busca awa na Santa Rosa pa basha riba e tereno cu lo mester wordo planta. E ta bisa cu no ta awa di beerput. E doño di e tereno, M.T. a wordo bisa di e problema cu e holo y a wordo conseha pa muha e tereno den oranan di anochi, pa no causa molester. M.T. a bisa Polisnan cu el a papia cu Polisnan di Barrio cu a duna permit pa haci e trabou.

## Ladroncia den auto na Sero Blanco

**SEROE BLANCO**—Central a manda polis na Sero Blanco pa un kiebro. Na e sitio, Polis a papia cu e homber V, kende a bisa cu mas o menos 23.00, el a para su auto riba parkeerplaats, y mas o menos 08.30, el a mira cu ladronnan a kibra e glas chikito. El a controla y a mira cu ladronnan a bay cu varios articulonan. V. lo traha un lista y lo pasa warda pa duna keho.

## Chauffeur burachi cu a supla 964 ugl a keda deteni

**ORANJESTAD**—Den Avenida Alo Tromp durante patruya, Polis a para e homber C.M. y a duna e homber un boet, como cu e no tabatin faha di siguridat. Durante cu Polis tabata skirbi e boet, nan a mira cu C.M. tabata hole alcohol y tabata papia cu lenga pisa. Mas o menos 12.30, Polisnan a laga su persona pasa test y el a supla 964 ugl. Polis a detene e chauffeur pa core bou di influencia di alcohol.

## Ladron ta bay cu auto dilanti cas

**SHABA**—E homber G.G.J. a bay warda di Polis na Shaba pa duna keho di ladroncia di su auto cu el a huur, un Nissan Tiida color shinishi V-2753, año 2006. E ta bisa cu e auto a wordo horta na Palm Beach. E auto tabata bon cera y para banda di caminda dilanti di e cas. Den e bahul tabatin dos stoel di lama cu rand di metal, un camara preto marca Canon y un laptop color di plata di e marca Assus, 17.4 inc. E auto tin un sticker di Jay Car rental riba e glas patras. E airbag nan ta kibra y e bumper dilanti ta wanta cu schroef preto. Polis a tuma e keho.



## Colegio EPI a gradua e segundo grupo di Leermeeester na Aruba



**ORANJESTAD - Recientemente e segundo grupo di Leermeeester a wordo certifica pa BPV (Oficina di stage) di Colegio EPI.**

For di man di e trainernan di e curso Sra. Eddelyn Figaroa-Dijkhoff y Sra. Ninon Swaen, 10 profesional di Wit Gele Kruis Aruba a ricibi nan certificado. E graduadonan ta: Christine Odor, Krystle Odor, Shareen Wout, Geraldine Lampe, Janine Godoy-Hooft, Estephannie Henriquez, Violet Wilson, Rosa Cueto Blanco, Sharlene Hassel en Amana Toussaint-Schmidt.

Ta un profesional na trabou no ta nifica automaticamente cu un persona por comparti e conocimiento aki profesionalmente cu un estudiante. Pa e motibo aki e training di Leermeeester a wordo traha. Desde aña pasa BPV di Colegio EPI ta ofrece e training di Leermeeester. E training aki ta pa tur profesional cu ta guia estudiante durante e parti practico (stage) di nan estudio.

Tin hopi necesidad na Aruba pa tin Leermeeesters profesional durante stage. BPV Bureau di Colegio EPI ta ofrece e posibilidad pa tur compania na Aruba cu ta traha cu estudiante cu ta core stage ricibi e training aki pa asina nan profesionalnan tambe por bira un Leermeeester.

E calidad di e parti practico di un estudio profesional laboral ta esencial pa e estudiante por logra tur su metanan durante su stage. Studentenan ta experencia e situacion di trabou pa prome biaha y esaki tin un efecto hopi grandi riba nan mes como persona pero tambe riba nan futuro carera. E studentenan aki ta e futuro profesionalnan di nos comunidad y ta esencial

pa nan keda motiva y ricibi e oportunidad pa crece. E Leermeeester tin e tarea im-



portante pa yuda e estudiante cu esaki y ta un ehempel pe. Hunto cu Colegio EPI e Leermeeester lo zorg pa e estudiante ricibi e conocimiento basico di e profesion cu e ta studiando pe, como tambe siña e estudiante bira responsabel y haya siguransa pa asina e por sigui crece den e ramo di su estudio y carera profesional.



Topico manera motivacion, coordinacion y guia di e estudiante ta loke ta wordo trata amplio durante di e training, pero otro topico manera colaboracion entre scol y organisacion (compania) tambe ta bin dilanti.

BPV Bureau di Colegio EPI kier a gradici Wit Gele Kruis Aruba pa ta e prome compania cu ta brinda su emplead-



onan e oportunidad pa haci e training y bira un Leermeeester profesional. Hopi pabien na tur graduado y hopi exito cu nan stagiairenan!

Na september 2015 BPV di Colegio EPI lo start cu e siguiente grupo cu lo participa na e training di Leermeeester. Tin algun cupo

ainda pa companianan of profesionalnan cu lo kier participa na e training aki. Esunnan interesa di ricibi mas informacion di e training aki por tuma contacto libremente cu BPV Bureau di Colegio EPI, riba e siguiente e-mail adres: [bpv@epiaruba.com](mailto:bpv@epiaruba.com) of por yama na telefon 525-8745 of 525-8701 y puntra pa Sra. Eddelyn Figaroa-Dijkhoff. □

### *Despues di 13 aña di servicio*

## Digicel di un forma original ta despedi di Arsenio Gumbs

**ORANJESTAD - Un gran cantidad di clientenan corporativo y amigonan a**



**yega hunto pa despedi di Arsenio Gumbs, cu pa e ultimo 13 añanan tabata traha den e departamento di benta di Digicel Aruba.**

“Mi ta corda manera ta ayera e prome bes cu mi a presenta na Digicel pa bende un mashin di fotocopia. E tempo ey, siendo un compania nobo, Digicel tabata e compania mas solicita pa forma un carera y e coleganan despues a bira mi famia, e famia grandi di Digicel.

**Continua riba Pagina 9**





## Aruba Marriott ta gana premio regional pa 2014



**PALM BEACH - Aruba Marriott Resort & Stellaris Casino a gana dos premio prestigioso como "Sales Leader of the Year" y tambe "Marketing & eCommerce Team of the Year" di e region di Caribe y Latino America.**

Carolina Voullieme, Directora di Sales & Marketing, a wordo reconoci como "Sales Leader of the Year" pa e region. Como un di e nominadonan reconoci pa excelen-

cia den liderazgo, gerencia di Marriott International a scoge Sra.Voullieme pa su pasion y dedicacion como lider di e team di Sales & Marketing. Sra.Voullieme a cuminsa su trayecto cu Aruba Marriott na aña 2013 y ta responsabel pa e maneho di benta, mercado como tambe optimalisa generacion di entrada pa e hotel.

Ademas di e reconocimiento aki, abou di guia di Carolina Voullieme, e team di Market-

ing & eCommerce sosteni pa Stacey Banfield y Christine Leo, formando parti di e team di Sales & Marketing, a ricibi un reconocimiento como "Marketing & eCommerce Team of the Year" pa 2014 pa e region di CALA. E team di Sales & Marketing ta sumamente contento di por a ricibi e reconocimiento aki, cual a wordo otorga a base di resultado di un aña exitoso pa e hotel cu un crecimiento cu tin su impacto riba ArubaMarriott.com, como



tambe a logra obtene 20K Facebook fan durante un aña y a surpasa \$10 miyon den balor di PR.

"Mi ta honra pa ricibi e dos premionan prestigioso aki, e ta un reflexion di mi team su compromiso na excelencia y tambe Marriott su esfuerso na e desaroyo di nos talentonan local.

Aruba su generacion hoben ta yen di energia y ta ansioso pa crece den e industria di hospitalidad y hunto cu Marriott su filosofia pa desaroya talento, ta e oportunidad ideal pa cultiva lider nan local"

Sra.Voullieme a comparti. Un tiki mas di Aruba Marriott Resort & Stellaris Casino: Aruba Marriott Resort & Stellaris Casino ta situa na Palm Beach y ta consisti di 411 camber cu balcon priva cu bista pa e pool pa relaha y tambe pa e awa nan blauw di lama. Huespednan cu ta desea exclusividad por has reservacion na e Tradewinds Club, un boutique hotel situa riba e di ocho piso di Aruba Marriott Resort.

Ademas e hotel ta ofrece un 'adults only' pool cu ta brinda privacidad superior y tambe un variedad di restaurantnan cu ta garantiza un experiencia unico. Pa esunnan cu kier disfruta y relaha, por haci uzo di e casino mas espacioso na Aruba y e 'award-winning' spa. Pa mas informacion por tuma contacto cu Aruba Marriott Resort & Stellaris Casino na 586-9000 of bishita [www.arubamarriott.com](http://www.arubamarriott.com) of [www.tradewindsclubaruba.com](http://www.tradewindsclubaruba.com). Tambe por bishita Aruba Marriott su Facebook y Twitter page [www.facebook.com/ArubaMarriott](http://www.facebook.com/ArubaMarriott) y [@ArubaMarriott](https://twitter.com/ArubaMarriott)

## Despedi di Arsenio Gumbs

### Continuacion di Pagina 8

Nos a crece, evoluciona, innova y awe nos ta para na unda nos a inicia, e compania di telecomunicacion di mas grandi den Caribe, cu te dia di awe ta e compania mas solicita pa haci carera" asina Arsenio Gumbs a relata.

Ta cualifica Arsenio Gumbs como un empleado cualifica, stabiel, leal y dedica na su compania y trabao. Esaki ta refleha tambe den e presencia di esunnan cu a bay despedi di dje. Entre nan Teresa Brown, cu a biaha special for di Merca, un amiga di mas di 40 aña tempo cu Arsenio tabata toca den e band Friends.

"Arsenio ta un di e miho drummernan cu Aruba a conoce, e ta mi amigo den tur e añanan aki y mi no por a laga e oportunidad pasa mi voorbij sino biaha pa Aruba, duna e sorpresa di su bida y desea Arsenio lo miho pa e etapa nobo den su bida." Teresa Brown ta splica.

Brian Monpellier, hoben y dinamico, ex checutivo di KPN Nederland lo ta e proximo Head of Business Sales. "Mi ta orguyoso di por



a conoce un persona cu a demostra capacidad pa 13 aña na Digicel y mi ta desea Arsenio tur cos bon pa futuro". Brian Monpellier, nativo di Surinam, procedente di Breda, Hulanda ta trece un era innovativo pa Digicel introduciendo Cloud Backup, sistema di telefon Avaya (PBX), Desktop- as a Service, Video Surveillance as a Service y Digi Drive. Digicel ta maximalisa e potencial di tecnologia, ta resolve problema tecnico y ta ofrece e miho y mas reciente solucion pa e concepto Business- to-Business.

Gerencia y personal ta yama Danki na Arsenio Gumbs. "Como un compania y miembro activo di comuni-



dad, nos ta contento di por a disfruta y siña masha hopi mes di Arsenio Gumbs y nos ta desea pa sigui construi riba relacionnan duradero pa hopi aña mas cu nos trahadonan, demostrando asina cu di berdad nos ta e compania mas solicita pa traha

carera", asina Bob Sprengers, Gerente General di Digicel Aruba a bisa.

Especialmente pa despedi di Arsenio, Digicel Aruba a ofrece un fiesta den cual a inclui un telefon analogo bieu, set di sofa pa e descansa y siga pa esunnan cu ta huma. □



## Pakico OMS ta bisa bebe “mate” por duna cancer?

Ora cu e Organizacion Mundial di Salud (OMS) a determina algun siman atras cu e ‘glifosato,’ e herbicida mas uza na mundo, probablemente ta duna cancer y esey a habri un polemica grandi na nivel mundial.

Esunnan cu ta defende e uzo di e agro kimico aki a relativa e advertencia, señalando cu otro productonan di consumo diario tambe a wordo categorisa di e mesun forma pa OMS. Particularmente, nan a resalta cu e mate cayente ta entre e probabel causantenan di cancer, un dato cu a sorprende hopi hende.

No obstante cu e informacion ta corecto. Aunke poco hende sa, na 1991 e Agencia Internacional pa e Investigacion riba Cancer (IARC, na Ingles) a pone mate cayente den grupo di riesgo 2A. E mate a haya su nomber di quechua “mati” (calbas), cu ta wordo uza manera un copi.

Den e categoria aki, IARC – e agencia di OMS cu ta determina e peliger di cancer di alimentonan y producto – ta inclui tur esunnan cu ta “probablemente causa cancer pa humano.” E mate ta un te cu miyones di persona ta bebe, specialmente na Sur America.

Den e pais ey esaki ta e bebida mas popular y e ta wordo considera asina famoso cu na 2013 el a wordo declara e bebida nacional pa ley. Sinembargo e reynan di mate ta e Uruguayonan, pasobra nan ta bebe dobel mas hopi pa habitante cu e Argentinonan, segun e Instituto Nacional di Yerba Mate (INYM).

Den menos forma, e te tambe ta popular na Paraguay, partinan di Brazil, Bolivia y Chile,

na Libanon y Siria, cu ta pais cu ta e principal importador di yerba mate na mundo.

### Peligroso

Den su rapport di 1991, di cual BBC Mundo tabata tin acceso, IARC no ta aclara pakico mate ta potencialmente dañino. Simplemente tin un number di serie di investigacion cu ta alerta pa un riesgo di cancer pa esunnan cu ta consumi e bebida den su forma mas tradicion, cu ta cayente.

“Tres estudio di control cu a wordo haci na Sur America pa e asociacion entre bebe mate y e cancer di esofago, a duna resultado di nan trabou. Un di e estudionan, realisa na Uruguay, a muestra cu esunnan cu ta bebe hopi mate tabata tin cerca di dies biaha mas posibilidad di desaroya cancer cu personanan cu no ta bebe mate, asina e rapport ta detaya.

“Den reglanan general, e investigacionnan riba e consumo di mate y di cancer di sistema gastrointestinal superior nan a mira un asociacion fuerte,” IARC ta conclui.

Aunke e rapport ta agrega cu “no a wordo mira evidencia di e asociacion aki den un estudio cu a wordo haci riba e cancer di vehiga.” E organizacion a aclara di no por distingui si e descubrimiento ta debi na “e contenido di e bebida of di e temperatura di cual e ta wordo consumi.”

Su conclusion tabata pa pone e “mate cayente” den e categoria 2A y pone esaki den e mesun planta den e grupo 3. Eynan e productonan ta numera, “no clasificabel como causante di cancer riba ser humano.”



### Beneficio

E Instituto Nacional di Yerba Mate (INYM) El Instituto Nacional de la Yerba Mate (INYM) a deteriora e advertencianan di IARC. “Mi no a mira evidencianan cu tin mas cancer di esofago na Argentina y Uruguay cu den otro parti di mundo,” Geronimo Lagier di BBC Mundo a bisa, kende ta un experto den produccion di e organizacion. Lagier a corda cu mate ta wordo bebi cu awa cu no mester wordo herbi, sino alcanza mas o menos 80 grado.

Ademas el a bisa cu e

bebida ta hopi sano, ya cu e ta rico den vitamina y mineral y e ta un “reactivado di e sistema nervioso central.” Tambe e ta atribui su inclusion den e grupo 2A na “un campaña di e poderoso lobbymento di doñonan di plantacion di kofie,” algo cu e medio di BBC Mundo no por confirma.

Na Argentina ta comun cu e nutricionistanan ta recomenda e consumo di mate na esunnan cu kier baha peso. Mescos cu e resto di e region, ta wordo bebi pa henter un famia, desde mucha te anciano, y ta parti di un ritual cultural cu ta transcende e gruponan social.

E te ta wordo prepara tradicionalmente den un copi di calbas seoc (“mati” na quechua) unda ta pone e yerba, cu

ta wordo muha cu awa y bebi via un pipa di metal. Ta hopi comun pa comparti mate den grupo. Algun experto den salud a cuestiona e metodo di e yerba seco, señalando cu esaki ta laga restonan venenosos.

Na Paraguay, mate ta wordo bebi principalmente friu y esey ta wordo yama tereré. Lagier a admiti cu esey tabata un problema den pasado, pero ta segura cu e metodonan actual di seca a baha e resto venenoso na un minimo. Tambe e ta señala cu no tin evidencia di pista di agro kimico den yerba. “Si uza glifosato den bon forma, e herbicida no tin contacto cu e blachi ya cu e yerba ta un mata y ta wordo tira riba vloer pa destrui matanan no desea,” Lagier ta splica.

### Pruebanan nobo

IARC a informa BBC Mundo cu “den e futuro lo reevalua mate” pa determina si mester sigui den e mesun categoria di riesgo. “Nos lo examina e hipotesis cu e temperatura di awa y no di e mata of su preparacion ta esun cu ta asocia cu cancer,” e organizacion a bisa. Mientrastanto e agencia y OMS lo sigui considerando mate manera un riesgo pa salud.





## Fundacion Lanta Papiamento

Dia 21 di mei 2015 nos ta recorda cu 12 aña pasa Papiamento a bira un idioma oficial na Aruba. Tambe nos ta celebra 6 aniversario di Fundacion Lanta Papiamento.

Meta di Fundacion Lanta Papiamento:

Despues di hopi discusion durante hopi aña porfin dia 21 di mei 2003 Papiamento a bira lenga oficial di Aruba, banda di Hulandes.

Oficialisacion di un idioma so no kiermen nada en realidad, si e aceptacion no t'ey y si ta sigui trata e idioma concerni como di segundo rango of, pio ainda, como algo sin balor.

Nos a ripara cu e trabou di duna informacion na pueblo y di conscientisa nos hendenan mester sigui.

Esey ta loke nos fundacion kier haci. Nos fundacion ta boga pa cambio di acercamento, posicion y maneho relaciona cu Papiamento.

Concretamente e metanan di Fundacion Lanta Papiamento ta encera:

- Mehoracion y desaroyo di e status di idioma Papiamento, tanto localmente como internacionalmente;

- Conocemento amplio di tur aspecto di Papiamento;

- Conscientisacion di nos pueblo encunto e balor di idioma Papiamento pa su desaroyo;

- Desaroyo di un bon maneho y planificacion di idioma na bienestar di tur sector den comunidad, di gobierno y, en especial, di enseñansa.

Tur esaki pa medio di investigacion di tur aspecto di idioma, informacion, congreso y seminario, charla, publicacion etc.

Su mision nos por formula como lo siguiente:

Nos tur, papiado di Papiamento, lo mester tin un conocimiento amplio di nos idioma y mester ta consciente di su balor, pa por yud'ehaya e lugha cu e merece den tur elemento di nos cultura, particularmente den nos enseñansa.

Ley di e idioma oficial di Aruba

Papiamento – idioma oficial na Aruba

Decreto Nacional di 21 di mei 2003 conteniendo algun regla tocante Papiamento y Hulandes como idioma ofi-

cial (Decreto Nacional Idiomanan oficial)

Art.3

1. Por uza Papiamento of Hulandes den comunicacion oral of skirbi cu un instancia di gobierno.

2. Un instancia di gobierno por uza Papiamento of Hulandes den comunicacion oral y skirbi.

3. E instancia di gobierno ta uza e ortografia corecto di e idioma den cua el a skirbi.

4. Por pidi traduccion di cualkier documento skirbi den un di e idioma oficial; e traduccion aki mester ta cla dentro di 4 siman.

Art. 4

1. Por huramenta na Papiamento – cu e frasenan: Dios

Todopoderoso, yuda mi. of Esey mi ta priminti. of

Esey mi ta declara

Art. 7

E actonan di Censo ta na Papiamento of Hulandes.

Art. 8

Tur documento destina pa registro publico ta na Papiamento of Hulandes.

Art. 9

Ta exige di cada documento destina pa registro publico cu no ta den un di e idioma oficial un traduccion na Papiamento of Hulandes produci pa un traductor huramenta.

### Elogio pa Women's Club of Aruba

## Pa nan rol importante pa cu conscientisacion di HIV/AIDS

Candlelight Memorial ta un tradicion cu mester sigui mantene. Den e di dos mita di añanan 1980 Women's Club of Aruba a pone na nos isla e spotlight riba un enfermedad cu tabata relativamente nobo pa mundo. Hunto cu algun profesional medico y diferente instancia nan a cuminsa cu e tarea dificil di introduci informacion y conscientisacion tocante un malesa cu tabata "taboe" pa papia di dje den nos comunidad, y en realidad den mundo henter. Women's Club of Aruba a curasha diagnostica y campananan di prevencion di e virus HIV cu tabata desaroya den mayoria caso den e enfermedad AIDS den e tempo ey. E impacto tabata sumamente grandi riba e pashent su famia y na trabou.

Minister dr. Alex Schwengle no por tabata presente na e tradicional conmemoracion anual conoci como AIDS Candlelight Memorial". Sinembargo e mandatario a haya esaki di suma importancia pa subraya e lugha importante cu Women's Club of Aruba, nan partnernan y nan campananan di conscientisacion tin den nos comunidad.

"Mi tin hopi respet y admiracion pa gruponan den nos comunidad manera Women's Club of Aruba. Nan a



tuma un topico taboe, un preocupacion grandi, un enfermedad contagioso cu un introduccion rondona pa controversia y miedo y nan a wak e importancia di prevencion. Pa asina nan contribui na e comunidad cu nan ta parti di dje y tanto nan ta stima pa e wordo protegi mas tanto posibel di su introduccion y expansion," Minister Schwengle a expresa.

AIDS Candlelight Memorial ta un evento anual cu ta tuma lugha riba e di tres diadomingo di luna di mei. Mundialmente mas di 1200 organizacion comunitario den 115 pais ta organisa e evento aki, unda cu ta cende cuater bela cu un simbolismo special: e bela preto pa conmemora personanan cu a fayece a consecuencia di HIV/AIDS; e bela blanco como muestra di

apoyo na e famianan; e bela berde pa speranza; y e bela cora como muestra di sosten pa e personanan bibando cu HIV/AIDS.

E aña aki, e conmemoracion a haya e tema internacional "Supporting the future", esta "Apoyando futuro".

Women's Club of Aruba (WCA) a expresa satisfaccion cu Ministerio di Salubridad ta haciendo un contribucion ainda mas activo den e area di prevencion, pero specialmente den e rol activo di hacimento di test pa medio di Bus di Salud. Chairman di e AIDS Awareness and Education Committee, sra Mary-Lou de Windt a splica cu awendia Bus di Salud conoce un HIV team cu ta ofrece un "rapid HIV test" hunto cu e testnan cu ta wordo ofreci pa e personal medico y e ta atendido pa tende cu 8 di cada 10 persona ta bay di acuerdo pa haci e test.

WCA ta sinti cu e taboe ta kibrando hopi y e trabao cu nan ta bin haciendo for di aña 1986 ta dunando su frutanan, tanto den e area di uzo di proteccion pa miho prevencion, pero sigur pa cu diagnostica tempran. Prevencion ta e palabra clave den e caso aki y ta p'esey Minister Schwengle tin su preocupacion pa loke ta



trata e cifranan di personanan infecta cu e virus HIV cu a aumenta den ultimo tempo.

Sra. Martis Presidente di WCA a splica tambe cu awendia mas tempran un persona haya sa cu e ta HIV positivo, mas chens e ta duna su mes di biba y haya e tratamento adecua. E pashent cu ta HIV positivo no tin nodo di muri di AIDS, tin remedi cu ta yuda e persona hiba un bida cu calidad aunke cu e ta infecta cu e virus, mescos cu cualkier otro persona cu tin un malesa cronico. Pero ta e pashent di HIV su responsabilidad pa cumpli debidamente cu su tratamento.

Martis ta curasha tur hende pa busca e informacion corecto y principalmente pa uza proteccion y asina preveni pa

wordo contagia; e persona cu ta sospecha cu e por ta HIV positivo, Martis ta curasha e persona pa haci su test y asina detecta e virus tempran pa haya tratamento tempran y evita e desaroyo di AIDS.

E aña aki AIDS Candlelight Memorial a tuma lugha na Paseo Herencia, unda cu a conta cu presencia di Gobernador Fredis Refunjol y cooperacion di parti di, entre otro Scol di Musica Rufo Wever, Addonsito Croes, John Freddy Montoya, Father Sidney Jacob y Elisabeth Pope pa un programa bunita cu un balor aña den e campaña di conscientisacion y como un gesto importante pa "support the future".



*Prome Minister ta haci:*

## Control riba trabounan di limpieza na Sabana Basora

**ORANJESTAD - E departamentonan di gobierno Serlimar y DOW a haci un pasada cu tin entre dos fila di cas na e compleho di FCCA na Sabana Basora limpi.**

Di e forma aki ta trece mas siguridat den e barío y ta crea un espacio tras di cada cas cu por wordo uza pa plantacion, di matanan di fruta of berdu-ra. Prome Minister a bishita e area aki diahuebs mainta pa mira cu e trabou di limpieza ta basta avansa.



“Mi ta hopi contento di mira cu e trabou di limpieza ta avansando, despues cu nos a bishita e barío algun siman pasa, combersando cu e ha-

bitantenan.” Na e ocasion ey, e mandatario a señala, tabatin hopi tema cu a wordo discuti, entre otro aspecto di siguridat y otronan relata na sigu-

ridad. Ta trata di un pasada entre dos fila di compleho di cas, unda matanan a crece tur den otro pero tambe e area a absorba un cantidad grandi di

sushi. E mandatario a bisa cu e habitantenan no solamente a considera e area uno no higienico pero tambe cu e no ta contribui na siguridat di e ciudadanonan cu ta biba rond. “E limpieza ta trece claridat, ta habri e area.

Serlimar a wordo pidi pa haci un area di mas cu 100 meter, cu a trece e siguridat bek pa e habitantenan. Alabes tin preparacionnan andando pa e futbolistanan profesional cu ta forma parti di Team Bo-Bario organisa actividadnan semanalmente riba e veld chikito cu ta forma parti di e compleho di vivienda di FCCA.

“Pa nos ta importante cu e

trabounan ta wordo haci ora cu nos bishita un barío. Na momento cu nos cumpli, nos ta sinti tambe cu e ciudadanonan ta haya mas animo pa tuma un responsabilidad di nan banda.”

Den e caso di e limpieza cu Serlimar ta haciendo, e habitantenan a sigura cu e area ta bay keda manteni limpi pa nan mes di awo bay dilanti.

“Nos ta contento di mira cu e luga ta birando limpi .... cu awor nos por sinti un poco mas di siguridat,” asina Oscar Marin a bisa. Despues el a añadi “cu awor ta momento pa cuminsa cu algun plantacion den e area aki di Sabana Basora”. □

## Programa Luz den Barío ta cuminsa den juli

**ORANJESTAD – Prome Minister tabata di bishita diahuebs mainta den barío di Savaneta.**

E area unda Prome Minister Eman a cana tabata Savaneta Nort y a wordo compañía pa sr. Robby Wever, personanan bon conoci di e barío pero tambe di e sector di comercio, pa nan trayectoria den e sector di negoshi di panaderia. Pero tambe a forma parti di e inicio di e epoca industrial cu un mashin shop na Barcadera. “Ta masha importante cu personanan cu a hunga un rol asina prominente den desaroyo di nos

pais of di nan barío, ta forma parti di e Accion di Barío cu nos ta organisa,” Prome Minister Eman a expresa.

A haci un inventario di loke ta e deseo di e barío, den tur e areanan, unda cu loke a resalta tabata deseo pa bini cu sistema pa reduci velocidad di trafico mientras cu den e area nort e peticionnan ta concentra mas riba asfalt y miho iluminacion. E mandatario a anuncia cu den luna di juli awor ta cuminsa cu e programa di Luz den Barío ora cu ta bay introduci e luznan LED nobo.

E Bus di Salud tabata pre-

sente pa yuda habitantenan y e mandatario a wordo compañía den su bishita den e barío pa funcionarionan di Serlimar, DOW y Gele Koorts Muskieten Bestrijding (GKMB). Hopi di e casnan bishita a pidi e funcionarionan di GKMB pa haci e testnan necesario den awanan para pa mira si ta topa cu e sangura cu ta causa Dengue of Chikunguya. Funcionari- onan di SERLIMAR ta den e barionan durante henter un siman, principalmente pa haci limpieza y corta matanan cu ta stroba trafico banda di caminda grandi. Savaneta ta un barío hopi de-



saroya, y e deseo cu e habitantenan tin ta mas iluminacion

y camindanan di santo cu nan ta desea pa wordo asfalta. □

## Reunion organisa pa San Nicolas Business Association

**SAN NICOLAS – Diaranson anochi San Nicolas Business Association den un reunion a trece tur persona interesa den un intercambio positivo di pensamiento y idea relaciona cu futuro di e refineria.**

E reunion, cu a tuma luga na Teresita Center, tabata hopi bon bishita pa ciudadanonan cu tabata traha na e refineria of tabatin un negoshi cu un relacion cu e refineria, pero tambe a conta cu presencia di ciudadanonan interesa pa intercambia di idea y experiencianan cu e invitadonan y e publico presente. Minister Mike de Meza a duna un splicacion amplio encuanto e relacion entre

Gobierno di Aruba y Valero, e compania cu ta doño di e refineria.

El a splica e ultimo detayenan, esfuersonan y intencionan cu Gobierno a haci y a bin ta haciendo, como e di tercer partido - pues no como doño ni tampoco cumprado, pero mas bien como un catalisado pa trece Valero como doño y un posibel cumprado na mesa cu otro. For di esunnan presente tabatin hopi pregunta, hopi sugerencia.

SNBA tambe a extende un invitacion na Sr. Nelson English pa asisti na e reunion aki, pero a haya su mes stroba y no a atende e reunion.

Minister Mike de Meza a



ripiti loke el a indica durante reunion den Parlamento, cu Gobierno ta papiando cu Valero pa pospone e desmantelacion di e refineria pa sigui

sondea e posibilidadnan pa un eventual reapertura.

El a splica e posicion di Valero, cu tin un fecha final di contract tambe pa tene na

cuenta, cu ta inclui e obligacion pa e compania aki desmantela e refineria, haci e area limpi y remedia e dañonan ambiental riba e tereno.

Un otro punto importante cu a wordo discuti tabata e operacionnan di “transshipment” cu ta den man di Valero. Minister de Meza a splica cu como cu Gobierno no ta doño di e refineria, Gobierno tampoco ta doño di e ekiponan riba e tereno di e refineria.


El a añadi cu loke Gobierno si ta haciendo ta negocia cu Valero pa nan traspasa e area, e tankinan y e parti di mercado local pa Gobierno y pa pueblo di Aruba. □



# Trekkingslijst van de Landsloterij

11de Trekking															21 Mei 2015																
-----	2405	150	4908	150	6911	150	3DE	10873	150	13226	150	15516	150	17337	150	19527	150	21753	150	24052	150	26437	150	28858	150	30974	150	33204	150		
REEN	2407	150	4922	150	6913	150	PRIJS	10881	150	13233	150	15541	150	17352	150	19542	150	21756	150	24088	150	26443	150	28864	150	30993	150	33219	150		
HEDDEN	2408	150	4938	150	6936	150	*****	10937	500	13240	150	15543	150	17355	150	19545	150	21765	150	24103	150	26473	150	*****	150	30998	150	33220	150		
-----	2410	150	4945	150	6937	150	8854	1250	10989	500	13248	150	15550	150	17367	150	19576	150	21772	150	24119	150	26478	150	1STE	-----	33275	150			
2	2418	150	4967	150	6945	150	8855	-----	-----	-----	13271	150	15551	150	17475	150	19596	150	21807	150	24149	150	26495	150	PRIJS	EEN EN	33279	150			
TIEEN	2437	150	4976	150	6950	150	20000	-----	-----	-----	13277	150	15557	150	17480	150	19600	150	21817	150	24157	150	26499	150	*****	-----	33281	150			
TALLEN	2454	150	4984	150	6955	150	8856	1250	DUIZEND	-----	13333	150	15594	150	17485	150	19624	150	21859	150	24180	150	26521	150	28875	2000	DUIZEND	33324	150		
-----	2479	150	4995	150	6974	150	*****	-----	-----	-----	13338	150	15605	150	17516	150	19630	150	21873	150	24191	150	26522	150	28876	-----	33348	150			
-----	2490	150	-----	-----	-----	-----	8864	150	11007	150	13345	150	15613	150	17527	150	19648	150	21939	150	24201	150	26524	150	200000	31011	150	33352	150		
30	2519	150	-----	-----	-----	-----	8865	150	11024	150	13367	150	15632	150	17544	150	19650	150	21943	150	24213	150	26528	150	28877	2000	31055	150	33355	150	
51	2520	150	DUIZEND	-----	ZEVEN	-----	8872	150	11035	150	13371	150	15638	150	17553	150	19657	150	21960	150	24233	150	26538	150	*****	31104	150	33356	150		
55	2550	150	-----	-----	-----	-----	8884	150	11063	150	13376	150	15663	150	17590	150	19713	150	21970	150	24266	150	26552	150	28892	150	31116	150	33359	150	
56	2570	150	5000	150	7002	150	8909	150	11085	150	13384	150	15673	150	17612	150	19723	150	-----	-----	24295	150	26557	150	28900	150	31126	150	33371	150	
65	2585	150	5015	150	7017	150	8910	150	11112	150	13388	150	15674	150	17623	150	19724	150	TWEE EN	-----	24328	150	26588	150	28903	150	31162	150	33391	150	
67	2588	150	5017	150	7039	150	8917	150	11114	150	13421	150	15682	150	17655	150	19736	150	TWINTIG	-----	24334	150	26623	150	28914	150	31223	150	33394	150	
-----	2595	150	5039	150	7092	150	8928	150	11127	150	13425	150	15702	150	17657	150	19787	150	DUIZEND	-----	24340	150	26626	150	28925	150	31229	150	33409	150	
HONDERD	2598	150	5048	150	7126	150	8956	150	11134	150	13441	150	15705	150	17659	150	19796	150	-----	-----	24347	150	26653	150	28927	150	31239	150	33439	150	
TALLEN	2603	150	5055	150	7129	150	8964	150	11148	150	13456	150	15715	150	17663	150	19814	150	22015	150	24375	150	26671	150	28955	150	31263	150	33476	150	
-----	2621	1000	5081	150	7148	150	8982	150	11195	150	13465	150	15736	150	17676	150	19817	150	22024	150	24415	150	26707	150	28967	150	31284	150	33499	150	
-----	100	150	5105	150	7160	150	8994	150	11202	150	13467	150	15753	150	17700	150	19820	150	22033	150	24417	150	26710	150	28992	150	31311	150	33520	150	
104	2686	150	5107	150	7161	150	-----	-----	-----	-----	13481	150	15796	150	17750	150	19826	150	22082	150	24446	150	26729	150	28997	150	31329	150	33526	150	
124	2697	150	5111	150	7166	150	NEGEN	11228	150	13490	150	15810	150	17751	150	19836	150	22084	150	24452	150	26738	150	-----	-----	31331	150	33538	150		
161	2701	500	5116	150	7170	150	DUIZEND	11230	150	13491	150	15812	150	17752	150	19868	150	22090	150	24453	150	26761	150	NEGEN EN	-----	31373	150	33541	150		
184	2702	150	5127	150	7187	150	-----	-----	-----	13496	150	15832	150	17791	150	19889	150	22091	150	24482	150	26782	150	TWINTIG	-----	31385	150	33555	150		
229	2728	150	5171	150	7207	150	9017	150	11241	150	13496	150	15836	150	17814	150	19906	150	22097	150	24521	150	26805	150	DUIZEND	31410	150	33562	150		
252	2749	150	5173	150	7218	150	9026	150	11307	150	13548	150	15851	150	17815	150	19914	150	22136	150	24523	150	26824	150	-----	31474	150	33585	150		
272	2757	1000	5188	150	7226	150	9041	150	11310	150	13581	150	15878	150	17818	150	19924	150	22147	150	24539	150	26828	150	29019	150	31481	150	33601	150	
281	2785	150	5197	150	7227	150	9059	150	11322	150	13617	150	15905	150	17832	500	19932	150	22210	150	24548	150	26865	150	29038	150	31482	150	33620	150	
295	2838	150	5231	150	7233	150	9063	150	11336	150	13630	150	15907	150	17835	150	19955	150	22229	150	24561	150	26880	150	29041	150	31492	150	33622	150	
300	2854	150	5244	150	7240	150	9078	150	11346	150	13647	150	15916	150	17840	150	19975	150	22240	150	24575	150	26904	150	29046	150	31496	150	33634	150	
369	2857	150	5255	150	7260	150	9120	1000	11360	150	13663	150	15925	150	17852	150	19987	150	22242	150	24583	150	26983	150	29065	150	31544	150	33656	150	
424	2884	150	5265	150	7275	150	9123	150	11392	150	13670	150	15934	150	17858	150	19999	150	22248	150	24625	150	-----	-----	29077	150	31606	150	33669	150	
443	2919	150	5299	150	7295	150	9156	150	11401	150	13677	150	15940	150	17866	150	-----	-----	22257	150	24632	150	ZEVEN EN	-----	29078	150	31623	150	33681	150	
450	2926	150	5322	150	7307	150	9157	150	11414	150	13711	150	15955	150	17867	150	TWINTIG	-----	22263	150	24671	150	TWINTIG	-----	29120	150	31630	150	33728	150	
471	2966	150	5340	150	7312	150	9180	150	11433	150	13718	150	15965	150	17868	150	DUIZEND	-----	22284	150	24694	150	DUIZEND	-----	29121	150	31645	150	33733	150	
495	2995	150	5357	150	7319	150	9207	1000	11444	150	13769	150	15974	150	17879	150	20015	150	22318	150	24717	150	26915	150	29139	150	31688	150	33734	150	
500	150	-----	5373	150	7360	150	9211	150	11454	150	13733	150	15976	150	17906	150	20027	150	22326	150	24798	150	27002	150	29167	150	31688	150	33735	150	
504	150	-----	5398	150	7415	150	9219	150	11463	150	13741	150	15999	150	17907	150	20076	150	22330	150	24802	150	27013	150	29172	150	31709	150	33810	150	
505	150	DUIZEND	5412	150	7416	150	9223	150	11469	150	13767	150	-----	-----	17920	150	20080	150	22353	150	24804	150	27019	150	29178	150	31710	150	33821	150	
522	150	-----	5417	150	7426	150	9258	150	11476	150	13788	150	-----	-----	17926	150	20103	150	22367	150	24820	150	27029	150	29184	150	31714	150	33835	150	
523	150	3004	150	5418	150	7455	150	9263	150	11501	150	13790	150	-----	-----	17980	150	20123	150	22368	150	24827	150	27051	150	29189	150	31722	150	33838	150
529	150	3026	150	5424	150	7460	150	9278	150	11516	150	13808	150	-----	-----	17987	150	20133	150	22377	150	24836	150	27062	150	29190	150	31725	150	33851	150
536	150	3033	150	5430	150	7470	150	9288	150	11532	150	13811	150	16014	150	17998	150	20173	150	22419	150	24843	150	27117	150	29215	150	31737	150	33857	150
543	150	3053	150	5498	150	7483	150	9333	150	11533	150	13822	150	-----	-----	16029	150	20181	150	22427	150	24872	150	27139	150	29230	150	31747	150	33878	150
660	150	3076	150	5528	150	7489	150	9361	150	11547	150	13826	150	16031	150	17998	150	20184	150	22441	150	24879	150</								





## BABY BOOMER WORD FIND

C	U	P	W	A	R	T	O	T	R	G	L
L	I	D	O	J	N	T	O	E	O	E	A
S	L	H	S	P	G	B	M	B	I	N	I
W	T	K	P	F	U	O	D	G	N	E	T
A	I	N	K	A	O	L	E	Y	E	R	N
Q	G	W	E	B	R	I	A	W	S	A	E
P	B	E	Y	R	P	G	A	T	L	T	U
Z	Y	B	L	P	A	Z	O	C	I	I	L
Q	A	I	I	U	N	P	X	M	J	O	F
B	O	H	X	W	E	D	F	E	E	N	N
P	R	O	S	P	E	R	I	T	Y	D	I
T	N	E	M	E	R	I	T	E	R	Y	Z

AGE  
BABY BOOMER  
DEMOGRAPHIC  
GENERATION  
HIPPIE  
INFLUENTIAL  
PARENTS  
POPULATION  
PROSPERITY  
RETIREMENT  
SENIOR  
WAR

## Sudoku BON DIA, train bo mente

3	4		8	2	6		7	1
		8				9		
7	6			9			4	3
	8		1		2		3	
	3						9	
	7		9		4		1	
8	2			4			5	9
		7				3		
4	1		3	8	9		6	2

Bon bini na Sudoku Bon Dia. Riba e pagina aki nos ta brinda bo tur dia 1 sudoku. Pa resolve bo ta pone number den cada cuadra di tal forma cu cada rij crusa of bay about tin e number un solo biaha.

Tambe den cada cuadra chikito compara cu esun mas grandi tambe tin e numbernan 1 te cu 9. E number tampoco no por ripiti den e cuadra chikito. Trahando cu e numbernan cu tin poni caba ta yuda bo yega na e solucion. □



## Balchi di Bacalao


### Ingredientenan:

- 1 paki Bacalao sin weso
- 4 tenchi konoflo machica
- 1 siboyo mediano
- 1 promenton corta
- Netumuskat, oregano
- 2 webo bati
- Poco hariña di pan
- Pida selder mericano

### Preparacion:

Pone e bacalao fresco poco y despues pone herbe hunto cu dos tenchi di konoflo machica te ora e habri y bira moli. Despues ta garna esaki y ta controla e salo dje bacalao segun propio smak. Carta e siboyo, promenton, selder chiquito of si ta desea por pone tur hunto den un food processor y corta nan fini. Bati e dos webo nan y pone e spesereinan fini hunto cu e webo y drei nan tur hunto den otro. Pone poco oregano y netumuskat pa asina caba dune un dushi smak. Ora cu caba mescla tur cos bon den otro ta pone poco hariñadi pan aserca. Asina e mescla mara un tiki. No pone demasiado ya cu e balchi mester keda dushi soft. Despues ca caba pone e hariña y esaki ta bon mescla cu e bacalao ta traha e balchinan cada uno cu dos cuchara dje mescla. Tambe por traha nan estilo di hamburger. Despues ta hasa e balchinan den zeta cayente te ora cu nan bira un bunita color bruin. Por sirbi e balchinan cu tanto aros como berdura, pampunam, batata dushi y banana herbe. Esnan traha estilo hamburger por wordo sirbi cu pan.

*Bon Appetit!*





## DOCTER

NA WARD  
Oranjestad

Mei 23 Dr. Wijngaarde  
Mei 24 Dr. Cayama

## EMERGENCIA

**911**



POLIS	100
POLIS	581-1100
ORANJESTAD	582-4000
NOORD	587-0009
STA. CRUZ	585-4710
SAVANETA	584-7000
SAN NICOLAS	584-5000
BRANDWEER	115
BRANDWEER	582-1108
POLIS TIPLINE	11141
HOSPITAL	527-4000
AMBULANCE	582-1234
SAN NICOLAS	
AMBULANCE	584-5050

## BOTICA

Oranjestad: Trupiaal Tel: 583-8560  
San Nicolas: Aloe Tel: 584-4606

## SERVICES

INFORMATION	118
SETAR	582-2116
TAXI	582-5900
TAXI-TAS	587-5900
PROF. TAXI	588-0035
TAXI D.T.S.	587-2300
SERVICE ARUBA	583-3232

## CRUISESHIP



Mei 23  
Freewinds

## MORTUARIO

AD Patres	584-2299
Aurora	588-6699
Mementomori	583-3358
The Olive Tree	584-8888

## FOUNDATION FELLOWSHIP CLINIC

Tel: 584-6440  
Alcoholism & Drug Addiction,  
Anonymity guaranteed

## FUNDACION

Anti-Droga  
Aruba  
(FADA) Tel: 583-2999

## FUNDACION

Respetami  
Tel: 582-4433

Diabetic Foundation  
Arubano

Tel: 583-3808  
Narcotics Anonymous

Tel: 583-8989  
Foundation Amor  
pa Prohimo

Tel: 583-3345 / 586-6976

Women in Difficulties  
Foundation  
Tel: 583-5400



## MEGAPLEX 8

caribbeancinemas.com/aruba



LIKE OUR NEW FACEBOOK PAGE

f Caribbean Cinemas Aruba

MAY 21 - 27



GEORGE CLOONEY | BRITT ROBERTSON

Disney  
**TOMORROWLAND**

WITH SPANISH SUBTITLES

MON-FRI 4:00 | 6:20 | 9:05  
SAT, SUN & HOL 3:35 | 6:20 | 9:05  
MON-THURS 5:15 | 8:00  
FRI 5:15 | 8:00 | 10:45  
SAT 2:30 | 5:15 | 8:00 | 10:45  
SUN & HOL 2:30 | 5:15 | 8:00

ON TWO SCREENS



SAM ROCKWELL | ROSEMARIE DEWITT

**POLTERGEIST**

WITH SPANISH SUBTITLES

3D VERSION

MON-THURS 5:10 | 9:40  
FRI 5:10 | 9:40 | 11:55  
SAT 5:10 | 9:40 | 11:55  
SUN & HOL 5:10 | 9:40  
2D VERSION  
MON-FRI 7:25  
SAT, SUN & HOL 2:55 | 7:25



REESE WITHERSPOON | SOFIA VERGARA

**HOT PURSUIT**

WITH SPANISH SUBTITLES

MON-THURS 5:05 | 7:10 | 9:20  
FRI 5:05 | 7:10 | 9:20 | 11:30  
SAT 3:00 | 5:05 | 7:10 | 9:20 | 11:30  
SUN & HOL 3:00 | 5:05 | 7:10 | 9:20



TOM HARDY | CHARLIZE THERON

**MAD MAX  
FURY ROAD**

3D VERSION

MON-THURS 4:20 | 9:30  
FRI-SAT 4:20 | 9:30 | 12:05  
SUN & HOL 4:20 | 9:30  
2D VERSION  
MON-FRI 6:55  
SAT, SUN & HOL 1:50 | 6:55

ANNA KENDRICK | REBEL WILSON

**PITCH PERFECT 2**

PG-13

MON-THURS 4:15 | 6:45 | 9:15  
FRI 4:15 | 6:45 | 9:15 | 11:30  
SAT 1:50 | 4:15 | 6:45 | 9:15 | 11:30  
SUN & HOL 1:50 | 4:15 | 6:45 | 9:15

ROBERT DOWNEY JR. | CHRIS EVANS

**AVENGERS  
AGE OF ULTRON**

PG-13

MON-FRI 6:00 | 9:00  
SAT, SUN & HOL 3:00 | 6:00 | 9:00

HEATHER SOSSAMAN | MATTHEW BOHRER

**UNFRIENDED**

R

MON-THURS 9:10  
FRI 9:10 | 11:15  
SAT 9:10 | 11:15  
SUN & HOL 9:10

KEVIN JAMES | RAINI RODRIGUEZ

**PAUL BLART  
MALL COP 2**

PG


MON-THURS 4:40 | 6:50  
FRI 4:40 | 6:50  
SAT 2:30 | 4:40 | 6:50  
SUN & HOL 2:30 | 4:40 | 6:50

STARTING NEXT WEEK | **SAN ANDREAS: 3D**

Download our NEW APP



Palm Beach Plaza | Aruba | 586-0074



## Aries

Esaki por ta un dia complica ya cu bo ta sinti atraccion di e demanda nan y e deseonan conflicto. Bo numbernan di awe 4, 31, 40 y 51.



## Tauro

No ta musta husto cu e carga di trabou a aumenta den e ultimo dianan aki. No ta importa cu ainda bo tin tur bo tareanan normal pa haci, conta cu e ayudo di e otro nan, si bo por. Bo numbernan di awe 8, 11, 23 y 45.



## Geminis

Warda cu e energianan planetario di awe ta hisa bo consciencia social. Ta posibel cu bo pensamiento ta distrai riba e personanan sin cas cu bo ta mira awe of riba un special di television riba babynan cu SIDA. Bo numbernan di awe 7, 26, 30 y 32.



## Cancer

Por ta cu awe bo ta wordo pidi pa guli bo orguyo y baha dilanti e boluntad di otro persona. Esaki lo ta dificil pa haci. Bo numbernan di awe 5, 22, 25 y 33.



## Leo

E energia planetario ta haci cu esaki ta un bon dia pa e contemplacion na lugan di accion. Si bo ta sinti e impulso di cumpra, no lo haci esey. Bo numbernan di awe 7, 13, 30 y 32.



## Virgo

E pasion y romance ta den aire, asina ta probecha tur loke bo por di e ambiente aki. Henter e mundo ta musta di ta den humor festivo. Bo numbernan di awe 6, 24, 33 y 35.



## Libra

Awe bo por ricibi un noticia inkieta di un miembro di famia. Esaki por haci bo tambalia pa un momento, pero ora bo dedica tempo na pensa riba dje un poco mas lo bo ripara cu ta cosnan pa no preocupa manera e ta musta. Bo numbernan di awe 6, 19, 27 y 34.



## Scorpio

Bo mester analisa bo limitacionnan fisico cu bo deseo di haci tur cos. Bo ta core e riesgo di termina cansa y malo ora bo caba cu bo cosnan. Bo numbernan di awe 8, 19, 27 y 33.



## Sagittario

Awe bo por ripara cu un amistad den realidad ta bo alma gemela. Boso a pasa hopi tempo cu otro, asistiendo eventonan social y boso a yega di cay na cuenta con hopi boso ta spera di e compania mutuo. Bo numbernan di awe 2, 20, 39 y 40.



## Capricornio

Awe bo intuicion y imaginacion fertil por proporciona bo interesnan profesional. Skirbi, papia of e artenan por ta involucra. Bo numbernan di awe 13, 18, 32 y 36.



## Aquario

Bo tin un naturalesa calido y sensibel, y awe bo por sinti specialmente den sintonia cu e sentimentonan di otro. E romance ta hopi presente den bo mente. Bo numbernan di awe 12, 28, 32 y 36.



## Pisces



*Osiris di 3 aña ta hunga cu Riff di 4 luna*


## Un cacho y un raton ta biba cu otro manera miho amigo



E raton ta e miho amiga di e cacho, esaki ta wordo aplica den e historia di Osiris y Riff Rat. Un cacho Hulandes y un raton mascota ta biba hunto y ta pasa ratonan agradabel estilo di peliculanan anima, solamente cu esaki ta sosode den bida real.

Via rednan social a bin haya sa di ambos animal. Riba e cuenta di Instagram @osirisandriff ta posibel di mira su relacion particular. Den e imagennan por observa Osiris di 3 aña hungando cu Riff di 4 luna.

E diferencia di tamaño – cacho di un altura di 60 centimeter; raton di 20 centimeter – no ta un inconveniente ora



di interactua. Nan t hunga cu otro cariñosamente, segun e registro fotografico.


E cuenta, unda cu ya tin cas 50.000 siguido, ta un suerte di tur dia unda cu e usuarionan por acerca directamente pa observa su bida diario. Mickey Alice Kwapis ta e propietario di e mascotanan y e responsabel cu e historia a sali na cla desde su cas na Chicago, Merca. □

## Muhe di 65 aña a haya su prome yiu via fertilisacion invitro

**Un muhe Israeli di 65 aña y miembro di e comunidad ultra ortodox a duna luz e siman aki di su prome yiu via fertilisacion invitro na Israel, medionan local a informa.**

E baby, cu a naci via cesarea dialuna ultimo na e hospital Meir di e localidad di Kfar Saba, parti noord di Tel Aviv, a pisa 2.6 kilo y ta den un estado perfecto, segun e corant "Israel Hayom," cu ta sigura cu e muhe di edad mas avansa cu ta duna luz den e pais. Bisinja di e ciudad di mayoria ultra ortodox Hudi di Bnei Brak, e muhe Jaya Shajar ta casa pa 46 aña cu Shmuel, y pesar di a purba varios biaha na keda embarasa y su edad avansa, nunca el a perde e speransa di bira mama, e medionan ta sigura.

E baby a wordo concebi danki na e tratamento di fertilisacion invitro cu sperma duna of cumpra, dato cu e hospital a nenga di clarifica, "The Jerusalem Post" a indica. Na Israel ta ilegal pa realisa tratamento invitro na hendenan muhe riba 54 aña. "E mayornan ta asina emocionada, cu ainda nan ta realizando esaki. Nan ta feliz manera muchanan chikito," e team medico cu a atende



e pareha na e centro hospitalario a indica. E embarazo di e muhe aki a provoca e debate den e campo di medico, pues e specialistanan ta adverti riba e riesgo y complicacionnan di hendenan muhe riba 50 aña.

"Claro cu no ta recomendable un embarazo na e edad aki, pero mi labor ta di yuda e muhe pa e regresa cas cu un baby sano," Tal Biron a splica, kende ta e ginecologo cu a atende e mama veterano. Biron a bisa cu e muhe a presenta den su departamento, specialisa den parti di riesgo, ora cu e tabata tin 12 siman di embarazo y a keda un tem-

porada largo den e centro hospitalario. □



## Dia Internacional di Biodiversidad

### Enfatisando desaroyo duradero

**ORANJESTAD - Ayera 22 di Mei tawata Dia Internacional di Biodiversidad. Pa un desaroyo duradero nos ta sacrifica naturalesa (biodiversidad) y tambe hopi biaha no ta tene cuenta cu cierto grupo di hendenan.**

Pa nos desaroya na un manera balansa nos tin cu acerca e hendenan local y tende nan deseonan pa e bario, nan manera di biba y especificamente pa naturalesa, nos tin cu wak e servicio cu nos sistema ecologico ta brinda nos. E balor di un beach blanco, un lama limpi, un tera cu gordura pa mata crece, aire limpi pa hala rosea y hopi mas.

Dia di biodiversidad ta pa stimula e cantidad di diferente mata (plantamento),

aprecia bestianan y aprecia paisahenan cu tin asina haci un Aruba bunita, atractivo, productivo y un luga unda nos cultura ta forma a base di e circunstancianan y recurso natural. Mester existi un balansa entre e importancia di crecemento economico y e balor cu ta pone riba biodiversidad.

Awe ta bon pa reflecciona riba e importancia di variedad di bida na mundo pa e bienestar

di e generacion actual y esun cu mester bin.

Departamento di Naturalesa y Medio Ambiente kier a uni na e mensahe di secretario general Sr. Ban Ki-Moon di United Nations a expresa pa e dia aki: Ariba e dia Internacional di Biodiversidad laga nos compromete un biaha mas na e accion mundial pa reduci e grado di perdida di biodiversidad, pa nos planeta y pa humanidad. □

